




Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 778 8° (LN 865 8° copy 2)






Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 778 8° (LN 865 8° copy 2)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 778 8° (LN 865 8° copy 2)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 778 8° (LN 865 8° copy 2)

Bongard Bibliopht. H. J. v. n. Jr.

N^o 778.





M. T. v. n. Jr.



=LN 865

ex. 2





PASTOR
SIVE
PASTORIS
OPTIMVS VIVEN-
DI AGENDIQUE
MODVS,

PER

Nicolaum Hemmingium.



Accesserunt huc x x x v i i. propositiones
de legitima veri cultus Dei ratione.

ANNO

M. D. XC.

RE
VIR
PIETAT
STRO Tio
rum Scani
suo frat
tis




bus pui est com
cogitantes de
multam: pra
corruptissimo.
Ecclesia Apost
olorum est se
Esi aut
plinam, multis
dnerunt: pau
sunt ag gressi.
rei plus iusto rei
sunt Monachos
Eremitarum A
regi uariis as



REVERENDO
VIRO DOCTRINA AC
PIETATE PRÆSTANTI, MAGI-
STRO TYCONI ASMUNDO, ECCLESIA-
rum Scanicarum Episcopo vigilantissimo,
suo fratri in Christo charissimo, gra-
tiam & pacem precatur

Nicolaus Hemmingius.

VM HAC PROXIMA ÆSTATE,
charissime frater, unà essemus, sæpè in-
cidimus in iustissimam laxatæ disci-
plinæ Ecclesiasticæ querelam : quæ sanè
querela procul dubio nobis cum omni-
bus pijs est communis. Fieri enim non potest, quin pijs
cogitantes de veteri Ecclesiæ disciplina perturbentur
multum : præsertim cum videant nostri seculi mores
corruptissimos, procul abesse à gravitate ac modestia
Ecclesiæ Apostolicæ, & eius quæ proximè tempora Apo-
stolorum est secuta.

Etsi autem veterem illam & laudatam disci-
plinam, multi Ecclesiarum gubernatores renocare stu-
duerunt : pauci tamen dextrè satis hanc provinciam
sunt aggressi. Multi enim nimis visi sunt rigidi, plu-
res plus iusto remissi, plurimi superstitiosi. Hinc natæ
sunt Monachorum sectæ ferè infinitæ : hinc extructæ
Eremitarum Mandræ : hinc inuectat tot ἐπιτίμια
καὶ ἀσκήσεις, quibus paulatim puritas doctrina tan-

A 2

tum

P R A E F A T I O.

non turbata est, & in locum fontis limpidissimi, effossa sunt cisterne humanarum traditionum foetentes & turbatissime. Ut autem haec prestigia magnifierent apud populum, Monachi Satanica fraude effecerunt. Nam iniusticia, necessitatis, meriti & cultus opinionis, suas æconitoses & histrionicas fabulas palliarunt: non sine ingenti in filium DEI contumelia, & infinitarum animarum certissimo interitu. Quamquam autem nostro hoc seculo istos errores taxarunt doctissimi viri, quorum veluti duces fuerunt apud omnem posteritatem piam celebrandi, Martinus Lutherus & Philippus Melancthon: qui duo viri etsi seriam purgandam doctrinam, & reuocandam sanctam disciplinam usque ad extremum spiritum nauarunt operam: mores tamen hominum cum doctrina emendare non potuerunt: id quod eos conqueri saepius cum multis audiuimus.

Cum autem hac inter nos, frater, ageretur querela, quarundam Ecclesiarum meminimus: in quibus disciplina, mediocris saltem, velut ex postliminio est reuocata: idque industria & diligentia pastorum, qui easdem Ecclesias, quarum tunc meminimus, primi post reuocatam doctrinam puritatem, administrarunt. Hi enim cum sanctissime vitam transigerent ipsi, facilius voce potuerunt alijs persuadere, quod ipsi vita pia & sanctis moribus expresserunt. Non enim est alia docendi ratio expeditior, quam quam regule congruit exemplum. Regula quid faciendum quidque fugiendum sit monet: cuius cum viva pictura exemplum

P R A E F A T I O.

plum accedit, tenacius haeret quod docetur, & magis mouet. Hæc ergò duo, regula videlicet & exemplum, coniuncta in illis pijs pastoribus, pium permouerunt magistratum, ut una cum pastoribus manum adhiberet, quò coniunctis viribus disciplinam collapsam erigerent. Ut autem reuocata quodammodo disciplina maneret diuturnior & constantior, præfecerunt ei graues & cordatos viros, qui censores morum essent, ac gubernatores reuocata disciplina. Hanc felicitatem illis Ecclesijs gratulor, oroq; æternum Deum, ut indies magis abundant in omni cognitione & sensu, ut probent quæ sunt potiora, & sint sinceri & πῶς κοῖται, & pleni fructibus iusticiæ in laudem & gloriam Dei: utq; perpetuò ita cum regula consentiat exemplum, ne vel regula à luce Euangelij, vel exemplum à regula aberret. Nam ubi exemplum cum regula non congruit, parum proficit docentis labor. Verè enim à poëta dictum est:

Corrumpunt vitiorum exempla domestica magnis
Cum subeant animos auctoribus.

Chrysostomus de sua ætatis sacerdotibus conqueritur his verbis: Sunt multi sacerdotes, & pauci sacerdotes. Multi nomine, & pauci opere. Videte ergò quomodo sedetis super cathedram Moysi. Quia cathedra non facit sacerdotem, sed sacerdos cathedram: non locus sanctificat hominem, sed homo locum: non omnis sacerdos sanctus est, sed omnis sanctus sacerdos est: qui bene sederit super cathedram, honorem accipit ab illa. qui malè sederit, iniuriam facit cathedræ. Ideoq;

A 3

maius

chrysostomus...
sacerdos, deus
ipso pastoribus

P R A E F A T I O.

malus sacerdos de sacerdotio suo crimen acquirit, non dignitatem. In iudicio enim sedes, siquidem bene vixeris & bene docueris, omnium index es: si autem bene docueris & male vixeris, tui solius condemnator es. Nam bene viuendo, & bene docendo, populum instruis, quomodo debeat viuere: Bene autem docendo, & male viuendo, Deum instruis quomodo te debeat condemnare. Hec Chrysostomus.

malus pastor
Bonus pastor
Nocentissima proinde Ecclesia pestis est malus pastor. Malus autem est, & qui male docet, maleq; uiuit: & qui bene docet, sed male uiuit: & qui male docet, sed bene uidetur viuere. Contra autem solus is meretur audiri bonus pastor, qui ut recte docet, ita & sancte uiuit. Is enim utraq; manu coelestem Ierusalem edificat. Doctrina enim quid, exemplo quomodo agendum sit ostendit.

fundamentum disciplinae
disciplinae
Hinc patere existimo, fundamentum disciplinae omnium esse vitam pastoris, ad regulam non errantem expressam. Quamobrem nihil magis ad renouandam sanctam disciplinam facere arbitror, quam si ministri Euangelij serio cogitent de seipsis primum regendis pia & sancta disciplina, ut doctrina & vita pulchre consentiant. Hoc ubi fecerint serio, sperandum est, ut aliquando rectius agatur in Ecclesia, & minus oriatur scandalorum, quibus supra modum rudis offenditur populus.

Vtinam omnes pastores magnitudinem sui muneris cogitarent: utinam non carnalibus tantum oculis regnum Christi intuerentur. Quando externi hostes

P R Æ F A T I O.

hostes irruunt in alienum regnum, atq; ferro & ^{Prædiorum} igni omnia vastant, nemo non dolet: nemo non, animo ^{Prædiorum} generoso præditus, arma capit, ut se hostibus patria opponat, eosq; à patrio solo arceat: idq; ideo ut in tuto sint corpora, & facultatule qualescunque saluæ maneant. Hac animi fortitudo meritò prædicatur: hic amor paterni soli laude imprimis est dignus. Contra autem, qui in tali necessitate fugiunt discrimina, & occultant se, ut suæ tranquillitati consulant, meritò accusantur ut ignavi, ut timidi, ut in patriam ingrati, ut patriæ desertores, ut aræ & foci proditores. At quando spirituales hostes multò truculentiores carnalibus istis, regnum Christi inuadunt, quid sit: pleriq; pastores, pro dolor, dormiunt, parum memores quod excubias eos agere oporteret, & in prima acie stare aduersus hostium insultus. Sed, ut dixi, hæc minus cū- ^{Prædiorum} rantur, quia corporalibus oculis minus cernuntur, & ab Epicureis prorsus ut fabulosa contemnuntur. Verum hîc speculatores ciuitatis Dei, hoc est, Ecclesiæ pastores decet, ut oculos spirituales aperiant, ut cladem Christiana Reipublica seriò animaduertant, quæ sanè clades maior est quàm ut ullis verbis explicari, grauior quàm ut ullis querelis satis deplorari possit. Muri ciuitatum Dei beneficio & sapientum gubernatorum consilio, stant integri & illæsi: sed morum munimenta & pietatis ornamenta magna ex parte cecidère. Tecta ab ignibus sunt libera: sed corda funestioribus cupiditatibus ardent. Faciliates tuò possidentur externæ: sed animi veræ diuitiæ diripiuntur.

P R A E F A T I O.

Prædia salua manent : sed præsidia cœlestis Ierusalem inuaduntur. Robora corporum augentur : sed pectora minuantur. Matrone & virgines vim militum non patiuntur : sed animi turpissimis voluptatum blanditijs succumbunt. Non abducuntur nobiles, non cines, non rustici, in tristissimam Turcici tyranni seruitutem : sed, quod est multò crudelius, tot dominorum tyrannide premuntur, quot vicijs laborant. Verè enim dicit Augustinus : Malus etiam si regnet, seruus est : non quidem vnius hominis, sed, quod est multò grauius, tot dominorum quot vitiorum. Hæc mala omnem barbaricam vastationem faciliè superant : Imò ideo atrociora sunt multò, quia non corporum, sed animorum : non fortunarum, sed salutis sunt exitia. Quibus, quæso, iuste imputabuntur hæc mala ? Etsi autem hæc non solis pastoribus rectè imputantur : magna ex parte tamen non pauci illorum in culpa sunt. Nam si illi exaltarent (iuxta Prophetæ consilium, imò iuxta DEI mandatum) ut tubam, vocem suam contra scelera grassantia, & obicerent se spiritualibus istis hostibus, induti spiritualibus armis : minus vastationis morum esset in mundo, minus scelerum & minus petulantia & contumacie aduersus Deum. Multi fortè se excusari putant, quod sæpe aduersus scelera in publicis concionibus declamitent : quod sanè perinde est ac si quis se strenuum militem gloriaretur, qui tamen in aciem contra hostem prodire recusaret. Nam cum in genere tantum accusantur scelera, quilibet vel nocentissimus se tergit, ac si ad se nihil pertineret, quod dicitur. At qui

non tam
in genere
lauda petunt

P R A E F A T I O.

qui in faciem probrum obijcit, ut tyrannidem, libidinem, iniusticiam, violentiam, ebrietatem, obtrectationem, veneficia, Diabolicas artes, acceptationem personae in iudicio, & alia huiusmodi: is verè cum hostibus conferit manus, regnum Satanae fortiter inuadit, atque à castris regni Christi hostes pellit. Sic fecit Helias, sic Nathan, sic Ieremias, sic Petrus, sic Paulus, sic Ambrosius, sic omnes Prophetae, Apostoli, adeoque omnes veri pastores, hoc est, qui pluris fecerunt ouium sibi commissarum salutem, quam aut fauorem pulueris & cineris, aut fortunas, aut denique propriam vitam. Quicumque hic pericula fugit, ac castra Christi relinquit abiectis armis, meritò ut ignauius, ut timidus, ut in Deum Patrem ingratus, ut Ecclesiae Christi defector, ut religionis omnis & pietatis proditor pessimus habendus est: cuius portio in resurrectione erit cum Iuda proditore, qui curam marsupij maiorem quam legationis sibi commissae habuit.

Cum autem huiusmodi sermones, frater charissime, inter nos conferremus, coepisti à me petere, ut ex verbo DEI ὑποθήκας quasdam colligerem, quae continerent solidam, quantum quidem id per me fieri posset, disciplinam, qua pius pastor regi, & cum fructu suo uberrimo, & cum auditorum suorum commodo, posset. Hoc etsi arduum & difficile mihi fore animaduerti, ideoque id oneris in tuos potius humeros imposuisssem: tamen quia te excusasti nimis impeditum grauissimis visitationibus Ecclesiarum, quae tua fidei commissae sunt, tibi idem à me saepius efflagitanti meam

A S

operam

P R Æ F A T I O.

operam condixi, & promisi me conaturum, ut aliquo, modo tua petitioni responderem.

En igitur Pastorem meum in publicum emitto. eumq; fortune subijcio, ut ferat quicquid & bonis & malis visum fuerit. Quod si autem aliquem fructum ex hoc nostro Pastore, pijs perceperint pastores, tibi acceptum ferant, qui & autor huius scriptiois fuisti & suaser. De Mommis, quibus nihil placet, nisi quod ipsi fecerint, nihil sum sollicitus. Rumpantur sane illa Codris.

Quod reliquum est oro aeternum Deum, Patrem Domini nostri Iesu Christi, ut det sua Ecclesia pios & fideles pastores, & nos unà coniungat, ut unum simus in ipso, eum celebrantes, corde, lingua, & tota vita, quò tandem beata immortalitate donati, fruamur conspectu αἰγιόχοις & mediatoris nostri Iesu Christi in omni aeternitate,

A M E N.



INVO.

INVOCATIO.

TE principem pastorem, Domine Iesu Christe, inuoco, qui solus animam tuam pro ouibus tuis dedisti, ut eas e faucibus lupi, qui est Diabolus, eriperes: solus oues tuas in uile tuum humeris tuis portasti: solus sanguine tuo precioso lauasti: Spiritu tuo sancto sanas, & pabulo eternæ vitæ pascis. Tibi supplico, ut mihi indignissimo seruo tuo adesse tua gratia velis, & ea scribenti suggerere ex fontibus verbi tui digneris, quæ ad piam faciant instructionem eorum, quibus oues tuas pascendas commendasti: quibusq; nomen, quod tibi soli proprium est, communicasti, nempe ut dicantur ouium tuarum pastores, tuam solius vocem sonantes, quam solam ut oues tuæ agnoscunt: ita te solum norunt, & sequuntur pastorem. Nam in te vno omnes sinceri pastores vnum sunt: quia vna vox est omnium qua tu aggregas oues tibi, quæq; pascis

INVOC.

I N V O C A T I O.

scis in amœnissimis tuis pratis aggregatas,
ac fontibus salutis liberalissime potas ac re-
ficis. Vt igitur ministris tuis, quos pasto-
rum nomine dignaris optimum viuendi a-
gendiq; modum præscribam, tu effcito: &
simul da gratiam, vt ipse cum illis iuxta
disciplinæ præscribendæ normam, vitam
totam peragam: donec curriculo vitæ præ-
sentis expleto, tibi, qui Episcopus anima-
rum nostrarum es, tra dam spiritum quem
dedisti. Tibi pastori animarum nostra-
rum, ac soli Deo cum Patre & Spiritu
sancto, sit benedictio & gloria, & sapien-
tia, & gratiarum actio, honor
& virtus, & robur in se-
cula seculorum,
AMEN.



PA.

PASTOR, SIVE PASTORIS OPTIMVS VL

uendi agendiq; modus.



P T I M V M Pastoris, hoc est, ei-
us qui pascendo gregi Christi legi-
time præfectus est, viuendi agen-
diq; modum & disciplinam, duo-
bus contineri capitibus arbitror:
quorum vnum ad personam, alterum ad offici-
um pastoris pertinet.

Pastor p.

In **P** E R S O N A quidem pastoris spectentur
tria. Priuata & solitaria vita, quæ soli Deo pa-
tet. Domus propriæ, & familiæ administratio.
Et externa, quæ in oculos hominum incur-
rit, vita & conuersatio.

In **O** F F I C I O verò, legitima pascendi ra-
tio, cum suis partibus consideretur.

*Erunt itaq; quatuor nostra institu-
tionis partes.*

Pastor in l. h. p.

P R I M A, vita pastoris priuata & solitaria. 1.

S E C V N D A, domus pastoritiæ, ac fami- 2.
liæ administratio.

T E R T I A, conuersatio pastoris politica & 3.
externa.

Q V A R T A, officium pastorale, seu legitima 4.
pascendarum ouium Christi ratio.

De

De hisce quatuor partibus, ad personam & officium Pastoris dominici gregis spectantibus, eo, quo à nobis propositæ sunt, ordine dicturus, perspicuas de singulis regulas tradam: quas si secutus fuerit Pastor, quem instruendum suscipimus, non solum in hac vita fructus vberimos percipiet, verum etiam in futura coronam immarcescibilem, quam Princeps Pastor promisit, reportabit.

DE PRIMA PARTE

QUÆ EST VITA PASTO-

ris Privata & Solitaria.

Pastor Ecclesie agitabit se p[er] oculis dei & solitaria
PASTOR OVIUM CHRISTI, omnium primum serio cogitet, se nusquam ita occultari posse vllis latebris, siue solus sit, siue cum alijs, quin perpetuo pateat, & conspectui Christi Pastoris (pro quo legatione fungitur, cuiusq; vices agit) & oculis Satanæ hostis Christi, & aduersarij humani generis. Quorum ille quidem puritatem hominis amat, atq; impuritatem abominatur. Hic verò contrà, vt impuritate hominis summè oblectatur: ita puritate eiusdem grauissimè offenditur. Quemadmodum enim Christus ipsa lux est, ideoq; luce delectatur: Sic Sathan tenebrarum princeps, tenebras amat, ijsq; afficitur.

Pro-

Proin
 dedisti nom
 cui in Bapt
 renunciasti,
 se, quod intra
 rius in nom p
 sunt, cuius
 lam autem noli
 puritas mentis
 sum magis offe
 de causa Paulu
 theo puritatem
 exhibe, i. Tim
 Eri autem
 communis esse
 tute sanguinis
 viriq; mod
 men Pastori
 quia alijs sue
 re debet. Ma
 ter, quæ alien
 quæ mundari
 ergo Apostoli
 ensait: Atten
 dit singularem
 vt se purum &
 Quæ hac
 mus generati
 re, vt clare p

Proinde tu quisquis es Christi Pastor, eiq;
dedisti nomen, caue ne cum ipsius aduersario,
 cui in Baptismo primum, deinde officij ratione
 renunciasti, colludas: existimans cælari pos-
 se, quod intra parietes tuos agitur. Imò hoc po-
 tius sit tuum perpetuum studium, vt quæ grata
 sunt ei, cui iurasti & cuius vice fungeris, facias.
 Iam autem nihil quicquam gratius est illi, quàm *Nihil Deo gratius
 est, quam puritas
 mentis & corporis.*
puritas mentis & corporis: & contra nihil ip-
 sum magis offendit, quàm animi sordes. Atq; ea
 de causa Paulus commendat suo Pastori Timo-
 theo puritatem, cum inquit: Te ipsum purum
 exhibe, 1. Timoth. 5.

Et si autem hæc puritas Pastori & ouibus
 communis esse debet: vt quæ prouenit ex vir-
 tute sanguinis summi Pastoris, quo abluti sunt
 vtriq; , modò verè in Christum credant: Ta-
 men Pastori vel ideò studiosius est sectanda, *Pastor in puri-
 tate studet, ut
 etiam in ouibus
 fiat.*
 quia alijs suo ministerio puritatem commenda-
 re debet. Manum enim illam mundā esse oportet,
 quæ alienas diluere vult sordes, ne tactu suo
 quæ mundari deberēt, fœdius inquinet. Meritò
 ergò Apostolus Pastorem Ephesiorum instru-
 ens ait: Attende tibi ipsi. Quo mandato osten-
 dit singularem in Pastore requiri diligentiam,
 vt se purum & immaculatum seruet. *

Quæ hætenus de puritate pastoris dixi-
 mus generatim, placet particulatim explica-
 re, vt clarè pateat in quibus sita sit ista, quam
 in

Pro-

in pastore nostro requirimus, puritas.

Cum itaq; puritatem requirit Apostolus in pastore suo, vult absq; omni dubio, vt & animus sit purus, & corpus castum, adeoq; vt totus homo vt noua creatura se Deo subijciat in vera sanctitate.

Quantum autem ad animum attinet, in eo spectentur hæ partes: *MENS, COGITATIO, AFFECTVS, VOLUNTAS, STUDIUM*. Ita enim hæ partes natura deuinctæ sunt, vt ab vna in aliam puritas vel impuritas promanet & deriuetur. Vt enim mente contaminata, contaminantur cogitatio, affectus, voluntas, studium: ita eadem purgata, & reliqua purgari incipiunt.

Quò autem commodius disciplina his partibus adhiberi possit, spectandum est, & quid has partes inquinare, & contra quid easdem purgare possit. De principe igitur parte, quæ mens est, primùm dicamus.

*Mens quodammodo
purganda.*

MENS, inquit Bernhardus, bona, preciosa possessio. Sed Paulus infidelium mentem & vanam & inquinatam pronunciat. Tito enim scribens ait: Quorum (infidelium) mens & conscientia inquinatæ sunt. Ad Ephesios longius progreditur, cum ita ait: Gentes ambulant in vanitate mentis suæ, excæcatæ in intelligentia, alienatæ à vita Dei, propter ignorantiam, quæ in ipsis est, propter duritiem cordis eorum.

eorum.
num, qui
vanam esse
cetera man
fontem impu
autem menti
an contempl
cuius est scilicet
ones suppedi
prædictam, in
assumptiones
quod ex pro
conclusiones e
Apostolo, me
quælo, conclu
ne inquinata
puro fonte
Quare Past
inquinatio
da, qua mer
gato, puræ e
Sanctus
te, Capitulo
contaminetur
puritas est in
inea sit falsa
Deinde, si
TVM, si co
langueat. P

eorum. Hic Paulus aperte omnium hominum, qui non sunt conuersi ad Deum, mentem vanam esse affirmat. Quæ cum fons sit, vnde cætera manant, facile iudicare est, ex impuro fonte impuros manare riuulos. Complectitur autem mentis vox tria. PRIMVM, intelligentiam contemplantem, in qua collocatur *συντηρησις* ea scilicet quæ *προτάσεις*, hoc est, propositiones suppeditat. DEINDE, intelligentiam practicam, in qua collocatur conscientia, quæ assumptiones promit. TERTIO, *τὸ κριτήριον*, quod ex propositionibus, & assumptionibus conclusiones extruit. Verum cum nunc, teste Apostolo, mens sit vana & inquinata, quales, quæso, conclusiones erunt? nonne vanæ? nonne inquinatæ? Certè fieri non potest, vt ex impuro fonte limpida & pura hauriatur aqua. Quare Pastor hîc videat, & quæ sit mentis illa inquinatio hæreditaria, & vnde puritas petenda, qua mens purgari possit, quo ex fonte purgato, puræ depromantur aquæ.

Sanctus Maximus libro tertio de charitate, Capitulo 34. quibus rebus mens hominis contaminetur, exponit his verbis: Mentis impuritas est in his quatuor sita: PRIMVM, si in ea sit falsa & erronea de vlla re persuasio. DEINDE, si ignoret id quod sciri oportuit. TVM, si cogitationibus affectibus obnoxius langueat. POSTREMO, si peccato assentiatur.

B

Et si

Etsi autem hic Autor generalius accipit mentis vocabulum, quàm nos facimus: tamen pulchrè quæ sint inquinamenta eius ostendit, nempè ignorantia recti, & persuasio falsi: quæ vicia cum in omnibus hominibus sint, qui non sunt edocti verbo Dei, Paulus hortatur conuersos, ne conforment se huic mundo: sed transfigurentur in nouitatem mentis suæ, & probent quæ sit voluntas Dei bona, & placida & perfecta. Hic Paulus nouam mentem requirit, & cur id faciat ostendit, videlicet quòd nemo possit sine nouitate, id est, purgatione mentis probare quæ sit voluntas Dei bona, & placida & perfecta. Hinc proinde pius Pastor contendat, vt impura sua mente valere iussa, transfiguretur in nouitatem mentis.

*2. de nouitate mentis
purganda.* Sed vnde fit hæc transfiguratio? seu quomodo ex impura mente pura fieri poterit?

Verbum Dei purissimus ille fons est, qui rectè applicatus, sordes animi abstergit: hic mentem contemplantem illustrat: hic intelligentiam practicam reformat: hic τὸ κρητίζου governat. Lex Domini (inquit David) immaculata, conuertens animam: Testimonium Domini est verax, sapientiam præstans paruulis: Mandata Domini sunt recta, lætificant cor: Præceptum Domini purum, illuminat oculos. Et Psal. 119. Lucerna pedibus meis verbum tuum, & lumen pedibus meis. Lectio proinde & medi-

meditatio doctrinae coelestis dum fide recipitur, *Lectio et meditatio doctrinae coelestis*
 purgat mentem, ut & recte intelligere, & quae *legis & prophetarum*
 recte intelligimus accommodare ad usum inci-
 piamus.

Verum quia nostra lectio, & nostrum stu- *Lectio nostra quomodo fit*
 dium, nisi Princeps ille Pastor suo Spiritu no-
 bis legentibus aspiret, frustra suscipitur: sequi
 debet pius Pastor Davidis exemplum, qui ora-
 tione impetravit, quod operatione obtinere
 non potuit. Ita enim Psal. 25. ait: Vias tuas
 Domine ostende mihi, & semitas tuas doce me,
 deduc me in veritate tua, & doce me, quoniam
 tu es Deus salutis meae, te expecto tota die.

Ut ergo mens Pastoris sit pura, tribus opus *ut mens Pastoris sit pura*
 est: POENITENTIA, LECTIO, & ORA-
 TIONE. POENITENTIA facit ne imputentur
 fordes reliquae. LECTIO mentis nubeculas
 dispellit. ORATIO impetrat digitum Dei, quo
 mens ad discendum formetur.

Hoc cum animadverteret vetustas, pio
 consilio ordinavit in Ecclesia lectiones Prophe- *ut vetustas ordinavit in Ecclesia lectiones prophetarum & psalmorum*
 tarum, & Psalmorum, & potissimum ea elegit,
 quae & optimè docerent, & maximè homines
 ad precandum excitarent. Verum cum coepit
 paulatim legendi & orandi studium refrigesce-
 re, accessit lex pontificia de necessitate & opi-
 nione cultus, & coacti sunt sacrificuli in Papatu
 certum numerum Psalmorum quotidie re-
 citare, manè, meridie & vespere. Qui huic
 ponti-

pontificio decreto satisfecerunt, putârunt se isto opere aliquid à Deo mereri. Contra qui hoc neglexerunt, existimârunt se mortaliter peccare. Atq; hoc potissimùm factum est, postquam humanis traditionibus obstructa est doctrinæ puritas.

*Utilitas ex decan-
tatione Psalmorum.*

Et si autem rectè taxata est à pijs Doctoribus ista conditio Psalmorum decantatio, quæ partim ab impijs, partim à non intelligentibus fiebat: tamen utile esset reuocare consuetudinem & disciplinam veteris Ecclesiæ. Habet enim multò maiorem fructum quàm vulgus cogitat. Nam non solùm homini canendi consuetudine scriptura sit familiarior, & usu ad intelligendum faciliior, modò assit pius animus: verumetiam, fides, inuocatio, spes, dilectio, & aliæ virtutes excitantur & confirmantur, ac ita mentes eorum, qui se ita absq; superstitione exercent, redduntur purgatiores.

*Basilij Magni in
Psalmorum*

Basilij Magnus in suis Ecclesijs ordinavit, ut Psalmi canerentur ita, Ut sibi inuicem responderent canentes alternis versibus, idq; non cultus causa, sed disciplinæ gratia. Putauit enim sanctus Vir isto pacto facilius & Psalmos disci posse, & tædium recitantium vicissitudine leuari. Verùm quia ista psallendi consuetudo ubiq; seruari non potest, nolumus nostro Pastori istam canendi legem imponere, consilium tamen dabimus, quod utile fore speramus.

Nostrum

Noster
Psalmorum
Pastoribus
le Magnus
quæ, hoc
rum docume
animarum v
git: quod lan
quod inegu
varie animab
quantum fec
Psalmorum i
eorum lectio
Pastorem, id
Quinde
tur, sunt fam
Pastore, ut
Psalm. 25. cu
mam meam
alternis vici
næ. Facto p
147. qui inci
bonum est p
Psalm 23. D
vespertina, P
tur. Diebus
lati, seruiat.
Restant
lim recitati, i

Nostrium itaq; consilium hoc esto. *Libet Psalms*
 Psalmodum quàm familiarissimè omnibus pijs *debet se facere*
 Pastoribus notum esse cupio. Hunc Basilus il- *scribit cogit*
 le Magnus vocat *νοινδον ταμειον αγαθων διδασκαλ*
ματων, hoc est, commune promptuarium bono-
 rum documentorum. Nam antiqua (vt inquit) *Psalmus*
 animarum vulnera sanat: recentia citò corri-
 git: quod languidum est & morbidum reficit:
 quod integrum est, conseruat: & affectus, qui
 variè animabus in vita hominum molesti sunt,
 quantum fieri potest, tollit, &c. Hæc cùm sit
 Psalmodum incomparabilis vtilitas, velim in
 eorum lectione præcipuè occupatum esse pium
 Pastorem, idq; hoc modo.

Quindecim Psalmi, qui graduum vocan- *Psalmi graduum*
 tur, sint familiarissimè noti, ac ita legantur à *Psalmi*
 Pastore, vt singulis septimanis semel finiantur.
 Psal. 25. cuius initium est: Ad te Domine ani- *Psalm 25*
 mam meam leuavi: & 51. Miserere mei Deus: *51*
 alternis vicibus subiiciantur precationi matuti-
 næ. Facto prandio quotidie recitetur Psalmus *Psalm 147*
 147. qui incipit: Laudate Dominum, quoniam
 bonum est psallere Deo nostro. A cœna legatur, *Psalm 23*
 Psalm 23. Dominus Pastor meus. Precationi *Psalm 130*
 vespertinæ, Psalm 130. De profundis, subiicia-
 tur. Diebus festis Psalmus 119. Beati immacu- *Psalm 119*
 lati, seruiat.

Restant iam Psalmi 129. quos ordine ve-
 lim recitari, ita vt semel in mense absoluantur.

*versio Psalms
Georgii Majoris.*
Porro etsi multæ & doctæ extant Psalmo-
rum versiones: tamen meo Pastori commen-
do versionem Georgij Maioris, quia hæc &
plana est, & scholia habet in marginibus addi-
ta, quæ vice iustorum commentariorum esse
possunt. Hoc nostrum consilium esto de le-
ctione Psalmorum, sequatur qui volet.

*Scripta N. T.
per Epistolam
legendi.*
Præterea pium Pastorem assidua manu
versare oportet Epistolas Pauli, ad Romanos,
Galatas, Ephesios, Timotheum, & Titum. Item
Euangelium Iohannis, cum eiusdem Epistola
prima. Hæc noui Testamenti scripta optarem
ordine legi à pio Pastore, ita vt ad minimum
vnum Caput legeretur quotidie, donec ad fi-
nem ventum esset, vnde ad principium rede-
undum: non tamen hoc volo, vt cætera scripta
noui Testamenti non legantur, sed cupio hæc
quàm maximè familiaria esse.

*Scripta V. T.
per Prouerbia
legendi.*
In veteri Testamento præ alijs legi cupio Ge-
nesin, Prouerbia Salomonis, Isaiam Prophetam,
& Danielelem, idq; eo modo, vt de precipuis noui
Testamenti libris dictum est. Reliqui libri vete-
ris & noui Testamenti per ocium legantur, ita vt
semel finiantur intra anni aut biennij spacium.

Hæc legendi disciplina non solum men-
tem purgatiorē reddit, verumetiam alios v-
berrimos fructus afferet ijs, qui hoc meum con-
siliū non contempserint.

Hactenus de lectione sacrorum librorum di-
ctum

Etum est : Iam de commentarijs scriptorum Ecclesiasticorum aliquid adijciendum viderur.

Ethi autem Pastorem antè susceptum *Commentarij scriptorum* tam augustum officium instructum esse velim in doctrinæ corpore : tamen iudico Pastori semper esse utile, vt integrum doctrinæ corpus subinde ordine euoluat. Nam illud satis disci nunquam potest. Diligenter enim (vt rectè monet Cicero) cauendum est, ne incognita pro cognitis habeamus, ijsq; temere assentiamus, sed adhibeamus ad considerandas res, & tempus & diligentiam. Si hoc Cicero in rebus humanis, quæ rationi subiectæ sunt, necessarium iudicauit, profectò hoc multò magis requiritur in doctrina Ecclesiæ, cuius fides rationis fines, humanæ naturæ vsum, experientiæ terminos, vt testatur Bernhardus, transgreditur.

Proponat itaq; sibi Pastor integrum doctrinæ corpus, illudq; sæpius euoluat: hac adhibita amussi, vt nihil recipiat, quod non quadrat ad Canonicam Scripturam: nihil absurdum iudicet, quod claro Dei verbo traditum est: tribuat Deo cum Abrahamo laudem veritatis, etiamsi tota rerum natura, id quod legit in Prophetis & Apostolicis scriptis, improbare videatur.

Verum etiamsi multa multorum scripta extant, quæ integrum doctrinæ corpus continent:

B 4

tamen

Corpus doctri-
philippi.

tamen meo pastori imprimis commendatum volo Corpus doctrinæ, à sanctissimo viro, Philippo Melanchthone, scriptum. In eo enim nihil est obscuri, nihil ambigui, nihil falsi: sed omnia clara & certa, extructa ex ipsis scriptis Prophetis & Apostolicis. Hûc adijciat pastor alios commentarios ab eodem Viro scriptos, quos legat studiosè. Nam in illis plus solidæ pietatis & eruditionis inueniet, quàm fortè in multorum Veterum, Latinorum & Græcorum scriptis. His ergò si contentus fuerit simplex pastor, qualem ego instruo, plus proficiet, quàm si plurimorum scriptorum veterum & recentium lectione se fatigaret.

Nihil tamen hîc detractum volo, aliorum doctissimorum Virorum scriptis, quæ & magnifacio, & legenda iudico, sed ab ijs potissimum, quorum & iudicium magis confirmatum est, & quibus tempus ob Ecclesiarum curam suppetit. Ego enim nunc simplicioribus & occupatioribus do consilium, quod iudico ijs maxime profuturum. Nam ea quæ aliquis sæpiùs & familiaritùs agit, sunt veluti domestica, & difficiliùs veniunt in obliuionem, iuxta illud Senecæ:

Dediscit animus serò, quod didicit diu.

Hæc sunt dicta de purgatione mentis, quæ fons est aliorum motuum & actionum. Quæ (vt rem vniuersam in summam contraham)

na-

naturæ prauitate inquinata, & vana effecta, renouanda est iuxta Pauli consilium, & abluenda sanguine Christi, atq; ita perpetua pœnitentia, assidua lectione, & ardenti precatione instauranda: vt quotidie magis magisq; purgetur, donec in hac vita sumus. Quamdiu enim hoc mortale corpus circumferimus, nunquam ita purgabitur mens nostra, quin aliquid semper purgandum restet. Quare rogandus est noster Christus, ne maculas præsentis nobis imputet, sed vt quotidie suo Spiritu, & verbo magis nos purget.

COGITATIONVM principia tria facit Damascenus, cum ita ait: Illud sanè præ omnibus nosse debemus, tria cogitationum nostrarum esse principia. Sunt enim aliæ cogitationes a Deo, aliæ à Diabolo, aliæ ex nobis ipsis.

*Cogitationes
sive principia*

A Deo quidem sunt cogitationes salutares, quibus homines excitat Deus, ad ea, quæ pia & salutaria sunt, agenda, iuxta mandata expressa.

A Diabolo sunt perniciosæ cogitationes, 2. quæ sunt via ad interitum. Cogitatio Iudæ de prodendo Domino, fuit à Diabolo. Nam ita clarè scribitur: Et cœna facta cum iam Diabolus misisset in cor Iudæ Simonis Ischarioth, vt traderet Dominum. Et iterum: Post buccellam introiuit in illum Sathanas. Hoc & Petrus testatur loquens Ananiæ: Quare (inquit) tentauit Sathanas cor tuum, vt mentireris Spiritui sancto.

Act. 5.

B 5

Ex

7. Ex nobis autem oriuntur cogitationes, cum ea quæ gerimus, aut gessimus, aut audiui-
uimus, recordamur.

Primum ergò genus cogitationum, vtile & salutare est, medium & vltimum noxium. Nam sicut fumus Apes, sic prauæ cogitationes, si illis locus datur, fugant Spiritus sancti gratiam. Neq; enim leue existimandum est, perniciosis cogitationibus locum dare. Videntur quidem leuiora peccata, sed si non vitantur, certum interitum afferunt. Nam semper maiora peccata superueniunt nobis, & vim inferunt animabus nostris, cum quæ minora videntur, non vitantur. Sæpè homicidium commisit, qui iræ cessit: Sæpè adulterium perpetravit, qui impuræ cogitationi locum fecit. Vt ergò qui minima contemnunt corporum vulnera, sæpè mortem incurrunt: Ita qui animorum exiguas plagas despiciunt, in maiora labuntur crimina. Principijs ergò obstandum est.

Porro vt præsentius remedium Pastori nostro contra insultus malarum cogitationum dare valeamus, causas huiusmodi cogitationum, & modos altius examinemus.

Bernhardus tres facit formas cogitationum, quæ ex nobis sunt. QVÆDAM, inquit, sunt omninò ociosæ, videlicet, quæ ad rem non pertinent. Has tam facile abijcere, quàm recipere potest animus. Atq; hoc genus cogitationum ocio-

ociofarum, luto confert, sed simplici, hoc est, nec inhærenti, nec fœtenti, modo moram non fecerit. *ALIÆ*, inquit, sunt violentæ, magis & 2. fortius adhærentes: vt quæ ad necessitatem naturæ pertinent. Hoc genus confert Bernhardus luto non simplici, sed limoso & viscoso, non tamen fœtenti, si modum naturæ non exceſſerit. *QVÆDAM*, inquit, cogitationes sunt immunda ac fœtida. Hoc tertium genus confert luto adhærenti immundissimo ac fœtidissimo, quod genus, nulla ratione admittendum esse monet. Nam animam coinquinat, & ad interitum ducit. 3.

Harum perniciosarum cogitationum, quarum peccatum hæreditarium fons est, causas (quò remedium arte adhibeatur) particulares enumerabo varias. Aliàs enim Diabolus huiusmodi cogitationes suggerit (vt paulò antè attigimus.) Aliàs oriuntur à sensu: Aliàs à memoria: Aliàs à complexione ortum habent. Hæ quatuor causæ sunt perniciosarum cogitationum. 1. 2. 3. 4.

Verum quia vicia aliter curari non possunt, nisi radices & causæ eorum extirpentur, de singulis generibus dicam.

Diabolus hostis humani generis, qui præcipuè aduersatur pastoribus gregis dominici, aliàs doctrinæ, aliàs, moribus insidiatur, suggerit cogitationes perniciosas, nunc in doctrina, nunc in moribus.

Quando itaq; doctrinæ insidiatur, & obijcit cogi-

cogitationes pugnantes cum fundamento, triplex est modus superandi huiusmodi cogitationes.

*Quando de
cogitationibus
pugnantes
e. 1.* PRIMVM opponatur verbum, potentia & veritas Dei. Quicquid enim suboritur in cogitationibus nostris contra articulos fidei, verbo Dei obruendum est, & superandum.

2. DEINDE opponatur Catholicæ Ecclesiæ consensus, hoc est, sanctorum hominum suffragia & exempla.

3. AD HÆC, in toto conflictu aduersus huiusmodi cogitationes opponatur ardens & seria inuocatio.

exempl. Sæpè turbat animos piorum cogitatio de resurrectione mortuorum: sed hanc premet & superabit clarum Dei verbum, quod certum decretum Dei de excitandis mortuis proponit, cui nihil impossibile est. Potest enim quicquid vult: vult autem quicquid certò decreuit se facturum. Hoc verbum fortiùs premet istam cogitationem, vbi accesserit consensus omnium piorum, qui inde vsq; à mundi exordio, præcipuam suam consolationem collocârunt in fide resurrectionis. Huic consensui ancillatur inuocatio, ne Sathanas vlla sophistica nos à fide resurrectionis abstrahat. His igitur armis vtatur Pastor, aduersus cogitationes quæ Sathanam immediatè autorem habent.

COGITATIONES ortæ à sensu, sunt quæ

ab

ab obiectis, quæ in sensus incurrunt, animis imprimuntur: seu quæ generantur quoties res nobis offeruntur, quibus animi nostri ad cogitandum excitantur: vt cum Dauid vidit nudam foeminam, lauante se, commouetur animus, & quomodo eius amore potiatur, cogitat. Hûc illud Augustini pertinet, qui in quodam loco dicit: Mortem per quinque sensus, tanquam per fenestras, ad animam nostram ingredi. Quod quàm verum sit, docet experientia (proh dolor) in multis. De his ergò quinque fenestris ordine dicam, & simul ostendam ex scripturis, quomodo pius Pastor eas occludere debeat, & adhibere solertem custodiam, ne hostis per ipsas ingrediatur.

PRIMA fenestra est visus. Hic præ cæteris singularem habet vim. Vnde Christus apud Matthæum: Si oculus tuus fuerit nequam, totum corpus tenebrosus erit. Syracides: Nequius oculo quid creatum? memento quoniam malus est oculus nequam. Tritum est quoque proverbium: Animum habitare in oculis. Hûc illud Augustini: Impudicus oculus, animi impudici est prænunciator. Hæua vidit pomum esse pulchrum aspectu, mox cogitat de eo fruendo, & per oculos concupiscentia in animum prorepit. Dauid visis nudis Bersabeæ pedibus, mox de ea comprimenda cogitat. Samson visu ad amandam alienigenam est illectus. Augustinus

nus exemplo Terentiani Chereæ vsus est, qui incitatus pictura stupri Iouis, virgini vicium intulit.

Quomodo quæso, hæc fenestra occludenda? Occludetur ista fenestra, ne mors per eam ingrediatur, varijs modis.

*Fenestra visus
Secundo oculi
quæda.*

1. PRIMUM, cogitatione prohibitionis. Qui enim verè de pietate cogitat, diuinis prohibitionibus tangitur inprimis. Prouerb. 23. Ne intuearis vinum quando flauescit, & cum splenderit in vitreo calice color eius. Syra. 9. Auerte oculos tuos à scemina comta. Et Psal. 118. Auerte oculos tuos, ne videant vanitatem. Ambrosius: Cùm videris aliena monilia, aurum, argentum, & concupieris vt extorqueas, intrauit mors per fenestram: claude ergò hanc fenestram.

2. DEINDE, claudetur hæc fenestra exemplis Sanctorum. Pepigi, inquit Iob, fœdus cum oculis meis, ne alienam mulierem concupiscerent. Moses, Ioseph, Daniel, & multi alij hanc fenestram amore castitatis clauserunt. Vt igitur pastor meus habeat ipse castam coniugem cupio, ne alienarum visu periclitetur.

3. AD HÆC, cogitatione periculi obstruetur hæc fenestra. Qui enim quid mali mala concupiscentia gignere attendit, maiori cura aduigilabit, ne incautus capiatur.

4. POSTREMO omnium maximè hîc requiritur, vt fugiamus occasiones: & si quando

de graui
gitatione
precatio
nostras.
Sacr
nim blandi
cantile
veneni in co
bia & tympa
Domini non
mors per fem
ti. Occidens
adeoq; omnib
Salomon Pro
peccatores, t
tuas spinis, m
T E R.
Q V A
Q V A
Ab h
nisi forte a
de eius exte
COGITA
do ea reuoca
ipli, vel audit
memoria, pri
tem pertrahi
ram in animo
indulseris pa

de grauius pulsauerint obiecta mentem & cogitationem, confugiendum est ad Deum seria precatone, is non sinet nos tentari supra vires nostras.

SECUNDA fenestra est auditus. Per hunc enim blanditiæ, adulationes, prophane & turpes cantilenæ ingressæ, cogitationes excitant, & venena in cor transmittunt. Hinc Propheta: Tibia & tympanum in conuiujs vestris, & opus Domini non respicitis. Ambrosius: Intrat etiam mors per fenestras aurium, si acquiescas loquenti. Occludenda est ergo & hæc fenestra Pastori, adeoq; omnibus pijs, ne inde in exitium ruant: Salomon Proverb. 1. ait: Fili, si inuitauerint te peccatores, ne audias. Syracides: Sepi aures tuas spinis, ne audias linguam iniquam.

TERTIA fenestra, est Odoratus.

QUARTA, Gustus.

QUINTA, Tactus.

Ab his minus periculi est Pastori meo, nisi fortè à gustu, de quo dicam, vbi agetur de eius externa conuersatione & ciuili.

COGITATIONES ortæ à memoria, sunt quæ do ea reuocamus, quæ aliquando vel gessimus ipsi, vel audiuiimus, vel vidimus. Harum rerum memoria, primùm nudam cogitationē ad mentem pertrahit: quæ postquam aliquandiu moram in animo fecerit, excitatur affectus: huic si indulseris paulisper, voluntatem secum rapit, vt iam

A. H. 19.

*Fenestra ad
occludenda*

Odoratus.

Gustus.

Tactus.

*Cogitationes
sunt à memoria*

19.

Remedio cogitationis
iam frustra voluntatem imperantem retrahere coneris. Quare ubi talis cogitatio ex memoria rerum nascitur, mox ad aliud aciem mentis conuerte, ne figat pedem.

Cogitationes
que a complexione
origiuntur
COGITATIONES ortæ à complexione hominis, sunt variæ. Alijs enim cogitationibus obnoxius est Melancholicus, alijs Phlegmaticus, alijs Cholericus, alijs Sanguineus. Hic ut Pastor senserit suum morbum, occurrat mature, ne malum nimium serpat. Qui scit se Cholericum esse, ideoq; magis iracundum, refrenet naturam, cuius morbum nouit, & sic de alijs.

Remedij
Dixi de cogitationibus malis, & ostendi aduersus eas remedia, & summa huc redit, ut illis occurramus legendo, canendo, orando, laborando, ocium omne fugiendo. Verum cum non habeamus nisi malas cogitationes: Nam, ut Paulus inquit, 2. Cor. 3. Non sumus idonei ad cogitandum quicquam tanquam à nobis: debet pastor totis viribus puluerem malarum cogitationum, præcipue oratione, excutere, & Deum serio orare, ut ipse nobis pias & salutares cogitationes suggerat. Is enim solus creat cor mundum.

Affectus
Iam ad Affectus veniamus, de quorum proximis causis hactenus est dictum. Quæ quia de natura humana non possunt ita euelli, quin quædam vestigia relinquant: sit ut sæpè suboriantur etiam in Sanctis prauis affectus, atq; omnino

nino accidi
ait: Quem
tus, volare
hitur: de qu
Etibus liberat
tionem volat
tur, & in terra
Affectum
ditur, inquit
Sunt itaq; affe
qui ab ipso cor
dam anima
niunt Primum
CORPOR
est quædam
tum & excut
affirmant or
primæ quide
vana gloria
bus corporis
omnium mal
lævæ enim
bernandi præ
luptatis, & in
Hanc pestem
rem imprimis
re, ne propter
ciatur anima
lus, corpus mu

ninò accidit, sicuti quidam ex sanctis Patribus ait: Quemadmodum passerulus, pede alligatus, volare incipiens, in terram funiculo detrahitur: sic quoque mens hominis, nondum affectibus liberata, & ad rerum cœlestium meditationem volare contendens, ab affectibus ducitur, & in terram detrahitur.

Affectuum suborientium disciplinam tradituri, initium sumamus à diuisione affectuum. Sunt itaq; affectuum quidam CORPORALES, qui ab ipso corpore suas habent occasiones: quidam ANIMALES qui è rebus externis proueniunt. Primum de priori dicamus genere.

CORPORALIVM AFFECTVVM mater est *φιλαυσία*, quam definiunt esse immoderatum & cœcum corporis amorem, & verè eam affirmant omnium malorum matrem, cuius primæ quidem proles sunt: crapula, auaricia, & vana gloria: quæ occasiones ferè ex necessitatibus corporis sumunt. Ex his deinde nascitur omnium malorum ac vitiorum catalogus. *Φιλαυσία* enim, primum corporis curandi & gubernandi prætextu, facit, vt homo sensim in voluptatis, & intemperantiæ foueam prolabatur. Hanc pestem (*φιλαυσίαν* dico) oportet Pastorem inprimis quantum fieri potest, contundere, ne propter nimium corporis amorem conijciatur anima in gehennam. Castigo, inquit Paulus, corpus meum, & in seruitutem redigo, ne

C

quo

*Affectus
Corporales
animales*

*Corporali
affectus
est e gulari*

*Proles
auaricia*

quo modo cum alijs prædicauerim, ipse sim reprobus.

Vides mi Pastor, quantum periculi cum philautia coniunctum sit. Quare grauiter contra illam depugnandum est, sobrietate animo præsentì contento, & verba humilitate.

*Philautia
filia T.
et Iositas.*

PRIMA huius filia, quæ est *γαστήρα*, gulosis seu crapula, corpori quidem grata est, sed grauat corda. Vnde Christus: Cauete ne grauentur corda vestra crapula, & ebrietate. Et sapiens: Vinum & ebrietas auferunt cor.

*2.
Avaritia.* SECUNDA filia avaritia est, non minus perniciosa suis amatoribus, quàm prima illa. Hanc Paulus vocat idololatriam, quia facit vt homo loco Dei suis diuitijs confidat. Quare pij Pastoris est cauere, ne huius deterrimæ pestis veneno inficiatur, ac ita salute miserè excidat.

*Atque quod sunt
omnesque ad
auaritiam.* Sed quodnam affert Pastor contra istam pestem remedium? videamus finem, quo impellitur quis ad auarè cumulandas diuitias. Hic autem triplex est. PRIMVS, amor voluptatis, quæ græcè *φιλονομία* dicitur. SECUNDVS, est *κενοδοξία*, gloriæ inanis affectatio. TERTIVS, propulsatio inopiæ, quam fortè metuit.

Voluptati deditus amat diuitias, vt earum adminiculo indulgeat delicijs.

Ambitiosus, & inanis gloriæ cupidus, aurum expetit, vt eius præsidio clarus, & magnus, & honorandus habeatur.

Homo

Homo metuens futuram inopiam, cumulat per fas & nefas, ut eas conditas & celatas conseruet, aut famem, aut senectutem, aut morbum, aut exilium pertimescens, atque in ijs plus spei habet repositum, quam in Deo omnium rerum conditore, qui vel extremorum & minutissimorum animalium curam habet.

Fines habemus, quos sibi proponit avarus animus in cumulandis diuitijs, voluptatem, ambitionem, inopiæ propulsionem. Hos si Pastor contemnere potuerit, & è mente sua euellere, ipsam avaritiam haud difficulter contemnet. Videamus proinde ordine remedia aduersus ista mala.

Quid ergò remedij habes aduersus voluptatis plagam? Primum conferat pius Pastor ^{Remedij aduersus plagam voluptatis} turpitudinem huius pestis, cum dignitate hominis, qui Christi sanguine ablutus & redemptus, iam templum Dei viuentis est. Gentiles Philosophi dixerunt, nullam capitaliorem pestem, quam voluptatem, datam esse mortalibus. Quare & eandem affirmant indignam esse homine, sed concedendam esse bestijs. Quid iam, quæso, indignius est, quam maculare stolam illam sanctam, quam induisti in baptismo? quid fœdius, quam Dei templum isto fœtore Sathanæ conspurcare? In pio Pastore fides, charitas, patientia, modestia, iusticia, & cæteræ virtutes esse debent. Quid, obsecro, in hoc vir-

ginum honestissimo cœtu, faceret turpissima & foedissima meretrix voluptas? Verè dicit Platon: Voluptatem escam malorum esse. Sed multò verior is, qui affirmat præsentem vitam hunc esse Diaboli, opertum abominabili voluptate tanquam esca, per quam seducti, ad profundum trahuntur inferni.

Vide mi frater, qualis in se sit Voluptas: vide quid cum ea coniunctum sit: vide eius finem; vide pœnam. Ipsa turpis est, coniunctam habet infamiam, famem sui habet, & transacta non satiat, finis eius est mala conscientia, pœna, infernus. Hæc mi pastor si perpendas, facile hanc deterrimam pestem detestaberis, modò ores, ieiunes, legas casta, ac ocia vites, iuxta illud nostrum distichon:

*Ores, casta legas, ieiunes, ocia vites,
Si servare voles corpora casta Deo.*

Dixi de primo fine, cur avarus animus divitias cumulet, & quomodo is contemni possit.

Sequitur secundus, qui est *κενοδοξία*, hoc est, gloriæ inanis appetitio. Hæc, quia ex diametro pugnat cum Christianismo, deberet merito ab omnibus pijs contemni, non secus atq; cœnum foetens, imò veluti virus Diaboli perniciosissimum. Non enim potest cum siti inanis gloriæ, stare Christiana humilitas.

Hanc inanem gloriam Bernhardus Basiliensis comparat. Ita enim ait: De Basilisco quid dices-

dicemus
nem in
vana glo
vestram
ni ab ip
Sed cui mo
vident Bas
iam non tu
ipse. Ita est
gloria, conc
qui se expon
non amand
dent deniq
quàm vana, e
tur hoc mod
cidit eum g
dit ei, quon
redacta in
Bernhard
pitudo ina
mus & voc
rogantia tu
Cum enim
& ignomini
sit. Domini
miliabitur.
Hæc &
rem retrona
stimulis inci

dicemus? monstrosius cæteris, solo visu homi-
nem inficere & interficere perhibetur. Nî fallor
 vana gloria est. Videte ne (inquit) iusticiam
 vestram faciatis coram hominibus, vt videami-
 ni ab ijs. Ac si dicat: Cauete oculos Basilisci.
 Sed cui nocere dicitur Basiliscus? Ei qui non
 viderit Basiliscum: alioqui si prior eum videas,
 iam non tibi nocet (vt aiunt) magis moritur
 ipse. Ita est, fratres non videntes, necat inanis
 gloria, cæcos & negligentes, qui se ei ostentant,
 qui se exponunt, & non potius ipsi inspiciunt,
 non attendunt, non discutiunt illam, non vi-
 dent deniq; quàm sit friuola, quàm sit caduca,
 quàm vana, quàm inutilis. Si quis eum intuea-
 tur hoc modo, moritur Basiliscus. Nec iam oc-
 cidit eum gloria, sed occiditur magis, & acci-
 dit ei, quodammodo versa in puluerem, imò
 redacta in nihilum. Hæc scitè & eleganter à
 Bernhardo sunt dicta, quibus satis graphice tur-
 pitude inanis gloriæ describitur. Hûc adda-
 mus & vocem Prophetarum. Ieremias ait: Ar-
rogantia tua decepit te, & superbia cordis tui.
 Cûm enim (inquit Salomon) superbia, venit
 & ignominia. Et Petrus: Deus superbis resi-
 stit. Dominus in Euangelio: Qui se exaltat, hu-
 miliabitur.

Hæc & huiusmodi alia oracula Dei, pasto-
 rem refrenare debent, ne sinat se, inanis gloriæ
 stimulis incitari. Quæ si viderit parum profice-

Medicina re, consideret suas sordes, consideret pœnam
 2. imminentem, proponat sibi exempla sancto-
 3. rum Patrum, qui istam beluam confecerunt:
 4. cogitet eam esse nunciam Sathanæ, & prænun-
 5. ciam mortis. Ad extremum confugiat ad feri-
 am inuocationem, & meminerit illius dicti:
 Qui se exaltat, humiliabitur.

Diffidentia Tertius finis, cur avarus animus sibi diui-
 tias cumulandas censet, est propulsatio futuræ
 inopiæ, quæ à diffidentia oritur. Hac ergo im-
 pulsus homo, sibi in futurum prospicere cogi-
 tat. O quam iniquum est tantam corporis habe-
 re curam abiecta omni salutis sollicitudine. Dif-
 fidentiam damnat Christus, & tu qui vice Chri-
 sti fungeris, diffidentia tua excitaris, ad quæ-
 rendas opes per fas & nefas? An non apertè
 contemnis mandatum Christi? An non mani-
 festè promissionem ipsius conculcas pedibus?
 Mandatum est: Nolite solliciti esse, quid eda-
 tis, & quo vestiamini. Mandatum est: Quæri-
 te primum regnum Dei, & iusticiam eius, hoc
 est, Dei. Promissio est: Pater cœlestis alit vo-
 lucres cœli, nonnè vos multò præstatis eis?
 Item: Nouit Pater vester cœlestis, quòd indi-
 geatis his omnibus. Promissio est: Et cætera
 omnia adiicientur vobis. Sequatur ergo pius
 verbi minister mandatum pastoris sui: Ne sitis
 solliciti de crastino. Abijciat Ethnicam diffiden-
 tiam, ac certò statuatur, quod Christus non ve-
 lit

lit se del
 Non in a
 enim ple
 homines a
 locare, ad
 omnia per
 mider. Hic
 tas, quasi De
 sum habeat
 dit Dominus
 tiffimus, ad
 det: tamen o
 ceptum opib
 poris quidem
 copia confer
 dedit, eam sic
 extinguere
 tur quis pia
 ijs accumu
 mineris ex
 præcepti:
 itaq; diffide
 statue.

Atq; h
 cumulandis
 & propulsa
 tremè conte
 auaricie sor
 Sed qui

lit se deferere, præsertim cum scriptum sit:
Non in abundantia hominis vita eius. Avarus
 enim plerumq; inter medias opes esurit. Solent
 homines auari vitæ suæ præsidia in opibus col-
 locare, adeò vt quò quisq; ditior est, eò minùs
 omnia pericula, atq; adeò ipsam mortem refor-
 midet. Hùc illa diuitum arrogantia & supini-
 tas, quasi Deum ipsum in cistis & horreis inclu-
 sum habeant in potestate. Contrà verò osten-
 dit Dominus Lucæ 12. vt quispiam sit locuple-
 tissimus, adeò vt omni opum genere redun-
 det: tamen quòd viuit, hoc minimè debere ac-
ceptum opibus suis, cum ipsius vitam, ne tem-
 poris quidem momento, possint vllæ bonorum
 copiae conseruare. Vnus enim Deus qui vitam
 dedit, eam scilicet, quamdiu libuit, & fouere &
 extinguere, pro suo iure potest. Quorsum igitur
 quispiam à diuitijs pendeat, vt ij solent, qui
 ijs accumulandis tantoperè sunt solliciti. Me-
 mineris ergò ô Pastor, huius summi Pastoris
 præcepti: Videte & caue-
 te ab auaricia. Abijce
 itaq; diffidentiam, CHRISTVM veracem esse
 statue.

Atq; hi sunt fines, cur homines studeant
 cumulandis diuitijs, voluptas, inanis gloria,
 & propulsatio imminentis inopiæ. Hos qui ex-
 tremè contempserit, facile animum suum ab
 auariciæ sordibus purgabit.

Sed quí sit, quòd hæc tria, quæ scriptura

C 4

abij-

Non in abu-
 dantia vita
 eius.

18.

abijcienda esse monet, adeò tamen hominum animos moueant, vt quàm paucissimi inueniantur, qui istis non capiantur? Caro nostra illa amat, ijsq; mens excæcatur eò magis, quò caro minus imperio Spiritus subiiciatur. Excitetur proinde Spiritus, vt magis magisq; auctus viribus, carnis ferociam domare, & suo imperio subiicere possit.

Hæc sint breuiter dicta de affectibus corporalibus, de philautia, eiusq; filiabus, à quibus omnia oriuntur mala & vicia: & de remedio aduersus venenum, quo homines incautos ista pestis inficere soleat.

Sequuntur **AFFECTVS ANIMALES**, Ira & Concupiscentia, de quibus nonnulla breuiter adijciemus.

IRA quid sit, notum est, eius genera tria numerantur. Bilis, $\chi\acute{o}\lambda\omicron$. Iracundia, $\mu\acute{\eta}\nu\iota\varsigma$. Et Infensio, $\kappa\acute{o}\tau\omicron$. Bilis citò & facilè commouetur, sed & leuiter sedatur. Iracundia, diuturnior animi commotio, ex frequenti mali illati, iniuriæq; recordatione, continuum sumit pabulum, & maius incrementum: & hæc magis animo occultatur, abditaq; latet, quàm exteriori prodatur indicio. Infensio, est exulcerati animi perturbatio grauior opportunitatem vindicandi illatam iniuriam de industria quærens & nancisci studens. Atq; ideò $\kappa\acute{o}\tau\omicron$ dicitur, quia $\kappa\acute{\alpha}\tau\alpha\iota$, hoc est, iacet, donec occasionem

nem fuer
sarium el
cynod
meum Pa
mum, quo
test. Pugn
Christiana
nisse dicit
turbato. Q
gendum est
occidit supe
vult, ne nos
niam autem
mitare sepe
um Dauidis
care: hoc el
bere, vt ad
quam in
malum stu
læsus, hæc
ties ipse De
petierit. S
lit remissio
cati apud D
re, Matthæi
hominem e
oportere se
perpendat, e
turbando a

nem fuerit naſta. PRIMVM genus, ſæpè neceſſarium eſt Paſtori: debet enim irasſci vitijſ. SECUNDVM genus, malum eſt, à quo alienum meum Paſtorem opto. TERTIVM, eſt peſſimum, quod in ſanctis diuturnum eſſe non po-
teſt. Pugnat enim cum lenitate, & patientia Chriſtiana. Quare velim pium Paſtorem meminſſe dicti Pythagorici. Ollæ veſtigium cinere turbato. Quo ſymbolo ſignificat iræ non indulgendum eſſe. Et huius Pauli, Ephes. 4. Sol non occidat ſuper iracundiam veſtram. Hic Paulus vult, ne nos nox iracundos deprehendat. Quoniam autem fieri non poteſt, quin in hac infirmitate ſæpè irasſcamur, ſequatur Paſtor conſilium Daudis & Pauli: Irasſimini, & nolite peccare: hoc eſt, ſi contigerit irasſci, iram ita cohibete, vt ad facta non profiliat, aut moram aliquam in veſtris animis faciat. Verùm vt hoc malum ſtudioſius cauere poſſit, Paſtor iniuria læſus, hæc meditetur. PRIMVM, cogitet, quoties ipſe Deum offenderit, & ramen veniam expetierit. SECUNDO, memineat, quod ubi non ſit remiſſio iræ & offenſæ, illic nec venia peccati apud Deum: iuxta parabolam de Debitore, Matthæi 18. TERTIO, recordetur ſe etiam hominem eſſe, & poſſe alios offendere, ideoq; oportere ſe æquiores eſſe in alios. QUARTO, perpendat, quod iratus ſibi ipſi maxime nocet, turbando animam. QUINTO, æſtimet malum

quod inde sequi potest. Vir iracundus, inquit Salomon, rixas prouocat: qui verò patiens est, mitigat suscitatas. *Sexto*, sciat quòd magna sit virtus, iram reprimere. Vnde Ambrosius: Præclarum est, motum temperare consilio, nec minoris virtutis dicitur, cohibere iracundiam, indignationemq; compescere, quam omninò non irasci, cum plerunq; hoc leuius, illud fortius aestimetur. *Septimo*, de damno, quod sequitur iram, cogitet. Per iram, inquit Gregorius, sapientia perditur, vt quid quoue ordine agendum sit nesciatur. Idem: Per iram, Spiritus sancti splendor excutitur, qui super humilem & quietum requiescere dicitur. Quia cum ira subtrahit quietem, Spiritui sancto habitationem claudit.

Hæc quæ hætenus de ira à me dicta sunt, volo intelligi de ira, quam impatientia generat, non de illa laudabili ira, quam zelus pius excitat. Illa enim ex vicio: hæc ex virtute generatur. Ira per viciū oculos mentis excæcat: Ira per zelum, turpitudini irascitur, vt Phinees, Paulus, Christus, & sancti multi sæpè zelo Dei sancto irasci leguntur. Verum cauendum est, ne viciū virtutis larua pingamus, fallentes nosmetipsos. videat ergò Pastor, & diligenter examinet cor suum, an ira qua æstuat, ex amore Dei sit, an ex vicio impatientiæ.

Affectus animalis, qui Concupiscentia dicitur, est duplex: Naturalis & non Naturalis.

CON

Con
est. Aut
ἐλεος, &
circa amon
naturales q
δὲ θεοῦ, &
Nati alia m
niter offendit
Non
rei aliena a
prohibetur:
tui, nec de
nec ancillam
nia, quæ illi
am, & opes p
tura sit illa
pastoris mei
Est &
Paulum Ga
uersus Spiri
CARNIS VO
corruptione
ra, & impet
um est, qui n
significat reg
tus Dei operi
tos à Spiritu
Breuiter
cupiscentia

CONCUPISCENTIA naturalis triplex *Concupiscentia*
 est. Aut enim circa cibum & potum, aut circa *πλεονεξία*
 ἀλυσία, vt quis dolore omni sit vacuus, aut
 circa amorem Venereum versatur. Hi affectus
 naturales quidem sunt, quatenus *φύσιν νόμον καὶ*
θεῶν νόμον, vt Plato ait, reguntur & frenantur.
 Nam aliās naturam corrumpunt, & Deum gra-
 uiter offendunt.

NON NATURALIS Concupiscentia, est *Concupiscentia*
 rei alienæ appetitio, quæ peculiari lege Dei
 prohibetur: Nec concupisces domum proximi
 tui, nec desiderabis vxorem eius, nec seruum,
 nec ancillam, nec bouem, nec asinum, nec om-
 nia, quæ illius sunt. Syracides: Ne zeles glori-
 am, & opes peccatoris. Non enim scis, quæ fu-
 tura sūt illi subuersio. Hoc duplici freno volo
 pastoris mei concupiscentiam reprimi.

Est & alia diuisio Concupiscentiæ apud
 Paulum Galat. 5. vbi ait: Caro concupiscit ad-
 uersus Spiritum, & Spiritus aduersus carnem.
CARNIS vocabulo per metonymiam intelligit
 corruptionem, & viciositatem humanæ natu-
 ræ, & impetus inde pullulantes, qualis omni-
 um est, qui nondum sunt regeneriti. SPIRITVS
 significat regenerationis gratiam, quàm Spiri-
 tus Dei operatur in renatis, & impetus excita-
 tos à Spiritu sancto in credentibus.

Breuitè, Concupiscentia carnis, est con-
 cupiscentia veteris hominis. Concupiscentia
 Spiritus,

Spiritus, est concupiscentia noui hominis, hoc est, regenerati, quatenus regeneratus est.

Concupiscentia
habetur
in ipso
Concupiscentiam veteris hominis, definit Paulus Ephes. 2. esse per quam inclinatur homo, ad faciendum ea, quæ libent carni & menti: hoc est, ad viuendum ad ingenij mentisq; arbitrium.

Partes duæ v
teris hois.
caro
Διδνοια
In hac definitione Pauli, duæ ponuntur partes veteris hominis, *σὰρξ* & *διάνοια*. *σὰρξ*, caro, ea est animi pars, quam Philosophi *ἄλογον* vocant. *διάνοια*, mens quam illi *τὸ λογικόν* appellant. Sed frequentissimè carnis vocabulo, totus vetus homo significatur.

Concupiscentia
nouo hominis
Concupiscentiam noui hominis definitio esse, qua renati moluntur deponere veterem hominem, & induere nouum, ex quo fit, vt iusticiæ & sanctimonix verè studeant. Effecta vtriusq; , hoc est, & Spiritus carnis, recitat Apostolus, Ephes. 4. & Galat. 5.

Donum dei
Bonus itaq; Pastor spiritum pijs excitabit exercitijs, iuxta illud Pauli, 2. Timoth. 1. Commonefacio te, vt exuscites donum Dei, quod in te est. Est autem donum Dei, viua quædam flamma, in cordibus renatorum accensa, quam nituntur caro & Sathan suffocare. Paulus igitur suum Pastorem commonefacit, vt illam flammam sopitam magis foueat & exuscitet. Nam vt flamma faciliè extinguitur, nisi flabello, impositis subinde nouis lignis, excitatur: Ita dona

donum Dei,
reunt, nisi

Sed di

Homo renat

non est in ho

tio diuina, r

cendens mot

ctus est.

Hinc

omnium cogi

INDE, in mu

POSTEA, aug

sideratione m

subitis incend

mina & peric

huiusmodi ei

cunt dona, &

uersus carne

vt diligente

ne extincta

carnis laque

Quidan

stianos à carn

rimam profos

nus in se habe

Paradyso, & s

Dei, quo velt

pia anima. Ac

quæ Sathanæ

donā Dei, & Spiritus in renatis paulatim dispereunt, nisi assidue exuscitantur.

Sed dicas. Quomodo excitentur illa donā? Homo renatus, donatus est Spiritu sancto, qui non est in homine ocium, sed flamma & agitatio diuina, repugnans Diabolo & carni, & accendens motus tales, qualis ipse Spiritus sanctus est.

Huiusmodi motus Spiritus, PRIMVM omnium cogitatione doctrinæ mouentur. DEINDE, in inuocatione per Spiritum excitantur. POSTEA, augentur exercitijs pœnitentiæ, consideratione nostræ infirmitatis, repugnando subitis incendijs affectuum, sustinendo certamina & pericula in officio & confessione. In huiusmodi exercitijs excitatur Spiritus, crescunt donā, & apparet imperium Spiritus aduersus carnem. Quare hortor Pastorem meum, vt diligenter insidias Sathanæ & carnis caueat, ne extincta flamma Spiritus, rursus Sathanæ & carnis laqueis implicetur.

Quidam ex Patribus dehortaturus Christianos à carnali concupiscentia, hanc pulcherrimam prosopopœiam facit. Quilibet Christianus in se habet Paradysum. Adam, voluptatem Paradyfi, & serpentem. Paradyfus, est verbum Dei, quo veluti fragrantia dulcissima, afficitur pia anima. Adam, est vetus homo & rea natura, quæ Sathanæ fraudibus expolita & obnoxia est.

Volupa

Prosopopœia p
cognata. I
q. d. h. est h. d. d.
h. d. p. se pater
f. m.

Voluptas Paradyfi, est participatio Spiritus sancti, qua mirum in modum afficitur anima sancta. Serpens, est carnalis voluptas, cui qui obedierit, mortem sibi sua accersit culpa. Igitur non secus cauendæ sunt insidiæ mundanarum & carnalium concupiscentiarum, quàm ipsius Serpentis: quibus si aliquando captus fueris, maturè accurre ad arborem vitæ, Iesum Christum, ne mors te apprehendat.

Hactenus sit dictum de affectibus, quantum quidem nostro instituto deferuire videtur. Sequitur *DISCIPLINA VOLUNTATIS*, de qua ideò breuius dicam, quia mentis, cogitationum, & affectuum motibus & consilijs obedire solet.

Voluntas. Est autem *VOLUNTAS*, facultas naturalis, qua aut appetitur, quod placet, aut declinatur, quod displicet. Quatenus autem naturalis facultas est, à Deo est, & quò ad substantiam semper bona. Verùm quantum ad habitum attinet, variat. Nam est voluntas mala, est & voluntas bona. Malam habemus ex corruptione naturæ, bonam ex gratia. Mala sequitur *Voluntas mala.* mentem, cogitationes & affectus carnis: bona comitatur mentem, cogitationes & affectus spiritus. *Bona.* Iam quicquid homo facit, bonum esse non potest, nisi ex bona procedat voluntate. Quare vt Pastor carnis voluntati renunciare: ita Spiritus voluntatem facere, operosè studebit.

bit. Quæ
randum
perij verbo
Sequ
eas, quas an
occupat. H
renunciata
rima harmo
affectus, &
sibi propone
git, cogitet
tat, ad illud
suadent, hæc
Hacten
corpore pau
In corpore
litie torpesc
tur. Sicut e
indulgeam
illi dari pra
sciplina fra
Col. 2. hinc
cessitatis pr
corpori, qui
Quare cauer
vel inedia,
tur. Vt aut
sentiendum
ra exercitior

bit. Quæ Spiritus voluntas, perpetua ad imperandum Domina esse debet. Norma autem imperij verbo Dei continetur.

Sequitur *STVDIVM*, quod inter partes *studium* eas, quas animo subiecimus, postremum locum occupat. Hoc nihil aliud est, quam vt Pastor, renuntiata carne perpetuò studeat, vt pulcherrima harmonia consentiant, mens, cogitatio, affectus, & voluntas, vnicum scopum Deum sibi proponentes: Vt, quæ mens rectè intelligit, cogitet sedulò animus: quæ animus cogitat, ad illud rapiantur affectus: quæ pij affectus suadent, hæc seriò imperet voluntas.

Hactenus de disciplina animæ: nunc de corpore pauca subiiciemus.

In corpore suo Pastor curabit, ne vel mol- *in corpore*
litie torpescat, vel duritie seu austeritate franga- *Pastor curabit*
tur. Sicuti enim Deus vetat, ne præter modum indulgeamus corpori: ita quantum necesse est, illi dari præcipit, ne nimia inedia & duriori disciplina frangatur. Hûc pertinet dictum Pauli Col. 2. honorem habere corpori pro modo necessitatis præcipientis. *Honor debetur corpori.*
Debetur autem honor corpori, quia domicilium & organon est Dei. Quare cauendum est imprimis, ne vel crapula, vel inedia, aut nimis rigido ieiunio destruantur. Vt autem Pastor meliùs intelligat, quid sentiendum sit de corporis disciplina, genera exercitiorum corporis recitabo, quorum quæ-

quædam laudabilia sunt, quædam extremè vituperanda.

Est itaq; quadruplex exercitium corporis.

Epicureum : Pharisaicum : Politicum : Christianum.

*Exercitium
corporis quadruplex*

*1.
Epicureum*

EPICUREVM exercitium pessimum est, & planè hominis dignitate indignum. Nam qui huic se dederunt, potando & suauiter edendo, & molliter vestiendo se saginant, ac delicijs varijs quasi corpora sua emasculant. Verè enim dictum est : Scortatio, vinum, & ebrietas, auferunt cor. Et Homerus ait? ὅτε αὐτῶ πρώτῳ κακῶν ἔσχετο οἰνοφρεσίῳ. Hoc est, sibi ipsi primo malum inuenit vino grauiatus. Et Esaias minatur malum ijs, qui ebrietatem sectantur, dicens : Væ qui potentes estis ad bibendum vinum, & viri fortes ad miscendam ebrietatem.

Cum ergò Epicureum viuendi genus, & valetudinem lædat, & infame sit apud sanos Philosophos, & verbo Dei damnetur, vt quod reddat hominem inutilem prorsus ad omnia hominis officia : sit minister parcus in cibo, temperans in potu, vestibus ne luxuriet, vt possit esse idoneus ad cogitationes de Deo, & ad motus diuinos, & vt corpus possit esse durabilius & firmitus in senectâ.

*2.
Pharisaicum*

PHARISAICVM exercitium est, quo superstitiosi omiſſa doctrina de vera iusticia, remissione peccatorum, & satisfactione pro peccatis,

catis, se macerârunt ieiunio, longis preculis, chameunijs, & alijs asperrimis laboribus: putantes huiusmodi opera esse cultum Dei, iusticiam, & satisfactionem, & mereri remissionem culpæ & pœnæ. Hinc manauit Monastica vita & Eremitica, eorum qui in mandris suis durissimam vitam vixerunt, vt Iosaphat, Auenniri regis filius malè instructus ab hypocrita Barlaam suo magistro. Hic enim patre mortuo regni diadema suscepit quidem: sed subditis commendata religione Christiana, se abdidit in Ereum, vbi multis annis squalore, ieiunio, & durissimo victu se maceravit, vt isto pacto cœlum mereretur. Sic multi reges, & homines alij non mali, monasticam vitam elegerunt, vt in ea, ieiunio, preculis ad certam mensuram recitatis, sordidis vestibus, duris cubationibus satisfacere pro peccatis suis, & mererentur cœlum.

Hoc suo facto quadrupliciter peccauerunt. PRIMVM, læsione corporum, quibus Paulus præcipit honorem haberi. DEINDE, falsis opinionibus. TERTIO, contumelia in filium Dei, cuius satisfactionem contempserunt. POSTREMO, malo exemplo, quod cum multi secuti sunt, cum suis autoribus malè perierunt.

Sciat ergò pius pastor, quo in loco habenda sint huiusmodi hypocritarum exercitia, & potius vnum Abrahamum sequatur, qui

D absq;

absq; omni dubio absolutum Christianæ perfectionis exemplar exhibet.

3.

Politicum.

POLITICVM exercitium est, quod suscipitur, vel habitus alicuius induendi gratia, ut palestricum, gladiatorium, technicum, vel sanitatis conseruandæ gratia, ut ambulationes, labores, &c. Huiusmodi exercitia non improbantur, imò utilia, & in omni vitæ genere sunt laudabilia.

4.

Christianum.

CHRISTIANVM exercitium est, quod ex fide proficiscitur in bonum finem, exclusa opinione cultus, iusticiæ, meriti & necessitatis. Hoc genus potissimum suscipitur à pijs, quando sentiunt sua corpora pigriora effici, & veluti languere circa desideria carnis. Tùm enim pij solent vigilijs, ieiunijs, laboribus, lectionibus longioribus se excitare, ut caro imperio Spiritus subijciatur. Verùm hoc exercitium duabus rebus regulis regi debet: quarum una est Pauli, qui præcipit honorem, hoc est, curam habere corporis, seruatō modo necessitatis. Altera est Athanasij. Bonum (inquit) est exercitium corporis, modò vera scientia & moderatione fiat. Vera scientia est, ut non suscipiatur cultus, aut meriti gratia: sed ut eo tantum corporis ferocia reprimatur, ne sit Spiritui nimium molestum. Moderatio necessaria est, ut nec impediatur necessaria officia, nec valetudinem lædat.

Dicitur

Dictum est de disciplina animi & corporis, & ostensum est quid Pastor noster debeat fugere, ut quod contaminet corpus & animam, & quod debeat sectari, quo corpus seruetur castum, & animus purus. Iam utrunq; coniungendum est. Neq; enim animus mundus esse potest, nisi castum sit corpus: neq; corpus castum, nisi animus sit purus.

Sit ergo animus purus, & corpus castum, ut alterius puritas alterius testetur castitatem: ut fiat id, quod Paulus optat suis Thessalonicensibus, cum ait: Ipse autem Deus pacis sanctificet vos totos, ut integer vester Spiritus, & anima, & corpus inculpate in aduentum Domini nostri Iesu Christi seruentur. Glorifica ergo & tu o pastor, Deum corpore tuo, & Spiritu tuo quæ sunt Dei, ut ita integer sis totus: caue ne impunè putes te euasurum, si oculos hominum lateant tua facta. Ipse enim Deus imaginem *dey imaginem* futuri iudicii, in vnoquoq; nostrum reliquit. *scilicet quod dicitur in libro 2o*

Nullus (fortè dicis) accusat, nullus est testis factorum meorum, quis iudicabit? quis puniet? Conscientia tua iudicatrix est, eam audi, ascolta quid dicat: Memoria tua est testis factorum, ut ea negare nequeas: Ratio iudex præsens est, etiam in densissimis tenebris: Timor carnifex intus in te est, & ad casum cadentis folij se prodit. Quod enim conscientia accusat, memoria testificatur: & quod ratio iudicat, timor excruciat.

D 2

Quare

Dictum

Quare hæc ita in te diuinitus fiunt? ut hoc domestico iudicio admoneat te Deus futuri sui iudicii, quod nequaquam euades, nisi illud matura poenitentia anteuertas.

Dictum est, ut opinor, satis de prima parte nostræ instructionis, in qua ostendimus, quæ conueniat disciplina animæ Pastoris, & quæ corpori: & quomodo totus homo debeat integer esse, quò sanctificetur Deus, & corpore, & Spiritu Pastoris. Iam coronidis loco adijciam precandi formulam, qua pius Pastor ea precabitur quotidie, quæ in priuata eius vita, nostra requirit instructio.

PRECANDI FORMVLA.

DULCISIME DOMINE IESU CHRISTE, te inuoco: tu enim lux mea es: tu vita: tu salus: tu Deus meus uiuus: Pater meus sanctus: Deus meus pius: Magister meus uiuus: Pastor meus bonus: Adiutor meus optimus: Te deprecor, tibi supplico, te rogo, ut per te ambulem, ad te perueniam, in te requiescam: fac ut per tuum auxilium sanctè, piè, & rectè uiuam: mentis meæ tenebras discute: cogitationes prauas cohibe: affectuum malorum flammæ extingue: voluntatem peruersam tuo reprime imperio, ac luce tua mentem illustra: cogitationes pias suggere: affectus bonos accende,

cende,
quæ tu
pus me
quælo,
conferu
mundo h
ru, & co
in anima
soli Deo
dictio & g
honor & v
Amen, Am

DE SI
QVE C
flumen

INSTR
rium,
gubernat
atq; eius v
tudine ed
musq; qua
familiam a
stica hæc c
ostendit.
& maxim
gaur, &

cende, & voluntatem meam ad te conuerte, vt
 quæ tu vis, velim & ego. Præterea, cū corpus
 meum domicilium sit animæ meæ, fac
 quæso, vt illud tuo auxilio castum & mundum
 conseruem: quò anima purgata in corpore
 mundo habitet: quò integer sim, anima, spiri-
 tu, & corpore: & te perpetuò in corpore, &
 in anima mea glorificem: tibi Pastori meo, ac
 soli Deo, cum Patre & Spiritu sancto sit bene-
 dictio & gloria, & sapientia, & gratiarum actio,
 honor & virtus, & robur in secula seculorum
 Amen, Amen: *FIAT, FIAT.*

DE SECUNDA PARTE, QUE CONTINET INSTRV-

*ctionem, iuxta quam Pastor suam domum
 & familiam regat.*

INSTRVXIMVS Pastorem nostrum solita-
 rium, & ostendimus quali cupiamus eum
 gubernari disciplina, quando solus secum agit,
 atq; eius vita soli Deo patet. Nunc ipsi de soli-
 tudine educto domum committamus, monstre-
 musq; qua deceat ipsum disciplina domum ac
 familiam administrare. Quam autem sit dome-
 stica hæc disciplina necessaria Pastori, Paulus
 ostendit 1. Timot. 5. cum inquit: Si quis suos,
 & maximè domesticos non curat, fidem abne-
 gavit, & est infideli deterior. Et Bernhardus

quit: Ne maledictio intret domum, custos in porta disciplina ponenda est.

Cum itaq; Pastori pio incumbit, vt suam domum & familiam, pia & sancta regat disciplina, Capita certa proponam, ad quæ totam disciplinam domesticam referam. Sunt autem hæc Capita:

- I. Qualis vxor ducenda paracho.
- II. Affectus Pastoris erga vxorem.
- III. Instructio vxoris & tractatio.
- IIII. Educatio liberorum.
- V. Tractatio familiæ, hoc est, seruorum & ancillarum.
- VI. Cura & prouidentia de victu & necessarijs.
- VII. Liberalitas in pauperes.
- VIII. Totius domus precandi ratio, & tempus.

QUALIS VXOR DUCENDA PARACHO.

SALOMON dicit: Domus & diuitiæ, hæreditas patrum est: à Domino autem accipitur vxor prudens. Hæc verissima gnoma monet, vt Pastor ducturus vxorem, ante omnia Deum roget, vt sibi vxorem adiungat, cum qua pacificè, & in timore Dei viuere possit. Multi iustas pœnas luunt, qui non à Domino, sed à Bacho, & Venere, vxores accipiunt. Quare Pastor,

Pastor,
applicue
ipse sibi
Denique
confutur
beat. Nam
cus est.
sunt pulch
est ergo h
Pastor
placens,
stor, vt De
animas re
non more
duæ explor
rum, petet
fuerit, non
si consenti
tam fuisse
ter cauere
hoc est, n
corpus sui
alio est stu
facit, proli
infamiae no
ignominia
fore tutam
piter amari
fuit corrupt

Pastor, cū primum animum ad coniugium applicuerit, seriò & ardenter oret Deum, vt ipse sibi monstret, quæ futura est commoda: Deniq; vbi à Domino cœpit vxorem petere, consilia amicorum, ac præcipuè piorum adhibeat. Nam amor sæpissimè, etiam in pijs, cœcus est. Et iuxta Theocriti dictum: Quæ non sunt pulchra, amorì pulchra apparent. Opus est ergò hîc amicorum oculis & consilio.

Postquam autem monstrata est persona placens, rursus ad orandum se conuertat Pastor, vt Deus, si futurum est è re sua, coniungat animos vera storga. Hoc autem cū senserit, non more Lenonum animum puellæ, aut viduæ explorabit: sed honesta legatione amicorum, petet ipsius consensum. Qui si negatus fuerit, non est, quam Deus illi donare decreuit: si consentit, speret eam diuinitus sibi monstratam fuisse. Verùm interim hoc Pastori diligenter cauendum, ne spontè accersat sibi malum: hoc est, ne eam ducat, quæ vel publicè antea corpus suum prostituit quæstus gratia, vel ab alio est stuprata, aut est suspecta. Qui autem hoc facit, prolibus suis, antequam nascentur, inurit infamiæ notam, ac domum propriam perpetua ignominia dehonestat: vt interim taceam, vix fore tutam vitæ sociam, quæ alios antea turpiter amauit. Fieri autem posse fateor, vt quæ fuit corrupta, pœnitentiam agat, fiatq; pia &

honestam matronam : tamen nolim Pastorem meum tali spe periclitari.

Lex de Levi
sacerdotis
Leuit. 21. Lex proponitur leuitico Sacerdoti, his verbis : Mulierem meretricem aut stupratam non accipient, neq; mulierem repulsam à Viro accipient, quia sancti sunt Deo suo. Neq; hoc tantum propter typum factum est, sed multò magis propter publicam honestatem, vt rectè Procopius interpretatur. Non enim solum Pastoris est, vt fugiat manifesta mala : sed etiam vt declinet illa mala, quæ famam ipsius suggillant. At quidam dicunt opus misericordiæ esse, si quis errantem reuocauerit, & ex vili scorto fecerit honestam matronam : Imò, quod melius est, è schola Sathanæ in scholam Christi receperit. Nam Pastoris domum scholam Christi esse oportet. Fateor quidem ista magna esse. Verum vt rarum est è scurra fieri bonum patrem familias : ita rarum est ab impudica fœmina, fieri pudicam matronam. Χαλεπὸν, inquit Theocritus, χορίων κῦνα γέσσαι, hoc est, difficile est canem gustasse intestina. In scholam Christi recepta meretrix, haud dubiè pudicitiam & castitatem disceret, vt Lupus fertur in scholam receptus, didicisse syllabicare, pa & ter, interrogatus quid facerent p, & a, respondit pa : rursus quid facerent t, e & r, respondit ter. Hactenus non infeliciter in schola versatus est Lupus. Verum cùm idem ius-

iussus sit coniungere syllabas, pa, & ter, respondit, agnus. Quare ita? quia aliud os, animus aliud loquebatur. Os Præceptoris vocem secutum est, sed quod in animo latuit tandem erupit. Simile periculum timendum iudico, si in scholam pietatis recepta meretrix, iuberetur syllabas facere, ex c & a, s, t, & i. & t, a, s. diceret quidem primum ca: deinde sti: tum tas. Sed iussa coniungere has tres syllabas in dictionem, haud dubiè sonaret Amasius. Sed sit sanè quòd subito ex meretrice fieret matrona, ex impudica, pudica, ex publica foemina, vno contenta: (etsi huiusmodi metamorphosis est rara) tamen in pastoris domum nolim tale periculum sponte recipi, præsertim cum debeat esse alijs exemplum pietatis, pudicitiae, & honestæ famæ: vt interim taceam nonnullam labem adhærere ministerio, ex vxoris moribus vitiosis.

Quare nullo pacto ferendum iudico, vt is qui ad sanctissimum ministerium vocatus est, cuiusq; domus debet esse veluti officina quædam omnis pietatis, castitatis & veritatis, ducat vxorem quæ publica infamia laborat, aut quæ alioqui ob aliquod crimen suspecta est.

Qualem ergo iudicas ducendam esse? Pastor ducturus vxorem, quatuor hæc diligenter examinet. Num pij & honesti sint parentes puellæ, quæ placere cœpit. An puellæ mores graues & honesti sint. An ipsa aliquod artifi-

4. um sciat. An obnoxia sit publicæ famæ. Parentes requiro pios & honestos, cum propter futuram affinitatem, tum propter spem de pietate & honestate vxoris ducendæ. Nam à bonis nasci boni solent. Deinde, mores in puella graues & honestos postulo. Sæpè enim fit, vt quæ nata est ex bonis parentibus, & cuius fama est illæsa, prodat tamen signis externis, qualis intus lateat animus. Philosophus quidam ait, non multum referre, qua in parte corporis quis sit impudicus. Aliquando vultus & oculi, interdum incessus, nonnunquam vestitus, haud rarò lingua animum impudicum prodit. De impudicitia ex oculis cognoscenda, hoc modo Syracides: Impudicitia mulieris elucet in elatis ipsius oculis, atq; in palpebris eius cognoscitur. Hic Syracides mulieris oculos, libidines eius indices, & in supercilijs certa signa esse dicit. Atq; ita vultu & oculis, prodit puella, quod occultum esse putat. Benigni oculi, summam animi pulchritudinem comitari solent: procaces oculis, animo etiam procaci sunt vt plurimum.

Ex oculis ducenda oculi
...cessus.
 Quare Pastor vxorem ducturus, pudicis oculis præditam quærat. Ea enim videtur ingenio ad temperantiam, iusticiam, pudicitiam, continentiam, ad omnem deniq; virtutem nata. Incessus quoq; haud rarò animi vicia prodit. Nam & superbiæ & impudiciæ signum est, arte veluti formatus incessus. Multæ cum ince-

incedunt
 multæ a
 tias exp
 animum.
 pudicitia
 nimum cu
 status sui
 libidinem a
 nium lingu
 quaces in
 Contra ling
 silentium, s
 minæ: Pau
 Mulieribus
 Hactenus
 puella duc
 facie, inces
 tatem, vel
 lanti. De
 eam ducer
 videtur. Qu
 ficia nouit,
 affluit in p
 pistrare, qu
 videbuntur.
 uerit, victum
 bus, honesto
 vxorem Past
 lent esse, qu

incedunt, in vndarum more torquent corpus: multæ aërem occipitio feriunt: aliæ alias ineptias exprimunt, quibus impudicum produnt animum. Præterea Vestitus & pudicitia & impudicitia testis esse solet. Quæ enim fœminæ nimium cultui vestium student, & præcipuè si status sui & conditionis non habent rationem, libidinem animi in veste pingunt. Maximè omnium lingua & sermo, animi character est. Loquaces fœminæ apud omnes, infames sunt: Contrà singulare mulierum ornamentum, est silentium, sicuti & Ajax suæ obiecit loquaci fœminæ: Pauca, inquit, mihi loquere, & graua. Mulieribus enim silentium ornamento est.

Haftenus de moribus. Summa hûc redit, vt puella ducenda pastori in vxorem, sit pudica facie, incessu composito ad pudicitiam & grauitatem, vestitu decenti, & lingua minimè petulanti. De artificio restat. Non est vtile pastori eam ducere, quæ tantum nata ad deuorandum videtur. Quare eam quærat, quæ muliebria artificia nouit, pro conditione suæ personæ, quæ afflueuit in parentum ædibus ea curare & administrare, quæ ad matronarum officia pertinere videbuntur. Breuiter, sit talis, quæ, si res postulauerit, victum honestè quærere possit suis manibus, honesto aliquo artificio. Non enim decet, vxorem Pastoris ocio deditam esse: quales solent esse, quæ apud parentes nimis teneræ sunt educa-

Vestitus.

Lingua et sermo.

Artificia.

educatæ. Nam Pastor cum sua vxore, ad quamuis fortunam paratus esse debet.

Fama.

*Sæpe
vane loquitur.*

Sequitur fama publica, cuius etiam rationem habere debet Pastor. Et si enim cum ea sint salua, de quibus iam diximus, hoc est, si nata est puella ex honestis parentibus, si bonis moribus est prædita, si honestum aliquod artificium nouit, fama honesta comitari solet: tamen vtile est, eam etiam in consilium adhiberi. Illa enim verè honesta est, de qua fama veretur mentiri. Verùm si fama aliquid contra ea, quæ foris videntur, ferat, prudenter circumspiciendum, vt quid veri sit inquiratur. Nam sæpè vsu venit, homines vana loqui, idq; vel beneuolentiæ, vel odij affectu ductos, vt verè Nazianzenus refert. Hic prudens circumspectio adhibenda est.

Dixi qualem velim Pastorem meum quærere sponsam, quam cum nactus fuerit, debet in timore Dei & sponsalia & nuptias celebrare, & inuitare filium Dei suis precibus, vt aspera, quæ fortè inciderint in ista noua societate, velit mollire, & aquam in vinum conuertere, hoc est, tenues ipsorum facultates, sua benedictione prosequi & augere.

AFFECTVS PASTORIS ERGA VXOREM.

VT

VT a
opo
quam iam
vxorem
tutionem.
Si ad
ris erga do
contemner
imò potius
prosequi.
Si ad
spexerit, an
extructam e
rem. Debet
nem: debet
debet illam
um membra
suam ipsa
non velit?
Deinde
neq; de pec
mata, adme
licet, quod
pate non est
pedibus for
medio, hoc
non debet Pa
vt in seruam
ex lege instit

VT autem Pastor sciat, qualem affectum oporteat ipsum habere ergà vxorem, quam iam accepit, respiciat cùm ad Deum, à quo vxorem petijt, cùm ad primam coniugij institutionem.

Si ad Deum respexerit, admonetur amoris ergà donum Dei. Non enim debet vt vilem contemnere, quam scit sibi à Deo datam esse: imò potius vero & sincero charitatis affectu prosequi.

Si ad primam coniugij institutionem respexerit, animaduertet Heuam de costa Adam extructam esse, & datam fuisse Adamo in vxorem. Debet igitur eam amare, vt propriam carnem: debet eam fouere, vt propriam costam: debet illam imbecillem refocillare, vt proprium membrum. Quis enim tam crudelis est, vt suam ipsius carnem amare, fouere & reficere non velit?

Deinde, quia Heua non de Adæ capite, neq; de pedibus est facta, sed ex latere est formata, admonetur Pastor de rebus tribus: videlicet, quòd vxor non sit domina sua, quia de capite non est sumpta: Nec serua, quia non est de pedibus formata. Sed quòd sit socia, quia de medio, hoc est, de latere prodierit. Vt igitur non debet Pastor, imperium in vxorem habere vt in seruam, nec illi subijci vt seruus: ita debet ex lege instituti coniugij, eam vt propriam carnem,

nem, atq; sociam vitæ, intimo amore complecti. Hic amor fundamentum erit reliquorum officiorum in tota vita.

INSTRVCTIO VXORIS.

INSTRVCTIONEM vxoris, hic intelligo eam informationem, per quam consuetudo coniugum amabilis, dulcis, & sine omni molestia reddi possit. In primo enim congressu, iaciendum est fundamentum futuræ consuetudinis in tota vita.

Primum itaq; Pastor vxorem nactus, diligenter instruat eam, & veluti de nouo pacificatur cum ea, de constantia & perseuerantia in vera pietate: hoc est, quod velint vnà Deo obedire, statuuntq; se pietatem omnibus rebus mundi velle antepone. Hoc iacto primo instructionis fundamento, omnia postea erunt faciliora.

Hinc amicitiam mutuam pendere doceat. Nulla enim stabilis & firma amicitia esse potest, nisi à Deo ortum habeat. Admoneat omnem inimicitiam inter coniuges, cum pacto pietatis pugnare, quod pactum violare summa temeritas est. Adhæc ex eodem fundamento doceant vxorem, quod virtus ac morum probitas, inter coniuges mutuam oblectationem pariat.

Quare

Quare ut pastor ipse virtutis ac probitatis exemplum, uxori esse debet: ita eandem sedulo hortetur, ut in eius vita morum quædam probitas reluceat, doceatq; non in auro & splendidis vestibus, sed in morum probitate, præcipuum honestæ matronæ ornamentum esse situm: iuxta hoc insigne Cratetis dictum, de ornatu mulierum. Ornatus est, inquit, quod ornat. *Ornat. v. p. 9.* Ornat autem quod ornatiorem uxorem facit: *multis.* facit autem ornatiorem neq; aurum, neq; smaragdus, neq; coccus, sed quæcunq; gravitatis, modestiæ, & ingenui pudoris indicium addunt. Hoc comprobet pastor verbis Petri, 1. Pet. 3.

Instituatur præterea pastor uxorem, de mutua ἐπιμενεία, hoc est, de æquitate & moderatione, qua uterq; alterius æqui boniq; consulat mores & errores. Hanc æquitatem omnino necessariam esse doceat. Nam in hac naturæ imbecillitate multa errata incidunt, quæ nisi mutua condonatione tegerentur, horrendi tumultus orirentur, & citò fieret alienatio animorum inter coniuges: præsertim cum Diabolus inficiatur coniugibus, & præcipuè incumbit, ut coniuges suo veneno inficiat: *Diabolus inficiat.* quò postea inde prodeant homines apti ad propagandum Sathanae regnum. Mutus ergò sit pastor, præsertim adhuc primo amore feruente, in commendanda uxori hac mutua ἐπιμενεία toto vitæ tempore necessaria.

necessaria. Hanc moderationem amor mutuus alet, fouebitq; : faciat quoq; , vt coniuges non nimis acutè alter in alterius vicia introspiciant : sed vt multa aut non animaduertant, aut si animaduenterint, amore mutuo tegant. Si quando necessaria est admonitio, efficiendum vt ea ex amore proficisci videatur. Ad hæc doceat vxorem, si opus esse videtur, vt piè & sedulò præstet officium, non tanquam in conspectu hominum, sed vt in conspectu Dei. Postremò & voce, & exemplo, doceat pastor vxorem pietatis exercitia, inuocationem, gratiarum actionem, sacras Ceremonias reuereri, &c. de quibus rebus infra fortasse plura.

Hæc sit brevis instructio, qua pastor suam vxorem, quam ducit inuenculam, informare potest : qui tùm demùm efficaciter eam instruet, si ipse præierit exemplo, & quod ab vxore requirat, ipse primus faciat.

Sed vnum ferè prætermissem, quod nequaquam omittendum fuit. Vxor Pastoris vbi conceperit, admoneatur à marito, vt siue cubitum eat, siue surgat, Deo commendet, quod benedicente Deo concepit : Petat vt ipse sua potentia & bonitate absit, tueatur, ac foueat quod conceptum est. Quomodo autem infans natus educari debeat, iam dicendum est.

EDVCATIO LIBERORVM.

Post-

POSTQUAM Pastor videt benedictione Domini auctam familiam, non cessabit Deo gratias agere, pro tanta benedictione, & orabit, vt Deus quod dedit clementer tueri velit.

In educatione autem puerorum, sit primum fundamentum, inuocatio Dei pro pueris. Nisi enim Dominus custodierit ciuitatem, frustra laborat, qui ædificat eam. Frustra itaq; omnis cura educandæ sobolis suscipitur, nisi Deus manum adhibeat, & dederit pueris aduersus Sathanam angelos custodes.

*1. inuocatio
Dei.*

Deinde, hoc iacto fundamento de inuocatione Dei pro pueris, summa pastoris cura esse debet, vt vnâ cum lacte natus infans incipiat balbutire *I E S V* nomen. Illa enim dulcis appellatio, prima cum fuerit in infantis ore, spes est vt in reliqua tota vita illic maneat, non sine maximo fructu. Vbi autem puer fari cœperit, mox precandi formulam à Christo præscriptam discat, eamq; sæpius recitet, & præcipue cum itur cubitum, cum surgitur manè, & in principio & fine prandij & cœnæ. Hanc ubi aliquo tempore vsu firmauerit puer, addatur Symbolum: mox Decalogus: postremo doctrina de Sacramentis.

Porro ubi ætas maior accesserit, hoc est, circa septimum annum, pater incipiat puerum docere, de creatione, de lapsu primorum pa-

E

ren-

rentum, de peccato propagato à primis parentibus in totum genus humanum. Deinde proponat Christi beneficia, quomodo ipse propiciator peccati sit, cuius propiciationis testimonium & sigillum est ipse Baptismus. Hic doceat pastor puerum accuratè de Baptismo: ostendat Baptismum testimonium esse ablu-tionis peccatorum, per sanguinem Christi: ostendat Baptismum perpetuam concionem pœnitentiæ esse: ostendat Baptismum, signaculum esse beneficiorum Christi, & vitæ æternæ. Admoneat puerum de candida veste, quæ ipsi imposita fuit in Baptismo, quæ ipsum in tota vita admonebit, quòd & sit vestitus iusticia Christi, & quòd debeat in posterum candidam & sanctam vitam meditari. Hæc omnia melius discunt pueri, si patris vitam videant doctrinæ respondere.

His iactis pietatis rudimentis, masculæ proli proponat pater literas discendas, modò ad eas apta videatur: fœmellæ opera muliebria: nisi fortè placet, quòd non improbo, eam institui in literis, vt possit aliquando sacros libros, vernaculo sermone scriptos, legere. Nam vt latinè discant puellæ non suadeo.

*Notes pueri
fœmellæ.* Præterea habeat Pastor singularem curam morum in liberis. Si quid quod non decet agant, puniat: si officium faciant, laudet: moneat quàm

at quàm honestè domi ergà parentes & familiam se exhibeant: quàm modestè foris ergà alios se gerant: qua reuerentia excipiant senes: quo candore cum paribus conuersentur.

Cæterùm vt rem ad numeros reuocem, quatuor potissimùm in institutione puerorum spectanda sunt, quæ Paulus, etsi in diuersis locis, de puerorum educatione tradit.

PRIMUM, quid parentes debeant pueris, exponit.

DEINDE, quid caueant parentes in puerorum educatione docet.

TVM, quid in pueris sit culpandum admonet.

POSTREMO, quorum puerorum mores sint laudabiles, monstrat.

Ad Ephesios sexto, quid parentes debeant pueris his indicat verbis: Patres educate liberos vestros in disciplina, & correptione Domini. Breue quidem præceptum est, sed multa continet. Vult enim vt a cunis liberi sancta institutione formentur, ac sanis admonitionibus corrigantur subinde: vult eos enutrirî in disciplina & correptione, non quauis, sed Domini: vult vt discant præcepta pietatis, ciuilia morum instituta: vult eos proficere in

E 2

timore

timore Dei: vult eos informari in veritate, iusticia, temperantia, pudore.

Proinde Pastor, cui prolem donauit Dominus, in his fit sedulus: enutriet suam sobolem in disciplina, & monitis Domini, & simul addat domesticum exemplum, ne quid turpe dictu à se audiant, ne quid turpe factu in se videant: imò potius det operam, vt se viuum exemplar omnis pietatis & probitatis habeant.

2.

2. id parentes
in puerorum
educatione cauere
debeant.

Quid parentes in puerorum educatione cauere debeant, Apostolus in eodem capite ostendit, cum inquit: Vos patres ne ad iram prouocetis filios vestros. Vult Paulus ne immodica sauitia parentes filios exasperent. Hinc enim nascitur odium: ex quo fit demum vt iugum prorsus excutiant. Ideò ad Coloss. additur: Ne despondeant animum. Ingenua enim tractatio & moderata, magis liberos retinet in parentum timore, atq; etiam obsequendi studium & alacritatem illis auget: contra durities & illiberalis austeritas, eos ad contumaciam inflamat, & pios affectus extinguit. Studeat ergò Pastor, vt disciplina puerorum suorum comitate sit temperata, ne nimia seueritate vsus, pueros perdat.

3.

3. id in pueris
culpa sit
ostendit.

Quid in pueris culpandum sit, idem Paulus in Epistola ad Titum, vbi agit de eligendo Episcopo, hoc est, Pastore ostendit. Liberos

heros habens non obnoxios crimini luxus, aut contumaces. Duo vitia grauissima notat, ἀσωτία & inobedientiam. ἀσωτία omnem intemperantiam significat, vt luxuriam, lasciuiam, prodigalitatem, heluationem, &c. Clemens in secundo Pædagogi, dicit ἀσωτίαν dici quasi ἀσώσιαν, vt significetur finis eorum, qui luxuriæ, lasciuiæ, heluationi dediti sunt. Illis enim nulla salus reliqua est, seipsos sua intemperantia extremè perdunt. Aliud vitium quod culpat in pueris, est inobedientia, ex qua prius illud nascitur. Cùm igitur Paulus non vult eligi vllum pastorem, cuius liberi sunt luxuriosi & contumaces, det operam pastor, vt prudenti moderatione, pullulantia in liberis vitia corrigat. Si enim tempestiua & prudens disciplina adhibetur, nemo tam distorta est natura, quin flecti possit. Verùm si inueteratum fuerit malum, frustra corrigere studebis. Principijs ergò obsta. Laudabiles mores puerorum qui sint, indicat Paulus 1. Timoth. 3. vbi loquitur de eligendo pastore. Qui (inquit) filios habet, cum omni subiectione, & reuerentia seu honestate, & castitate. Omnia enim hæc græca vox σεμνότης complectitur. Vult ergò in summa, liberos pastoris moribus esse ad omnem obedientiam, reuerentiam, castitatem, modestiam, & grauitatem compositis, ita vt Patris quasi ingenium referant.

TRACTATIO FAMILIÆ.

SERVORVM ET AN-

CILLARVM.

GENERALIS regula, iuxta quam oportet Christianos dominos agere cum suis seruis & ancillis, traditur Ephes. 6. hisce verbis: *Et vos domini eadem facite erga seruos, remittentes minas, seu laxantes iracundiam, scientes quòd & vester ipsorum Dominus est in cœlis, & personarum acceptio apud Deum non est.* Huic generali regulæ subesse debet Pastor. *Præterea etiam cogitabit, quòd non sit tantum Dominus in sua familia, verumetiam Propheta & Episcopus, qui debet curam animarum suæ familiæ habere.* Curet igitur ante omnia, vt sua familia sit pia, sit honesta, sit fidelis. Neq; ferat seruum & ancillam, qui disciplinæ modesticæ, etiam quantum ad religionem attinet, subesse recusant. Solent vt plurimum serui accommodare se moribus dominoꝝ suorum: quantò magis par est, vt pij Pastoris mores exprimat pia familia.

Hæc sit ergò PRIMA regula, vt Pastor curet vt habeat piam familiam, eamq; assuefaciat ad humanitatem, temperantiam, castitatem, & alias virtutes.

DEIN-

DEINDE iuxta Pauli regulam Pastor placide & amanter foueat seruos & ancillas suas, tanquam conseruos Dei. Habent enim domini & serui communem Dominum, quem suscipere debent vtriq;.

TERTIO iuxta præceptum Pauli reddat Pastor suis seruis & ancillis, τὰ ἀντὰ, hoc est, τὰ δίκαια, iuxta distributiuam iusticiam. Neq; enim sic habeat Pastor obnoxios sibi seruos, quin sciat se vicissim illis obnoxium esse. Seruis laborantibus reddat iustam mercedem, eos foueat ac complectatur in Domino.

QUARTO & postremò, curet Pastor vt sui serui publicas ceremonias frequentius accedant. Hac enim ratione & seruis præstat paternum beneficium, & alios exemplo inuitat, ad similem humanitatem erga suos.

CURA ET PROVIDENTIA
DE VICTU ET NE-
CESSARIIS.

CUM hæc vita opus habeat necessarijs administriculis, vt conseruari possit, non debet Pastor ea media contemnere, quæ Deus ordinauit.

Qui in vrbe habitat Pastor, stipendium suum certum nouit, quod vt rectè dispenset,

E 4.

opus

opus est singulari prudentia, ne vel sordidus videatur, vel prodigus. Vtrunq; vitium indignum est Pastore. PRODIGALITATI medebitur, si perpendat & computet exactè, quantum per annum requiratur ad honestam familiæ sustentationem. AVARITIÆ si Deo fidat, non creaturæ, & statuatur ex benedictione Domini robur esse pani. Qui autem ruri habitat pastor, & habet agros & decimas, potest suis rebus studere, ut habeat quo suis & alijs possit benefacere. Sed non discedat à regula Christi, qui ait: Quærite primùm regnum Dei: meminerit primam curam & præcipuam esse debere salutis.

Quia autem, ut dixi, hæc vita opus habet adminiculis, iuxta Dei ordinationem, quærere potest pastor facultates, eisq; quæ ad cultum victumq; necessaria sunt, operam dare, modò intra limites sui officij maneat. Quòd autem hoc liceat pastori, testatur promissio Dei, qui promittit benedictionem piè laborantibus. Proinde & lucrum, quod pastori ex suis agris & decimis accedit, potest & debet pastor, ut prudens œconomus conseruare, & postea ut res postulauerit, prudenter dispensare.

Quòd si facultates creuerint, agat Deo gratias, ac simul Deum precetur, ne sibi in spinas & laqueos conuertantur: quod sanè usu venire solet ijs, qui solidum fiducia in Deum funda-

fundame
ciam coll
naufra
Deum va

Con

pastor. Si

ponere.

Est it

huius seculi

Dei

adijciat.

Tim

PAST

ac remear

eas dispen

tis.

Pos

dicare, que

L

DE offi
eleēme
rum, suo loc
syna ac liber
ciet, & præf
muni præce
rales erga pa

fundamentum non iecerunt. Qui enim fiduciam collocant in diuitiarum incertitudinem, naufragium fidei fecerunt, & viua fiducia in Deum vacui sunt.

Consilio proinde Dauidis obtemperet pastor. Si affluent, inquit, diuitiæ, noli cor apponere.

Est itaq; *PRÆCIPVVM*, ne diuitiarum huius seculi cupiditate ducatur pastor.

DEINDE, ne ijs animum aut fiduciam adiiciat.

TVM, vt pro ijs gratias dator agat.

PRÆTEREA, vt eas nec auarè cumulet, ac retineat, nec prodigaliter effundat: sed eas dispenset iuxta regulam fidei, & charitatis.

POSTREMO, vt sit paratus eas à se abdicare, quoties Deo libuerit.

LIBERALITAS IN PAUPERES.

DE officio pastoris quantum ad curam eleëmofynarum attinet in vsus pauperum, suo loco dicetur: Hic tantum de eleëmofyna ac liberalitate agam, quam ipse de suo faciet, & præstabit egenis. Nam & pastor communi præcepto subest, quo iubemur esse liberales erga pauperes.

E 5

Præce-

Præceptum autem hoc est: Frange esurienti panem tuum, & egenos vagosq; induc in domum tuam. Si videris nudum, operi eum, & carnem tuam ne despexeris. Et peculiariter Paulus præcipit suo pastori, vt sit hospitalis, seu, vt in Græco est, φιλόφρων: hoc est, amant ter complectens peregrinos, eos fouens, ac recreans suis facultatibus.

Vt autem meus Pastor magis ad liberalitatem excitetur, hûc adiiciam, quæ in omni eleëmofyna spectanda iunt, vt sunt: causæ eleëmofynæ, affectus dantis, modus dandi, fines & præmium eleëmofynæ, liberali pectore præstitæ.

Causæ, quæ impellent Pastorem nostrum ad liberalitatem erga egenos, sunt multæ & variæ, quarum nonnullas recitabo.

*causæ impellent
ad Eleëmofynam dandam.*

I. PRIMÆ. Christiana professio requirit, vt abundant pij in omni opere bono. Nunc autem eleëmofyna est vnum ex præcipuis operibus, quibus proximo commodare possimus, quare pastor sciat se huic communi legi subesse.

2. SECUNDÆ. Mandatum Dei, quod sæpius in Prophetis & Apostolicis literis repetitur. Frange esurienti, inquit Esaias panem tuum. Christus: Date eleëmofynam, ac ecce omnia munda vobis. Huius mandati admonet nos Syracides capite 29. Propter mandatum,

tum, inquit, assume pauperem, & propter inopiam eius ne dimittas eum vacuum.

TERTIA. Exempla Sanctorum, ut Abraham patris nostri, & aliorum multorum. Iob de sua erga pauperes liberalitate testatur, cum ait: Foris non permansit peregrinus, ostium meum patuit peregrino, cap. 13.

QUARTA. Eleëmofynæ puræ æstimatio apud Deum, 2. Corinth. 6. *λεῖψουργία* dicitur. Ad Hebr. 13. *θυσία*, hostia appellatur.

QUINTA. Proximus ipse, qui caro tua est. Propheta dicit: Et carnem tuam ne despexeris. Qui enim indigentem proximum non iuuat, se omni charitate vacuum ostendit. Hūc illud Iohannis dictum: Qui habuerit substantiam Mundi, & viderit fratrem suum necessitatem habere, & clauserit viscera sua ab eo, quomodo charitas Dei manet in illo?

SEXTA. Cogitatio pœnæ eorum, qui non tanguntur calamitate egenorum.

Primum enim incurrunt in iram Dei. Ab inope, inquit Syracides, ne auertas oculos tuos propter iram. Deinde maledictioni pauperum subiacent, iuxta illud: Maledicentis tibi in amaritudine animæ exaudiat deprecatio eius. Præterea, si imploranti te non succurris, idem à Domino expectabis.

his. Prouerb. 21. Qui obturat aures suas ad deprecationem pauperum, ipse clamabit, & non exaudietur. Adhæc, Impius in pauperes spoliabitur donis, quæ habuit, iuxta illud: Non habenti auferetur ab eo quod habet: hoc est, ei, qui non utitur donis Dei rectè iuxta voluntatem Dei, auferuntur ei dona. Exempla multa suppeditant historiæ, & quotidiana experientia. Prouerb. 3. Qui despicit deprecationem pauperis, patietur inopiam. Breuiter, cum ira Dei & maledictione omne malum coniunctum est. Omitto pœnam, quæ in posteritatem extenditur. Qui enim crudelis est in pauperes, eius liberi aliquando aut mendicabunt, aut aliam calamitatem experientur. His causis perpensis, Pastor sit pro ratione suarum facultatum in egenos & exules liberalis.

Affectus dantis
& castus, non infectus hypocrisi aut κενος οφεία:
quæ vitia, omnia opera, ratione præcepti bona, inficiunt, ita vt habeantur abominabilia in conspectu Dei.

Ardeat itaq; affectus, amore Dei, & amore proximi: sit hilaris animus dantis. Hilarem enim datorem diligit Deus: præluceat fides: sit scopus gloria Dei.

Modus Eleemosynarum
quantitas, ἵσότης, æstimatio dati, discrimen
hominum, dominium dantis.

Quan-

Qu
ad regula
abundant
stude. Et
perficite,
mus volunt
habetis. Et
is acceptus
non pro eo
Iorn
mosyna, iur
tione hoc ten
rum defectum
strum defectu
quantum qu
tum ad poss
quirit paria
synam: sed
ris Ecclesiæ
nalogi ratio
se communi
celsitatis, e
symmetria, t
deant, & disti
Æstima
det ex domi
litate: vt vici
duo æra, præ
mas donatio

Quantitas eleēmosynarum moderetur ad regulam. Tob. 4. Si multum tibi fuerit, abundanter tribue, si parum, libenter impartiri stude. Et 2. Corinth. 8. Nunc verò & facto perficite, vt quemadmodum promptus est animus voluntatis, ita & perficiendi ex eo quod habetis. Etenim si prius assit promptus animus, is acceptus est pro eo, quod habeat aliquis, non pro eo quod non habet.

ἰσότης requiritur etiam in modo eleēmosynæ, iuxta illud 2. Cor. 8. Sed pari conditione hoc tempore, abundantia suppleat illorum defectum, vt & illorum abundantia vestrum defectum suppleat, vt sit æqualitas: quantum quidem ad vsum attinet, non quantum ad possessiones. Hæc æqualitas non requirit paria pro paribus ab eo, cui das eleēmosynam: sed spectat symmetriam totius corporis Ecclesiæ. Hæc enim est in Ecclesia iuris analogi ratio, vt dum vtrò citroq; singuli inter se communicant pro mensura donorum & necessitatis, ex mutua collatione efficiatur apta symmetria, tametsi alij plus, alij minus possideant, & distributa sint inæqualiter dona.

Æstimatio datæ eleēmosynæ, non pendet ex doni magnitudine, sed ex animi liberalitate: vt vidua quæ misit in Gazophylacium duo æra, præfertur à Domino ijs, qui maximas donationes obtulerunt. Si enim assit promptus

promptitudo, ex eo quod quis habet acceptus est.

4. Discrimen quoq; oportet habere hominum, in quos eleēmosyna eroganda est. Et si enim omni indigenti succurrendum est, iuxta parabolam de Samaritano: tamen discernendum est inter domesticos fidei, & hostes religionis. Illis quidem, ut Christi membris, primum est dandum, iuxta regulam Pauli Galat. 6. Dum tempus habemus, simus benefici erga omnes, maximè verò erga domesticos fidei. Vocat autem eos domesticos fidei, qui per fidem sunt in eadem, in qua nos, familia Domini: Hoc est, in Ecclesia eundem Christum, & eandem fidem nobiscum profitentes. Est enim fides character familiæ Dei. His verò, quia homines sunt, suo quoq; loco est succurrendum, ne fame & nuditate pereant. Sed omnium primum inchoandum est à summo beneficio, ut suis precibus & doctrina conuertantur ad Deum.

5. Quantum autem ad dominium attinet, quod in modo etiam spectandum dixi, hoc teneatur præceptum. Dominium sit penes te, iuxta Salomonis consilium: Fontes tui deriventur foras: & tu Dominus eorum esto. Idem requirit septimum legis præceptum. Pessimè ergò faciunt Anabaptistæ, qui volunt æqualitatem bonorum *ἐν ἡμῖν*, hoc est, in pos-

in possessione: cum eam Paulus tantum requi-
rat in *χρῆσις*, hoc est, in usu.

Fines eleemosynæ Pastoris debent esse
hic.

*Fines ele-
mosynæ.*

PRIMVS. Gloria Dei. Hanc enim in
omni opere nostro principaliter spectare o-
portet. Ilte erit Icopus omnium nostrarum
actionum, ut paulò antea admonui. Debes er-
gò non tuam gloriam quærere, ut prædiceris
ab hominibus liberalitatis nomine, sed Domi-
no da gloriam, qui te œconomum fecit, ut iux-
ta ipsius verbum dispenles quæ dedit.

SECUNDVS finis, est relaxatio inopiæ
proximi, quem non ex specie, quæ incurrit in
oculos, æstimabis, sed ex ea quam intus gerit,
qua refert imaginem Dei, & est membrum
eiusdem corporis tecum, cuius caput est Do-
minus noster Iesus Christus.

TERTIVS finis esse potest pronocatio
aliorum ad similem erga egenos liberalitatem.
Huc Christi dictum Matthæi 5. Sic luceat lux
vestra coram hominibus, ut videant vestra bo-
na opera, & glorificent Patrem vestrum qui
est in cœlis. Et illud Pauli 2. Cor. 9. Et ex vo-
bis zelus pronocauit complures.

Quod autem Christus dicat, Matth. 6.
Non nouerit sinistra tua quid faciat dextra:
non hoc vult ut nemo te videat liberalem
esse

*Matth. 6.
26.*

esse erga pauperes, sed ut non, sicut hypocritæ faciunt, quæras tuam laudem & gloriam.

Præmium eleëmofynæ, liberali pectore præstitæ, est multiplex. 2. Cor. 9. promittitur ut liberales in pauperes, in omne opus bonum abundant. Ita enim clementissimus Pater rectum vsum vnius doni, compensat multis novis donis, iuxta illud Matth. 6. Dominus dabit mercedem in propatulo. Et Psal 41. Beatus qui intelligit super egenum & pauperem, in die malo liberabit eum Dominus. Salomon: Fœneratur Domino qui miseretur pauperi, & vicissitudinem suam reddet illi. Paulus 2. Corinth. 9. Qui seminat in benedictionibus, in benedictione & metet: hoc est, qui benignè liberalis est, benignitatem consequetur. Esaïæ 58. Cum effuderis esurienti animam tuam, & animam afflictam repleueris, orietur in tenebris lux tua, & tenebræ tuæ erunt ut meridies, & requiem tibi dabit Dominus Deus tuus semper.

TOTIVS DOMVS PASTO-
RIS PRECANDI RATIO
ET TEMPVS.

QUOTIDIE manè fiat in ædibus Pastoris precatio, præsentibus vxore & liberis cum ipso Pastore.

Pueri

Pueri PRIMVM alta voce recitent Catechismum, hoc ordine.

Primum, Decalogum.

Deindè, Symbolum Apostolicum.

Tertiò, verba institutionis Baptismi.

Quartò, verba cœnæ.

Postremò, Dominicam orationem, idq; flexis genibus & complicatis manibus, vt in conspectu Dei.

DEINDE sequatur vxor eodem modo.

Quod vbi factum fuerit, addat Pastor exhortationem ad vxorem & liberos, vt diem istum transigant in timore Dei, scientes se ambulare coram oculis Dei.

AD HÆC precentur pueri, ante prandium & post prandium, ante cœnam, & à cœna.

Ituri cubitum, rursus recitent, vt manè, totum Catechismum. Quo facto Pater commendet ipsos Deo breui oratione.

Hoc ipsum, quod de pueris dixi, optarim etiam in reliqua familia fieri. Neq; deberet hîc auaritia Pastorum tanta esse, vt hoc pijsimum familiæ exercitium negligerent. Verùm si hoc impetrare non possum à meo Pastore, hoc saltem iure peto, vt omni Sabbato vesperi examinet suam familiam, & audiat singulos recitare doctrinam Catechismi: diebus quoq; Dominicis & Festis exploret,

F

quid

quid vxor, quid liberi, quid reliqua familia dī-
dicerit ex Euangelica lectione, quæ eo die est
proposita.

Hæc breuiter sint dicta de secunda parte
nostræ instructionis, in qua exposuimus, quo-
modo pius Pastor debeat suam familiam piè &
sanctè administrare. Verùm quia omnis labor
noster inanis est, nisi Dominus nobiscum ope-
retur, velim vt quotidie Pastor suam Deo
commendet familiam hac oratione.

PRECANDI FORMULA.

QUONIAM nulla domus, nisi te, Domi-
ne Iesu Christe, conseruante, stare po-
test: te supplex rogo, vt domum meam, vxorē
rem, liberos & familiam, tua protectione con-
seruare digneris. Da, quæso, vt ego, vxor mea,
liberi, ac tota familia secundum tuam volun-
tatem, singuli nostrum officium faciamus.
Cum enim tu nos pascis, nihil nobis deest:
cum tu nos regis, securi sumus, & nemo nobis
nocere potest: cum tu nos laborantes adiuuas,
fructum laborum percipimus vberimum. No-
bis igitur adesse digneris: pelle Diabolos, ho-
stes ordinationis tuæ: da nobis custodes, san-
ctos tuos Angelos: ac rege nos semper tuo
Spiritu, vt te perpetuò in hac vita, & futura
celebremus, Amen, Amen; Fiat, Fiat.

DE

DE TERTIA PARTE, DE CONVERSATIONE PASTORIS POLITICA ET EXTERNA.

AUTOR Epistolæ ad Hebræos ait : Confidimus quòd bonam habemus conscientiam, in omnibus cupientes honestè conuersari. Permagni enim refert, qualis sit Pastoris conuersatio : quæ si fuerit honesta, & congruat cum sana doctrina, vtraq; manu putandus est ædificare Ecclesiam Dei, hoc est, & sana doctrina, & honesta vita. At si conuersatio cum doctrina pugnat, quod dextra manu, hoc est, doctrina, extruit, id sinistra, hoc est, mala vita, destruit & demolitur.

Conuersatio & doctrina sunt bonæ & sanæ.

Volo igitur disciplinæ publicæ conuersationis præcepta, meo Pastori præscribere, vt in singulis partibus habeat quid sequatur.

Præcepta generalia multa extant, quæ præcipiunt sanctam & honestam conuersationem, vt benè audiat verbum: & prohibent malam conuersationem, ne verbum malè audiat apud hostes doctrinæ. Et Paulus vult, vt in tota vita ita agamus, vt retineamus fidem & bonam conscientiam : quam qui repudiant, naufragium circa fidem faciunt. Hûc & illud Domini dictum: Estote prudentes sicut serpentes, & simplices sicut columbæ, per prudentiam

F 2

(vt pius

(vt pius quidam interpretatur) caput saluum seruare: per simplicitatem castos mores amare. Serpentes sitis in cauendis malis: Columbæ in simplicitate morum, & vitæ innocentia. Per prudentiam deuitate falsam doctrinam: per simplicitatem deuitate mala opera hominum. Huc & illud Christi ad Apostolos, quibus pastores succedunt: Sic luceat lux vestra coram hominibus, vt videant vestra bona opera, & glorificent Patrem vestrum, qui est in cœlis.

*pastoris vita et
conuersatio magis
in regenda*
Cur autem pastoris vita, & externa conuersatio sit maiori cura regenda, ipse Dominus rationem reddit, Matthæi 5. his verbis: Vos estis Sal terræ. Item: Vos estis Lux mundi. Et Paulus: Esto typus fidelium, in sermone, in conuersatione, in charitate, in spiritu, in fide, in puritate. Et ad Titum 2. Te ipsum præbe typum bonorum operum.

Huiusmodi præcepta passim occurrunt, quæ à pastoribus requirunt sanctam & honestam conuersationem, & pacificam cum omnibus hominibus vitam.

Verum quia hæc generalia dicta, non possunt à quouis rectè accommodari ad singulas partes vitæ in externa conuersatione, volo eas singulis actionibus particulatim accommodare, & ostendere, quid in vita communi, quid in cœtu Ecclesiastico, quid in consilijs & deliberationibus spectandum sit. De his

his tribu
dine dic

QVI

Hoc

part
spiciantur

sciat Pasto
& inferior

illis & lat
quoc; qual

tu, gestibus
uijs, vbi in

qualis in c
explicatis

ris, quant
tinet, con

Que
& inferior

ioribus in
est, habere

gnitatis &

Si in c
grandiores

est illis ho
præpositos

dignitatis

his tribus capitibus, eo quo proposita sunt, ordine dicam.

QVID IN VITA COMMUNI

SPECTANDVM SIT

PASTORI.

HOC Caput etiam dispertiamur in plures partes, vt, veluti in anatomia, singula conspiciantur distinctius. In vita itaq; communi sciat Pastor quomodo cum maioribus, paribus, & inferioribus agendum sit, vt honesta cum illis & laudabilis sit eius conuersatio: sciat quoq; qualis adhibenda sit moderatio in vestitu, gestibus, verbis, cibo, & potu, seu in conuiuijs, vbi inuitatus fortè fuerit: sciat præterea, qualis in contractibus candor requiratur. His explicatis qualis debeat esse conuersatio Pastoris, quantum quidem ad communem vitam attinget, constabit.

Quomodo ergò cum maioribus, paribus, & inferioribus aget Pastor? Quoties cum maioribus in congressu siue colloquio agendum est, habere oportet Pastorem rationem & dignitatis & ætatis eorum, cum quibus agit.

Si in dignitate aliqua constituti sunt natu grandiores, vt superiores omnes, tribuendus est illis honor, quem lex præcipit: Honora præpositos tuos, hoc est, ijs, qui tibi in aliquo dignitatis gradu constituti, præsent, honorem debitum.

debitum exhibe : Hic non spectanda est personæ qualitas, sed officij dignitas. Reddat igitur Pastor Magistratui ciuili, Regi, Præfectis, Consulibus, & alijs, qui publico Magistratu funguntur, debitum honorem, idq; corde, verbis, & corporis gestu.

Qui in nulla dignitate sunt, sed tantum ætatæ antecedunt, vt Patres sunt complectendi, & Patrum nomine, si nulla laborant infamia, compellendi. Ita enim præcipit Paulus suo Timotheo, 1. Timoth. 5. Seniore ne increpaueris, sed obsecra vt Patrem.

Hæc comis & affabilis cum maioribus conuersatio, conciliat Pastori hominum animos, facitq; vt libentiùs audiatur, vbi ad ea, quæ officium Pastoris concernunt, ventum fuerit.

Verum contrà, cum Pastor nec Magistratum honorat, nec ætatem reueretur, odiosus redditur omnibus, & sua temeritate animos hominum à se alienat, & in suspensionem & notam superbix incurrit: quod vbi factum fuerit, actum est postea de toto ipsius ministerio.

Quando cum iunioribus agendum est, eadem spectanda sunt, dignitas & ætas.

Si in dignitate aliqua est iunior ætas, præstetur ei debitus à Pastore nostro honor & reuerentia, nulla habita ætatis ratione, sed officij, cuius causa honorandus est.

Si absq;

Si absq; dignitate publica aliquis viuit, fraternum affectum erga ipsum declarabis, ac non secus quam fratrem tractabis. Hoc quoq; præceptum Pauli est, 1. Timoth. 5. Iuniores, inquit, vt fratres. Hæc pia & blanda compellatio, animos iuniorum ad mutuum amorem flectit.

Si agendum est cum mulieribus grandioribus natu, tractandæ sunt vt matres blandè & ciuilitè.

Si cum iunioribus, tractandæ sunt vt sorores.

At si cum pueris, eos excipias filiorum & filiarum compellatione.

His humanitatis testimonijs in congressu quotidiano conciliabit sibi Pastor bonorum animos, & parabit sibi viam & auctoritatem, ad ea demum cum fructu agenda, quæ ad officium ipsius pertinere videbuntur.

Hæc ideo breuius à me dicta sunt, quia melius in laudatis exemplis conspiciuntur quotidie.

Sequitur de moderatione seruanda Pastori in vestitu, gestibus, verbis, cibo, & potu, si fortè ad bonorum honesta conuiuia vocatus fuerit. Nam in his requiritur singularis disciplina: præsertim in hac morum corruptione, quando disciplina est magis quam oporteret laxata, & languidior natura.

F 4

Vestitus

— vestis.

Vestitus Pastoris, gravitatem & modestiam præ se ferat: sicut decet ministrum Dei. Cogitet pius Pastor de primorum parentum primis vestibus, ut inde admoneatur humilitatis & timoris Dei.

vestis pellicea
Adam innocens, nudus incessit: postquam autem lapsus fuit in peccatum, turpitudine animi in corpore reliquit vestigium, quam folio fici tegere conatus est. Verum quia oculos Dei fallere non potuit, obiurgatur primum: deinde data promissione seminis, nova à Deo donatur veste, nempe pellicea: quæ typus fuit vestis, qua agnus Dei tegit hominum peccata.

*vestis nostra
e symbolum peccati
et gratiæ*
Hinc Pastor cogitet, vestem qua tegitur, symbolum esse cum peccati, tum gratiæ. Prima vestis peccati nos admonet, secunda gratiæ, modò gratiæ vestem induamus.

1. Quoties igitur Pastor manè se induit, humiliat se coram Deo, cogitans se lapsum fuisse in Adamo, & peccatum non potuisse tegi folio fici, hoc est, industria & arte hominis. Deinde cogitet de filio Dei, qui nos sua innocentia tegit, in cuius rei typum olim pelliceæ vestes datæ sunt primis parentibus.

Si hæc prudens Pastor cogitauerit, facile intelliget, quid in veste deceat, & quid non.

His nihil adijcerem, nisi viderem mores quorundam pastorum nimis leues esse: qui
nec

nec quid natura, nec quid sua conditio requirat, perpendunt.

Bernhardus conqueritur, suo tempore multos magis studuisse cultui vestium, quàm virtuti. Id nos longè rectius conqueri, imò deflere possemus. Nam illa disciplina, quæ Bernhardi adhuc tempore viguit, prorsus est abolita. Videmus enim, in nullo hominum ordine, seruari istam veterem in vestitu gravitatem: sed quotidie novas vestiendi formas excogitari, quibus proditur animi inconstantia & leuitas: & ostenditur quòd mascula illa virtus extincta iam sit, quæ fuit in nostris maioribus.

Sed de his frustra conqueror. Vix enim sperandum est, ut reuocet mundus pedem, ab ista sua leuitate & inconstantia: præsertim cum iam natura est languidior, & disciplina, ut dixi, dissolutior.

Etsi autem parùm me effecturum, hac nostra de vestitu instructione confido: tamen spero bonos meum consilium non contempuros. Dicam igitur quid sentiam.

In veste consideranda sunt duo: τὸ ὡρεπὸν personæ, siue decorum, & vsus vestis.

Τὸ ὡρεπὸν seu decorum, est ut Pastor cogitet, quid se deceat pro suæ personæ conditione. Aliud est τὸ ὡρεπὸν militis, aliud nautæ, aliud mulieris, aliud nobilis, aliud ciuis, aliud

rustici, aliud Pastoris : & quod vni est ornamēto, alij sæpè dedecori est. Tantū valet decorum personæ.

Militi conuenit, vestem gestare breuissimam, & iam in hac morum corruptione non datur apud multos vitio, si vela caligarum infra gēua se etiam extendant. Hic si oblonga vteretur veste, meritò se alijs deridendum propinaret.

Nautæ congruit, laxas & dependentes gestare caligas, & veste talari absq; omni platura uti. Hic si militis vestem sumeret, τὸ πρὸς τοῦ suæ personæ non seruaret : nisi forte leuitas isti generi hominum decorum afferat.

Mulierī nobili si sinuoso firmate terram verrit, hodiè non datur vitio. Si idem faceret Pastoris vxor, maximum probum esset.

Cūm nobilis se catenis aureis & annulis ornat, maximè si in Senatu sit Regni, aut eques auratus, (nam aliorum luxui patrocinari nolo) decorum suæ personæ seruat : quod nec Deo, nec hominibus (modò absit animi superbia) displicere potest. Idem si imitaretur ciuis aut rusticus, quid magis culpandum ?

Ita ciuis, rusticus, artifex, &c. decorum in vestitu conueniens suæ personæ seruantes, laudantur. Qui contrà faciunt meritò ridendi sunt.

Ad

Ad eundem modum, imò multò magis decet Pastorem, vt seruet decorum, suæ personæ & officio conueniens.

Relinquat igitur militi vestem nates non tegentem, velaq; caligarum: relinquat aulico acuminatos illos & oblongos pileos: relinquat nautis, suos pannos: relinquat nobilibus matronis sua syrmata, suas catenas, holosericum, margaritas, annulos, & reliquum ornatum, qui iam penè maior est, quàm vt stultitia & leuitas mundi aliquid adijcere possit. Relinquat & ciuibus suum decorum.

Quid ergò à Pastore requiris? τὸ πρέπον.

Quodnam est illud? Hoc situm est in vestis forma, precio, & colore.

Formam appello decentiam quandam, conuenientem grauitati personæ: (vt quæ sit constantiæ & Christianæ humilitatis indicium) vt vestis nimis non diffluat, nec nimis sit stricta, nec quolibet alio modo ad vanitatem parata. Corona indusij non feriat occipitium, vt in multis videmus. Manicæ non sint sectæ transuersè, & rursus filis sericis connectæ. Caligæ non sumtuosæ, nec velis, quæ sunt leuitatis Symbola, defluentes. Breuiter, forma vestium componatur ad grauitatem, constantiam, humilitatem, iuxta laudatorum pastorum exempla: & summo studio caueatur luxus.

Precium

Precium etiam in decoro seruandum est, de quo facile erit statuere, modò superbia de mente exulat, & ibi vera & Christiana humilitas locum habet. Petrus vestes nimis preciosas in fœminis repræhendit, quis ergò eas in ministro verbi feret? Quare relinquat Pastor alijs holosericum, vndulatum pannum, & alia quæ ad pompam & ad superbiam facere videntur.

Postremò, color in decoro spectandus est. Nec alba, nec rubra, nec viridia, nec cærulea congruunt pastori, sed nigra potius, aut alterius coloris, qui minimè ad pompam facere videtur. Verùm hîc consuetudo & laudata exempla adhibeantur in consilium. Aurum, argentum, vniones, & preciosos lapides relinquat Pastor alijs: hæc enim ipsum non ornant, sed turpiter fœdant, & alijs deridendum propinant.

Verùm hîc quæri potest de gradibus ministrorum, alij sunt superintendentes, alij præpositi, alij pastores, alij facellani, vt vocant: an non igitur decorum in his gradibus seruandum? Respondeo. Si sunt omnes pastores vt audire volunt, studeant se inuicem antecellere, virtute, pietate, laboribus in officio, vera humilitate, & mutua beneuolentia, & non quærant sibi auctoritatem, auro, gemmis, preciosis vestibus, annulis aureis, &c. Hoc consilium di-

um diui Iacobi est, quod meo etiam pastori
commendatum volo.

Hæc sint de vestibus Pastoris & ornatu
dicta, iuxta τὸ πρέπουσιν personæ.

Sequitur vsus, qui est duplex.

PRIMVS, vt tegat corpus, & eas partes
quas natura iubet tegere.

SECUNDVS, vt arceat frigus.

Sed huic duplici vsui ita accommodan-
da est vestis, ne violetur τὸ πρέπουσιν.

Monachorum & Eremitarum impia so-
mnia detestamur, qui religionis non minimam
partem in forma, vilitate & duritie vestis col-
locârunt.

GESTVS sequuntur, de quibus admo-
nebo breuiter. Syracides cap. 19. in hanc sen-
tentiam ait: Ab aspectu quisq; cognoscitur, &
ex vultus obiectu intelligitur cordatus. Suus
cuiusq; habitus, ac rictum diducens risus, in-
cessusq; hominis, qualis sit, indicant. Hac sen-
tentia significat sapiens, quod vt quisq; animo
est affectus, ita externa corporis conformatio-
ne maxime ostendit. Hinc multa indicia pru-
dentiae, stultitiae, grauitatis, leuitatis, cætero-
rumq; morum & motuum animi. Quare o-
portet pastorem gestuum corporis singularem
rationem habere. Gestus enim externi & vitia
animi produnt, & virtutes indicant.

Vt au-

2.
vsus
2.
1.
2.

Gestus P.
Syracides cap.
19.

Præcepta de gestu. Vt autem gestus eò rectius à Pastore formentur, duo tradam præcepta, quæ si seruentur, gestus videbuntur ad virtutem compositi. PRIMVM præceptum sit: Singula membra corporis suum teneant officium, neq; vsurpent alienum. SECUNDVM: Singula membra suum opus decenter & modeste perficiant. Nam si membra actiones suas & officia confundunt, aut etiam id, quod iuste agere debent non explent, viciosus redditur & culpabilis gestus. Hinc est quòd Salomon inquit: Homo apostata, vir inutilis, graditur ore perverso, annuit oculis, terit pedibus, loquitur digito, prauo corde machinatur malum.

Oculorum ergò sit PRIMA disciplina, vt illi modestiam singularem præ se ferant. Condit enim sunt oculi, vt eis videamus: hoc munere fugantur decenter.

SECUNDA, sit faciei seu vultus. Nam cum facies disciplinæ sit speculum, temperanda est & moderanda in gestu suo, vt nec proteruè exasperetur, nec molliter dissoluatur, sed habeat semper rigidam dulcedinem, & dulcem rigorem.

TERTIA, sit cæterorum membrorum, videlicet vt singula suis fungantur officijs, nec munera confundant. Vt autem quid velim melius intelligatur, exempla subiiciam, quibus peccatur contra nostram regulam.

Sunt

Sunt quidam, qui nisi buccis patentibus auscultare nesciunt, & quasi per os sensus verborum ad cor descendere debeat, palatum ad verba loquentis aperiunt. Nonnulli in agendo vel audiendo, quasi canes sitientes linguam protendunt, & ad singulas actiones velut molam labia torquendo circumducunt. Alij inter loquendum digitos scalpunt, supercilia erigunt, & oculos in orbem rotantes ineptiunt. Sunt qui rem aggressuri caput iactant, comam excutunt, vestimenta expandunt. Haud pauci quasi ambæ aures ad audiendum factæ non sunt, alteram tantum collo detorto, voci venienti exponunt. Inuenias quosdam, qui inter loquendum, vno oculo clauso, alterum apertum habent. Nec desunt qui dum fari incipiunt, corrugant nares. Multi adeo inepti sunt, vt incedentes, nauigent brachijs, volent corpore, ac triforme monstrum vno eodemq; tempore exprimant. Pedibus enim deorsum cum in terra ambulant, lacertis remigant, & corpore in aëre volant. An non hoc monstri simile, fingere in se simul & hominis incessum, & naus remigium, & auis volatum. Quid referam illos, qui scapulas inter eundem erigunt ad aures ferè vsq;.

Quid dicam? mille sunt larvæ hominum vanorum, qui scdè inter loquendum, audien-

dum,

dum, incedendum, cubandum, & quiduis agendo leuitatem animorum produnt.

Ab his turpibus gestibus, quorum alij lasciuia, alij negligentiam, alij pigritiam, alij inconstantiam, alij superbiam, alij iracundiam, alij leuitatem declarant, cupio vt abstineat Pastor, ac in omnibus actionibus naturam ducem, & exempla bonorum virorum, quorum mores sunt laudabiles, imitetur. Iam ad disciplinam verborum veniamus.

Sermo Pastoris.

De sermone Paulus in hunc modum præcipit. Ephes. 4. Nullus sermo putris ex ore vestro egrediatur, sed si quis est commodus ad ædificationem, quando opus est, vt gratiam auditoribus afferat. Et ad Colos. 4 Sermo vester semper cum gratia sit sale conditus, vt sciat quomodo oportet cuiq; respondere. Ex his Pauli verbis quinque licebit colligere sermonis præcepta. Quorum primum continet, qualis sermo sit vitandus. Secundum, qualis sermo deligendus. Tertium, quale condimentum sermonis sit adhibendum. Quartum, quibus accommodandus sit sermo. Quintum, quis sit sermonis finis. De quibus ordine dicam.

Qualis sermo vitandus.

Qualis, quæso, sermo est vitandus? Putris, hoc est, talis, à quo aut nullus fructus, aut malus certè expectandus est. Ex scurrili sermone & insulso nullus fructus prouenit. Scurrilitas impudentiam, & vanitatem habet coniunctam.

iunctam
indignu
sophi col
in sermo
tio. Ex
lento, syo
tur in aud
quotidiano
modi sermo

Qual
commodus
pus. Vt eni
nullus aut ma
est: ita comm
fructus ædific
Apostolus ad
tres, alia bon
aut malus, a
statur. Co
quendum est
ificationem.

Quida
tio, cur non l
tibus: Quia
lius. Et ap
n de te ti xpi
loquere quic
Quale
tum? Respo

iunctam. Insulitas verò stupor est nimius, & indignus homine. Inter hæc duo vitia Philosophi collocant medium, quod est lepos, qui est in sermone hilaritatis & asperitatis moderatio. Ex sermone obscæno, iactabundo, virulento, sycophantico, & falso, pessimus nascitur in auditoribus fructus. Quare Pastor in quotidiano congressu hominum, fugiat huiusmodi sermonem.

Qualis sermo est deligendus? Bonus & commodus ad ædificationem, quando est opus. Vt enim putris sermo dicitur, à quo aut nullus aut malus fructus provenit, vti dictum est: ita commodus seu bonus is dicitur, à quo fructus ædificationis sperari potest. Alludit Apostolus ad arbores, quarum aliæ sunt putres, aliæ bonæ & integræ. Ab illis aut nullus aut malus, ab his semper bonus fructus expectatur. Cogitet ergo Pastor, tum demum loquendum esse, quando quod dicat facit ad ædificationem.

Quidam cum interrogaretur in convivio, cur non loqueretur alijs omnibus loquentibus: Quia inquit, nihil habeo silentio melius. Et apud Euripidem extat hic versus: ἢ λέγε τι κρῆττον σιγῆς, ἢ σιγὴν ἔχει, hoc est, aut loquere quicquam silentio melius, aut tace.

Quale debet esse sermonis condimentum? Respondit Paulus: Sermo vester semper

G

cum

3. *g. tale dicitur
et g. dicitur
sermo vester?*

Lepos.

*2. g. talis sermo
est deligendus*

cum gratia sit sale conditus. Quare sic? Ne corruptionis odor ad alios veniat. Veteribus sal amicitiae symbolum fuit durationis gratia. Corpora enim solidiora facit, & diutissime conseruat? unde hospitibus ante alios cibos apponi solitum, quo amicitiae firmitas ac perseverantia significaretur. Quare plerique ominosum habent, si sal in mensam profundi contigerit: contra verò faustum, si vinum atque id merum effusum sit. Hinc intelligi potest condimentum salis eò spectare, ut sermo sit solidus, non levis aut inconstans: sit sapidus, non infusus aut ineptus: sit custodia ac conseruatione dignus, non dignus ut unam aurem ingressus abeat per aliam.

Secundo sale gdi
eg. Breuiter sermo sale conditus, significat sermonem à recto iudicio profectum, tempestiue enunciatum, & commodè rebus, de quibus agitur, applicatum.

Sal candidus
injet. Est & dignum memoria, quod vetustas discernat salem candidum à nigro, & candidum dicit esse Mercurij, ut sunt dicta, quae beneuolentiam augent. Ut Alexandri dictum: Regium est beneficientem ferre maledicta. Nigrum autem salem dixerunt esse Momi, ut sunt venenatae reprehensiones. Hunc salem Momi vult Paulus abesse, cum dicit: Cum gratia sit sale conditus sermo. Alludit enim ad cibos, qui tunc demum grati sunt, quando
 nec in-

nec insulsi sunt, nec falsissimi. Hūc illud Pythagoricum pertinet: Salem ne transgrediaris.

Quibus accommodandus est sermo?

Auditoribus, inquit Paulus. Inciuile enim est verba profundere, vbi nullus est qui auscultat. Inciuilius adhuc loqui, vbi omnia perstrepunt clamoribus. Quare Pastor tūm demū loquatur, vbi auditores aures benignas & patentes præbent.

Sed quis huius sermonis conditi finis?

Duplex finis in Paulo proponitur, Scientia, & Gratia.

De scientia ait: Vt sciatis quomodo oporteat cuiq; respondere. Hæc ergo scientia duo continet commoda, vnum eius qui loquitur, alterum eorum cum quibus loquitur.

Quantū autem ad illum qui loquitur, hoc præcipitur commodum. Qui se affuefacit circumspectis sermonibus, non incidit facile in multas absurditates, in quas subindē labuntur homines loquaces & garruli.

Quantū autem ad auditores attinet, ex continuo vsu acquirit sibi rectē & appositē respondendi peritiā. Aliter enim potentibus mundi est respondendum, aliter mediocribus, aliter humilibus: aliter rursus mansuetis, aliter iracundis. Nathan aliter agit cum Dauide adultero, quā egisset cum Stabulario: eiufdem sceleris reo. Hæc non adulationis sunt

indicia, sed prudentiæ signa & modestiæ, quæ præcipuè in oratione Pastorum requiruntur.

*2.
gratia.*

Gratiam præterea requirit Paulus in sermone, ne dicacitate & scurrilitate auditoribus simus molesti, sed potius ut eò nostrum dirigamus sermonem, ut pium fauiorem & beneuolentiam nobis conciliemus, ac ea quibus gratia nobis piè accedit, cum omni modestia dicamus: ita tamen ne huius gratiæ prætextu officium, quod sæpè requirit asperiores sermonem, negligamus.

Dixi ex Pauli sententia quid sit in sermone vitandum, quid sectandum, quale condimentum adhibendum, quibus accommodandus sermo, & qui sint sermonis fines. Nunc autem quò plenior sit sermonis disciplina, distinctionem eorum, quæ ad sermonem requiruntur, cum breui declaratione subijciam.

*sermonis
obseruanda.* In sermone itaq; hæc sunt obseruanda. Quid, cui, ubi, quando, & quomodo dicatur.

id. dicitur. Quid autem dicendum sit, primum hac generali distinctione discernatur. Noxia, inhonesta, inutilia, nunquam dicatur à Pastore: Contra quæ profunt, & quæ sunt honesta, & utilia prudenter dicantur.

Noxia voco, quæ animos auditorum, vel in errorem, vel in prauitatem perducunt, vel etiam quæ aliorum famam lædunt.

In

Inhonestæ appello, quæ vel illius qui loquitur, vel illorum, de quibus fit sermo, vel absentis dignitati non conueniunt.

Inutilia sunt, quæ nec loquentibus, nec audientibus profunt.

Contrà profunt, quæ vel ab errore liberant, vel à prauitate abducunt, vel alienæ famæ parant.

Honestæ sunt, quæ dicentis, audientis, & absentis dignitati congruunt.

Vtilia, quæ profunt, & aliquid commodi afferunt auditoribus.

Deinde, Cui dicatur, obseruandum. Nam qui narrat verbum non audienti, quasi excitat dormientem de graui somno. Ideò prudentia singularis etiam hîc adhibenda est, iuxta hanc distinctionem.

Qui cum alio loquitur, primùm consideret, an propter se, vel propter illum loquatur. Si propter se, hoc est, suam vtilitatem, utpote doctrinæ, aut consilij causa, videat an ille, cum quo loquitur, talis sit, qui vel doctrina, vel consilio sibi vtilis esse possit. Nihil enim stultius est, quàm à rudi doctrinam, & consilium à stulto petere. Si propter illum, qui audit loquitur quis, dispiciat an talis sit ille, qui vel suo sermone non indigeat, vel ita malignus, ut oratione melior reddi non possit. Salomon enim dicit: Qui arguit impium, generat ma-

rat malum sibi. Noli arguere derisorem, ne oderit te. Argue sapientem, & diliget te. Item: Doce iustum, & festinabit accipere.

Deinde periturus consilium ab alio, regulam sequatur, quam præscribit Syracides cap. 37. Ne consilium capias cum muliere de ipsius pellice: de bello, cum meticoloso: de permutatione, cum mercatore: de venditione, cum emtore: de gratitudine, cum homine maligno: de humanitate, cum inhumano: de quouis opere, cum pigro, de perfectione instituti operis, cum annuo mercenario: de opera multa nauanda, cum ignauo seruo: ne attendas his in vlla deliberatione suscepta.

Hic proponit sapiens certa hominum genera, cum quibus non est deliberandum, consiliumq; capiendum. Ex quibus regula generalis colligitur: Neminem qui alicuius priuati commodi studiue rationem propositam habet, ea in re, de qua deliberandum est, esse in consilium adhibendum: Animum enim omni ira, amore, inuidia, cupiditateq; vacuum, consiliarius ad deliberationem afferre debet.

Quare & Pastor meus diligenter caueat, ne ab ijs consilium petat, qui affectibus indulgent potius, quam ratione & prudentia consulunt.

Ter-

Nam
stant
nus in
id qu
quatu
extra
stulau
autem
debeat
est terr
do dicat
mon / el
aurea in
intempo
pus loq
rientia
huc ex
Sa
erit pec
sua, prui
tempus
derant pi
Qui priu
esse dem
Syracide
ximo: si
um. Ide

Tertiò obseruandum dixi, vbi dicatur.

Nam non est decorum, quæ ad forum spectant, in locis sanctis tractare. Vnde Augustinus in Orario nihil agendum esse dicit, præter id quod sacrum est. Pastor igitur in templo loquatur de rebus, ad religionem spectantibus: extra templum, cum de religione, vbi res postulauerit, tum de alijs rebus vtilibus. Loca autem in quibus vana, ociosa, & superflua dici debeant, inueniri non possunt, quia Domini est terra & plenitudo eius.

Quartò obseruandum proposui, quando dicatur. Est tempus tacendi (inquit Salomon) est tempus loquendi. Idem ait: Mala aurea in lectis argenteis, qui loquitur verbum in tempore suo, Prouerb. 25. Et si autem tempus loquendi quod sit, prudens docebit experientia, & experta prudentia: tamen quædam huc ex Salomone & Syracide ascribam dicta.

Salomon dicit: In multiloquio non derit peccatum: Qui autem moderatur labia sua, prudentissimus est. Proinde nunquam est tempus multiloquio. Item: Labia iusti considerant placita, & os impiorum peruersa. Item: Qui prius respondet quam audiat, stultum se esse demonstrat, & confusione dignissimum. Et Syracides: Si est tibi intellectus, responde proximo: sin minus, sit manus tua super os tuum. Idem: Priusquam interrogas, ne vituperes

quenquam: & cum interrogaueris, corripe iuste. Priusquam audies, ne respondeas verbum, & in medio Seniorum ne adijcias loqui. Et rursus Salomon: In auribus insipientium ne loquaris, quia despicient doctrinam eloquii tui. Item: Ne contendas cum pessimis, & ne æmuleris impios. Item: Vir sapiens si cum stulto contenderit, siue irascatur, siue rideat, non inueniet requiem.

Hæc de tacendi & loquendi tempore confusus dixi, quia prudens experientia, & experta prudentia, ut dixi, hæc melius docebit.

Quomodo dicatur.

Restat quod ultimo loco proposui, Quomodo dicatur. Modus autem loquendi, ut ait Gregorius, in tribus consistit. In gestu, in sono, in significatione.

Modus loquendi.
in gestu.

GESTVS sit modestus & humilis. Sonus demissus & suavis. Significatio verax & dulcis. Modestiam debet habere gestus loquentis, ut nec inordinate, nec impudice nec turbulente inter loquendum membra moueat, ne vel oculorum nutibus, vel aliqua minus decenti conformatione, siue transmutatione vultus, gratiam sermonis fœdet. Debet & humilitatem habere gestus loquentis, ut apud auditores gratiam sermo eius inueniat. Thra-sonicam in dicentibus arrogantiam, omnes oderunt.

SONVS

SONVS loquentis sit demissus, ne vel strepitu, vel immoderato clamore auditores suos, aut iniuste terreat, aut iuste offendat. Suavis quoq; debet esse sonus, ne pronuntiationis asperitate, tantò fiat animus audientium onerosior, quantò ad aures durior venit, & iniucundior.

SIGNIFICATIO, hoc est, sermonis sensus, ideò debet esse vera, quia fallax verbum etsi compositè, ornatè, & facundè dicitur, tamen noxium est, ideoq; vt in primo diuisionis membro diximus est fugiendum. Debet præterea significatio esse dulcis, quia plærunq; & veritas auditori amara efficitur, vbi dulcedo non est in verbis loquentis.

Hæc sint de disciplina sermonis dicta, quæ si Pastor obseruauerit, gratiam sibi & amicitiam, & grauitatis laudem sermone suo conciliabit.

Sequitur de disciplina Pastoris in conuiuijs seruanda. Etsi præcepta quæ hætenus dedimus, etiam Pastorem in conuiuio gubernare possunt: tamen seorsim hac de re nonnihil adijciam. Video enim complures in hac parte grauiter peccare.

In conuiuijs itaq; spectentur hæc: Locus, tempus, conuiuij genus, conuiuæ, colloquia, edendi bibendiq; modus, hilaritatis moderatio, & morandi tempus. Ad hæc membra

referamus præcepta de disciplina Pastoris, quam seruandam esse in conuiuijs iudicamus.

Locus. Locus conuiuij si fuerit obscurus, aut infamis, fugiendus est Pastori. Nullo enim pacto decet, vt Pastor in tabernis, aut lupanari, aut in hominum infamium domo conuiuiam agat. Nam hac ratione non solum suæ personæ, verumetiam ministerio inureret infamiæ notam, ac ita suam famam periclitari permetteret, & ministerium probro afficeret. Quare si quando ad huiusmodi loca fuerit inuitatus Pastor, modestè se excuset, cum declaratione gratitudinis & beneuolentiæ, & simul precetur, vt conuiuiis ipsis cedat conuiuium benè, & caueatur omnis Dei offensio.

Tempus. Tempus conuiuij sit opportunum. Opportunum dico, quod nec noctu sit, nec tempore sacrorum in templis, nec tempore communis luctus.

Nocturna conuiuia semper fuerunt infamia. Videntur enim potius turpitudinis gratia instituta, quàm honestæ hilaritatis.

Sacrorum tempore celebrata conuiuia, in contumeliam cedunt ministerio. Illis ergò interesse debent nulli pij, nedum Pastores Ecclesiastici.

Tempore communis luctus conuiuijs operam dare, signum est malignæ naturæ, quæ calamitatibus publicis non afficitur. Hoc enim

tem-

tempore, melius est ire ad domum luctus, quam ad domum conuiuij, iuxta Ecclesiastæ sententiam, cap. 7.

CONVIVIORVM genera sunt duo: Honesta, & Inhonestæ.

HONESTA dico, quæ vel amicitiae in-
eundæ confirmandæ uè causa, vel honestæ hila-
ritatis gratia, vel gratulationis ergò, vel moris
gentis seruandi causa instituta sunt. Hæc tan-
tis per honesta voco, donec locus & tempus ser-
uantur debita, & non iustæ hilaritatis modum
Conuiuæ transgrediuntur. Conuiuia amicitiae
causa instituta à Græcis dicuntur ἀγάπῃ, pro-
pterea quòd in eis mutua fouebatur charitas.

Hoc nomine etiam dicuntur conuiuia,
quæ pauperibus refocillandis instituuntur:
qualia solent in Lolandia patria mea crebrò fi-
eri. Qui enim illuc aut nuptias celebrant, aut
puerperia, aut alioquin solennia conuiuia,
pauperibus mensas aptant, fercula apponunt
non minùs lauta quàm alijs conuiuijs. Ac si quis
conuiuator pauperes non admitteret, aut non
benignè tractaret, non solum auarus, verum et-
iam in Deum impius, in pauperes crudelis ha-
beretur. Hunc morem etiam in Scania, Iutia, Fi-
onia, & Selandia, in quibusdam esse locis con-
stat. Hunc morè commendabit pastor, & inui-
tabit conuiuatores ad humanitatem ergà pau-
peres, commendans ipsis præceptum Domini,
qui

3.
Conuiuij genera

Honestæ conuiuij

ἀγάπῃ

Conuiuia in Lo-
landia solum pa-
uperibus adocentat

qui ait : Cùm facis conuiuium, voca claudos, pauperes, cæcos : & beatus eris, quia non possunt vicem rependere tibi. Retribuetur enim tibi in resurrectione iustorum.

Hac sententia multa continentur. Primum, probantur à Christo honesta & pia conuiuia. Deindè, monemur vt cùm hilares esse velimus cum amicis & familiaribus, non negligamus pauperes, sed eos quoq; in nostrum recipiamus conuiuium. Tertiò, promittitur merces à Deo, quia pauperes non possunt vicem rependere : eamq; mercedem dicit reddendam esse in resurrectione iustorum.

Quòd autem Dominus dicit. Cùm facis prandium, noli vocare amicos tuos, non eò pertinet, ac si Dominus vetaret, conuiuia agitari inter cognatos & familiares : quod sanè barbarum & nimis austerum esset. Quid enim, quæso, inhumanius, quàm à mensa hospitali excludere amicos, & homines arcere ab omni comitate ? Sed hoc tantùm vult Dominus ostendere, officijs in mundo vsitatis, minimè veram probari charitatem. Quare hortatur ad veræ charitatis officia ergà pauperes. Probat itaq; sic conuiuia Christus, si pauperes non excludantur.

Hilaritatis honestæ causa instituta conuiuia non improbantur : sed inter honesta numerò, quæ potissimùm exhibere solent homines,

*quod quando dicitur
noli vocare amicos
tuos, non est
vocandi ad conuiuium.*

*Conuiuia hilaritatis
causa instituta
sunt.*

nes, post aliquem laborem honestè peractum. Idq; potissimùm reficiendarum virium causa, per honestam & moderatam hilaritatem.

Gratulatoria conuiuia, qualia sunt nuptiarum & puerperiorum, commendantur exemplis sanctorum Patrum. Illi enim solebant gratulationis ergò, amicos conuiuijs excipere. Laban nuptiarum solenni more dies celebrauit. Abraham in die ablactationis filij Isaac, grande conuiuium fecit.

Solent etiam conuiuia fieri ex consuetudine gentis, certo anni tempore, qualia nos in nostra patria vocamus fraternitates. Hæc conuiuia modò absit superstitio, & infana ebrietas, culpari non possunt. Verùm in huiusmodi conuiuijs modum seruari suadebit pius pastor.

Ad hoc genus refero ea conuiuia, quæ in Synodis agitari solent à Pastoribus, finitis consultationibus & sacris, de quorum modo probò sententiam D. Petri Palladij piæ memoriæ, qui in suis Synodalibus de illis præcepta conscripsit. Hactenus de honestis conuiuijs.

INHONESTA conuiuia voco, quæ libidinis & ingurgitationis causa instituuntur, quæ potius porcis Epicuri conueniunt, quàm Christi ouibus. Ab his dehortatur Salomon Proverb. 23. Noli, inquit, esse in conuiuijs potatorum, neq; in commestationibus eorum. Commestationes autem dicuntur, nocturna post cenam

*Conuiuia gratulatio-
nis.*

Conuiuia ex consuetudine

Conuiuia iustorum

Commestationes quæ

C. 8. p. 115

cœnam instituta conuiuia, & alia quæuis in-
tempestiua & inhonesta. Habent autem no-
men commestationes à Como, quem Deum
agnouit gentilitas, & præsidem nocturnarum
saltationum. Hic dicebatur coli à iuuenibus,
qui coronati noctu cum facibus musicisq; in-
strumentis, ad amicarum fores saltandi canen-
diq; gratia concurrebant, procaciterq; lasciui-
ebant, vt fores nonnunquam effringerent.
Hunc morem turpissimum, in hac clara Evan-
gelij luce, non pauci sola ganea nobiles reuo-
cant.

Huiusmodi itaq; Lapitharum conuiuia,
pius verbi præco nunquam vel præsentia, vel
signo approbet, imò potius cordatè represen-
dat ac damnet, non veritus alicuius personam.
Multos (proh dolor) licet audire gloriantes,
quòd possint compotatores suos potando su-
perare, ac non minus eo nomine sibi tribuunt,
quàm olim Achilles qui Hectorem pugna vi-
cit. Sed Esaias illis canit: $\theta\epsilon\nu\omega\delta\epsilon\varsigma\ \epsilon\pi\iota\phi\theta\epsilon\gamma\mu\alpha$:
Væ vobis (inquiens) qui confurgitis ad ebie-
tatem sectandam, & potandum vsq; ad vespere-
ram, vt vino æstueris. Item: Væ qui potentes
estis ad bibendum vinum, & viri fortes ad mi-
scendam ebrietatem.

Pastor ergò potius auscultet Syracidi,
qui ait: In vino virum te non exhibeas. Vi-
num enim multos perdidit.

Hæc

Hæc sint dicta de generibus conuiuio-
rum: sequuntur colloquia conuiuialia.

COLLOQUIA CONVIVALIA seruiant
honestæ hilaritati, & ædificationi mutuæ. Absit
futilitas, absit garrulitas, absit acerbitas, ab-
sit malè de absentibus loquendi libido, sit Pa-
stor moderatus in verbis, & sibi Catonis disti-
chon vt regulam proponat.

Inter conuiuas fac sis sermone modestus,

Ne videare loquax, dum vis urbanus haberi.

Et illud Syracidæ: In conuiuio vini
ne arguas proximum, nec eum in sua lætitia
vituperes. Hic recolat Pastor præcepta disci-
plinæ sermonis, de quibus supra dictum est.

Qualem autem oporteat in conuiujs
honestis esse EDENDI ET BIBENDI MO-
DUM, ex ijs, quæ dixi, facile intelligitur. Sed hoc
addo, quod concertationes potandi, & ἀγῶνες πο-
τιῶν, quæ (proh dolor) iam nimis vsitatæ sunt,
nequaquam sint ferendæ inter Christianos.

Quidam merito apud Homerum lau-
datur, qui conuiujs suis vina abundè apposu-
it: sed neminem neq; ad bibendum, nisi per
quam humaniter in initio conuiuij inuitauit,
neq; ad certamen potandi conuiuas compulit.
Est enim nimis barbara consuetudo certare
poculis, nequaquam hominis dignitati conue-
niens, nedum filijs Dei, & pastoribus gregis
Christi, qui vice Christi funguntur.

Hanc

*Colloquia gregi-
alia.*

*ἀγῶνες πο-
τιῶν.*

Hanc ergò barbaram consuetudinem,
Deo inuisam, homini probrosam, Pastor relin-
quat Lapithis & barbaris, qui Christi nomen
ignorant: neq; hîc finat se consuetudine vinci.

HILARITATIS MODERATIO necessaria est in conuiujs. Nam cum hilaritas modum excedit, in insaniam vertitur. Hûc illud Anacharsis, qui primum quidem poculum sanitatis : Secundum voluptatis : Tertium contumeliæ : Quartum insaniae esse dixit. Atq; ideo non immeritò pythagoras, ebrietatem insaniae meditationem affirmauit.

Non igitur oportet bibendi modum ex-
cedere iustæ hilaritatis limites.

Homerus hilaritatem conuiuiorum in
Cantu & salutatione collocauit, quæ vocat ἀνὰ
θῦματα δαΐτες, ornamenta conuiuij, ad exhila-
randos conuiuas adhibita.

Syracides cap. 31. potum vini ad hilaritatem non vituperat, cum ait : Lætitiam animi & hilaritatem parit potus vini iustus, & opportunus. Iustum vocat, qui modum non excidit. Opportunum, qui temporis habet rationem. Homericæ illa anathemata, si fuerint moderata, Pastor in alijs ne reprehendat : sed ipse ab ijs prorsus abstineat.

Quid ergò de philothesijs, & symperi-
phoris sentiendum? Philothesiās, quæ sunt
cum amicitiae signum præbibimus alicui, ac de-
inde

inde poculum porrigamus, laudo: modò ad
exhauriendum nemo cogatur. Neq; symperi-
phoras, cum ordine dicitur, canitur, bibitur, in
honesto consortio reprehendendas iudico: mo-
dò conuiuæ maneât intra modestiæ terminos.

Sed quia difficile est modum seruare, sua-
deo vt Pastor Socratem imitetur, qui ait: Alij
viuunt, vt edant & bibant, ego verò edo & bi-
bo, vt viuam.

Ego soleo inter piorum & Epicureorum
conuiuia, hoc discrimen statuere. Boni viri & *Discrimen in
conuiuia Epicu-
reorum et piorum*
integri, sæpè bibunt vt sedeant diutiùs, honestæ
& piæ colloctionis ergò. At porci de grege
Epicuri, hoc est, homines ventri dediti, & vo-
luptatis mancipia, sedent diutiùs, vt bibant co-
piosius. Hinc sæpè accidit, vt non nihil hilari-
tatis modum excedant pij & boni viri, quod in
illis tametsi vicio omninò non caret: non ta-
mèn est temerè damnandum, modò in fœdam
ebrietatem non fuerint prolapsi. Nam illud
Pauli præceptum Catholicum est seruan-
dum in omnium piorum conuiujs. Ne in-
ebriemini vino, in quo luxur est: sed implea-
mini spiritu loquentes inter vos mutuò per
Psalmos, & Hymnos, & cantiones spirituales,
canentes & psallentes in corde vestro Domi-
no. Hic Apostolus ἀναθηματὰ recitat conuiuij *Αναθηματὰ
conuiuij
Christiani*
Christiani ignota Homero, quæ sunt Psal-
mi, Hymni, & cantiones spirituales: & an-
tithe-

*Hilaritas dicitur
pior.* tithesin facit inter hilaritatem ex ebrietate or-
tam, & hilaritatem sanctam, quæ ex pijs carmi-
nibus & Psalmis in piorum cœtu oritur. Cum
autem in corde dicit, non hoc vult Apostolus,
ut quisq; intus & apud se sine lingua canat, sed
affectum requirit.

*Cantus pius
sanctus.* Duo ergo in cantionibus piorum coniu-
gi debent, pius cordis affectus, & lingua quæ
affectibus excitandis seruit. Hæc de hilaritatis
modo sint dicta.

*Tempus morandi
in convivio.* MORANDI IN CONVIVIO TEM-
PVS, non protrahatur ad insaniam initium, sed
tantum ad hilaritatis medium: præsertim Pa-
stori, in quem alij oculos coniiciunt.

*Macula in
fraternis
convivijs.* Nihil fœdus esse, aut dici potest, quam
Pastorem insaniam pocula exhaurire, & postre-
mum esse qui domum abeat. Qui talis est,
mihi videtur indignus, qui caprarum curam
habeat, nedum ouium CHRISTI. Huiusmo-
di à Iuda Apostolo, maculæ in fraternis con-
vivijs dicuntur: ut qui pro voluptate ducentes
in diem frui delicijs, & se miserè maculant,
& alijs macularum occasionem præbent.

Iam locus postulat, ut disciplinam præ-
scribamus, quæ in contractibus Pastori est ser-
uanda.

*Lex in
fraternis
servanda.* Primum itaq; caueat Pastor, ne quærat
sordidum quæstum, seu, ut Paulus loquitur, ne
sit ἀποχρηστικός, hoc est, turpis lucri cupidus.
Deinde

Deindè, ne implicet se negotijs ad se non
 pertinentibus, qui hoc faciunt πολυπραγμονες
 sunt, quas vel Isocrates damnat, qui πολυ-
 πραγμοσύνην opponit ἐσυχίαν, ad quam Paulus
 Thessalonicenses hortatur, obtestans eos per
 Dominum nostrum IESVM CHRISTVM.

Tum, ne suo exemplo comprobare videa-
 tur, quæ in alijs culpet: ne sit caupo: non ex-
 erceat mercaturam: non emat, vt maioris rur-
 sus vendat: sed sit ἀντάρκης, & sua vocatione
 contentus: viuat ex suis decimis & agris. Si
 quid autem supersit, partem iuste vendat: par-
 tem reseruet in vxoris & liberorum vsum: par-
 tem eroget, sicuti suprà dictum est, in vsus
 pauperum.

Caueat ne quicquam cuiquam debeat, ni-
 si quod naturali iure debeat omnibus, hoc est,
 dilectionem & beneuolentiam.

Vice plurium præceptorum, sint hone-
 storum pastorum exempla.

Præterea, pastor fugiat forenses lites, ac
 potius mediocrem patiatur iacturam, quam vt
 lites sequatur, quæ ministerio non parùm ob-
 futuræ sunt.

Breuitè, in omnibus actionibus & con-
 tractibus sit pastor candidus, nihil auarè agat.
 Debet enim auaritiæ non solùm crimen, verum
 etiam suspicionem magis fugere, quàm vllam
 pestem.

*Antiphras-
is id est* pestem. Avaritiæ enim labes, cum ministros ipsos exponit obrectationibus hominum, tum ministerio ipsi probrum conciliat & inuidiam. Caueat igitur pastor, ne sua avaritia & seipsum perdat & ministerium reddat hominibus inuisum.

Haftenus visi sumus nobis satis dixisse, de disciplina seruanda pastori in communi vita, & familiari hominum consuetudine. Nam & ostendimus quomodo agendum sit cum singulis hominum generibus, & qualis esse debeat moderatio in vestitu, gestu, verbis & conuiuijs. Atq; etiam declarauimus qualis candor requiratur à pastoribus, in omnibus vitæ actionibus & contractibus. Nunc proximo loco sequitur, vt explicemus, qualem se pastor exhibere debeat in Ecclesiastico piorum cœtu.

QV ID IN C O E T V E C C L E -
S I A S T I C O S P E C T A N D V M
P A S T O R I.

*Cœtus Eccle-
siæ quid sit* C O E T V M Ecclesiasticum voco congrega-
tionem Ecclesiæ, ad audiendum verbum,
ad precandum, ad percipiendum sacramen-
ta, congregatam. Sunt enim hi tres fines, cur
pij in ædibus sacris seu templis conueniant.

*Oportet Pastorem
in cœtu excellere* Ex quo patet, qua in re oporteat excellere pastorem in cœtu Ecclesiastico. Nam, vt Augustinus ait, ita oportet pastorem excellere
in

in omnibus, vt cæteri præ illo grex esse videantur.

Primum ergo sciat pastor, quòd in templo, vbi congregatur Ecclesià, debeat quàm attentissimè verbum Dei audire, quoties concionatores audiendi sunt. Quidam inepti totum tempus, quo prædicatur verbum, consumunt nunc colloquijs, interdum lectionibus, sæpè somno, ac si ad se non pertineret mandatum Dei, quo omnes iubentur ipsius audire verbum. Horum error est corrigendus, nisi iram Dei velint incurrere, & maiorem damnationem.

Quidam autem hoc faciunt, ne videantur ab illis discere. Horum superbia odio digna est. Quidam alias fortè causas prætendunt. Verùm pio pastori consulo, vt omnes suos auditores pietatis declaratione (absq; tamen hypocrisi) & audiendi diligentia superet. Hinc enim copiosissimum percipit fructum.

Primum enim confirmatur voce docentis in doctrina.

Deinde etiam discere potest aliquando ab eo, qui præ ipso idiota videtur. Sæpè enim Deus per infimos ea mysteria aperit, quæ sapientissimi suo acumine non potuerunt eruere.

Mos fuit beato LUTHERO, & sanctissimæ memoriæ Philippo Melanthoni, diligentissimè audire concionatores. Et sæpè confessi

H 3

sunt

sunt, se & consolationibus erectos, & in doctrina confirmatos aliorum voce.

Præterea gratum est Deo officium audiendi verbum.

Postremò exemplum prodest. Nam cum homines pastorem ipsum auidè audire verbum animaduertunt, ipsi ad diligentiam maiorem excitantur.

2.
Precari
Deinde pastor meminerit, & sui muneris esse in cœtu Ecclesiastico, vnà cum Ecclesia precari. Hic veniat ei in mentem necessitas Ecclesiæ: cogitet de publicis & priuatis calamitatibus: cogitet de hostibus Ecclesiæ, Diabolo, tyrannis, & hæreticis, & flagitiosè uiuentibus.

In his cogitationibus ardentè cum Ecclesiâ Deum inuocet, vt ipse mitiget publica & priuata mala, vt reprimat hostes Diabolos: vt homines hostes, hæreticos, & tyrannos, aut sua bonitate conuertat, vt saluentur, aut suo iudicio coërceat, ne Ecclesiæ ruinam inferant: vt scandala tollat doctrinæ & morum: vt Ecclesiæ largiatur pacem: vt confirmet fideles in pio & sancto proposito: vt doctores Ecclesiæ suo Spiritu regat: vt magistratum nostrum conseruet in vera pietate: vt omnes status & ordines hominum, vinculo pacis coniungat: vt Ecclesiastico, politico & œconomico statui assit. Breuiter, vt suum regnum quotidie adaugeat,

augeat, & regnum Sathanæ magis magisque destruat. Hæc petat pius Pastor quam ardentissime, & suo Ecclesiam exemplo ad precandum inuiter.

Ad hæc cum Ecclesiâ congregatur etiam ad participationem Sacramentorum, fit quoque pastor in hac parte diligens: declaret suam fidem: edat cōfessionem: percipiat Cœnam Dominicam sæpè cum alijs, vt auditores ipsius exemplo confirmati & moti, pluris faciant Sacramenta Ecclesiæ. Qui autem pastores raro communicant, exemplo suo faciunt, vt Sacramenta veniant paulatim in contemptum.

Propter hæc tria, hoc est, verbum, preces, & Sacramentorum participationem, habet & Ecclesia congregata certas Ceremonias, recitantur Psalmi, canuntur & alia pia cantica: quæ omnia adhibentur, vt sint veluti flabella quædam, quibus spiritus hominis ad pietatis meditationem exciterur. His quoque Ceremonijs pius pastor adesse debet. Canat ergò cum alijs, & ostendat se istis carminibus affici.

Impleamini inquit, Apostolus, Spiritu, loquentes inter vos mutuò per Psalmos & hymnos, & cantiones spirituales, canentes & psallentes in corde vestro Domino. Cum dicit, Canentes & psallentes in corde, non prohi-

H 4

bet

bet ore canere & psallere : sed significat oris
cantum nihil prodesse, nisi ex corde proficiscatur.
Ex corde ergò prouenire debet : & dum
ore canitur, cor magis ad pietatem veluti fla-
bello excitatur.

Hæc sint breuiter dicta de disciplina pa-
storis in Ecclesiastico cœtu seruanda. Sequitur
de consilijs & deliberationibus.

QVID IN CONSILIIS ET
DELIBERATIONIBVS SPE-
CTANDVM PASTORI.

*Consilium
Ecclesiasticum
quale sit*
CONSULTATIONES Ecclesiasticæ, aut do-
ctrinæ controuersæ causa, aut ministerij
gratia, aut eorum ergò, quæ vel ad doctrinam,
vel ad ministerium pertinent, fieri solent.

Ad doctrinam examinandam collationes
de controuersis articulis, & dijudicatio neces-
sariæ sunt.

Ad ministerium pertinent, ministrorum
electio, vocatio, approbatio, ordinatio.

Ad vtrumq; Ceremoniæ, disciplina, & re-
dituum Ecclesiasticorum dispensatio referun-
tur.

Existimo nullam causam offerri posse se-
natui Ecclesiastico, quin sub his generibus con-
tineatur. Dicā igitur qualis disciplina pastori sit
commoda in his iudicij Ecclesiastici partibus.

*Consilium de
doctrina & disciplina*
Consultatio de doctrina controuersa, mo-
desta

desta debet esse, in qua pastor non tam victori-
am quærat, quàm veritatem, imitatus Socra-
tem, qui suum aduersarium ante disputationis
ingressum admonuit hac sententia: Non tam
quærat, vter nostrum vincat, quàm inquiratur
veritas.

Quando ita pastor animo affectus est, au-
diat aliorum sententias, & collationes scriptu-
rarum. Ipse autem modestè, cum rogatus fue-
rit, suam dicat sententiam.

Qui collationes scripturarum non admit-
tunt, & ex illis nolunt interpretationem, quæ
sit consentanea cum tota scriptura, peti, in
multa absurda incidunt.

Qui legit Pauli dictum: Qui laborat, man-
ducat, & ita his verbis adhæret, vt ex collatio-
ne non ferat interpretationem vllam, quæ ge-
nerale dictum, ad certam speciem restringit, is
infantibus, qui agere nihil possunt, negabit vi-
ctum. Quo facto quid potest esse immanius?

Sic multi sæpè vnum dictum arripiunt,
cuius cum verba mordaciter retinent, vim faci-
unt interdum articulis fidei.

Quare in controuersis articulis, opus est
prudenti collatione, ex qua collatione erue-
tur verus dicti sensus, congruens cum vniuer-
sa scriptura.

Moses dicit: Non facies vllum sculpti-
le. Hoc dictum qui apprehendit, nulla colla-

H 5

tione

tione facta cum alijs scripturæ locis, damna-
bit Salomonem, qui sculpturis templum Dei
ornauit.

Quare ex collatione discendum, vtrum di-
ctum ἀπλῶς accipiendum sit, κατὰ τι: vt hoc
Salomonis factum (vt ex collatione constat)
κατὰ τι accipiendum est, non simpliciter.

Deinde in dijudicatione cauendum est, ne
pugnet interpretatio cum aliqua lege deca-
logi aut articulis fidei. Ideò Paulus præcipit,
ut interpretatio sit fidei analogica, hoc est, con-
gruat cum primis religionis axiomatis.

ut interpretatio sit
analogica fidei.
Est & adhibenda in consilium puræ Ec-
clesiæ sententia, & audiendi sunt illi, quorum
doctrina & pietas multis est probata. At
illi qui æmulationis zelo potius, quàm pie-
tatis studio, subito velut è tenebris prodeunt,
nequaquam sunt illis conferendi, qui triginta
aut quadraginta annos, puritatem doctrinæ
voce & scriptis propagarunt.

Intra hos limites si meus pastor se con-
tineat, rectè facit, & paci tranquillitatiq; Ec-
clesiæ consulit. Contrà qui suas quas con-
cepere sententias, mordicùs tuentur, & no-
lunt audire aliorum iudicia: atq; illi qui tan-
quam oracula admirantur, quæ iam spargun-
tur à nouis magistris, contra summorum Viro-
rum in Ecclesia auctoritatem, tranquillitatem
Ecclesiæ turbant, & rei sunt schismatis in Ec-
clesia.

Ecclesia
bunt.

Si

rio, sim

alijs el

odio co

clesia: c

bet, mar

Deum p

berner.

Cum

stor, ne E

Si qu

dat, quid

Rebus publ

facile hinc

cautio ad

liquam b

Si qu

denter, ne

superstitio

monia ad

tem alend

statione.

Ethi at

la prorsus

formatis E

men confi

respiciend

de Cerem

Ecclesia, & suo tempore iustas pœnas Deo dabunt.

Si deliberationes instituuntur de ministro, similem adhibeat pastor prudentiam: cum alijs eligat, non affectu raptus, aut favore aut odio corruptus, quos iudicauerit vtilis esse Ecclesiæ: cum alijs vocet electos, ordinet, & probet, maturo adhibito iudicio, semperq; spiritu Deum precetur, vt ipse consilia & euentus gubernet.

*consultatione
de ministro*

Cùm de Ceremonijs agitur, consulat pastor, ne Ecclesia oneretur multis Ceremonijs.

*Consultatio
de Ceremonijs*

Si quæ abolendæ sunt, diligenter attendat, quid vitij habeant. Nam sicut leges in Rebus publicis, ita in Ecclesia Ceremoniæ, non facile sine offensione vulgi remouentur. Quare cautio adhibenda, ne abrogatio plus pariat mali quàm boni.

Si quæ sunt nouæ instituendæ, videat prudenter, ne sint pueriles nimium, aut ociosæ, aut supersticiosæ, aut ineptæ. Nullæ enim Ceremoniæ admittendæ, nisi quæ faciunt ad pietatem alendam & grauitatem, in sacrorum tractatione.

Et si autem ego consultius iudico, vt nulla prorsus Ceremoniarum in mediocriter reformatis Ecclesijs mutatio admittatur: hoc tamen consilium dedi, vt cogitet pastor, quò sit respiciendum, vbi deliberationes instituuntur de Ceremonijs.

Disci-

Disciplina sequitur, quæ mores corrigit. Quoties de hac agitur, meminerit pastor modestiæ, quæ cum adest, non facile in corrigendis aliorum moribus peccabit.

Huius disciplinæ moderandæ regulam præscribit Paulus Timotheo, his verbis: Seniore ne increpes, sed adhortare ut patrem: iuniores, ut fratres: mulieres natu grandiores, ut matres: iuniores, ut sorores, cum omni castitate.

Hoc est, Si accusatus fuerit senior aliquis, & fuerit conuictus alicuius peccati, ne seuerè, tanquam dominium in eum habens, ipsum increpes: sed ita agito cum illo, ut intelligat ex animo bono & amico admonitionem proficisci.

Quidam cum peccantes corrigere debent: ita austerè agunt, ac si omnem humanitatis sensum exuissent: ac se tùm demùm Viros cordatos, ac strenuos in ministerio haberi volunt, ubi fortè pauperculum aliquem, qui lapsus est, pro sui animi impotentia, rabiosis verbis prostrauerint.

Sed Paulus vult correctionem temperari humanitate atq; clementia. Nemo enim libenter admittit censorem, qui hostili videtur agere animo. Contrà, nemo non facile recipit vel duriozem increpationem ab eo, quem scit se non odisse.

Iuniores, ut fratres: hoc est, Si iuniores fuerint accusati, & alicuius sceleris conuicti ne

eos increpes vt hostes, sed eos corrigas, vt te ex fraterno amore agere intelligant.

Mulierēs natu grandiores, vt matres: hoc est, Si contigerit mulieres grandæuas peccare, vel loquacitate, vel obtrectandi libidine, aut alia quauis ratione, ne sis in eas nimis seuerus & durus, sed eas potius adhortando corrigas.

Iuniores, vt sorores, scilicet adhortare, hoc est: Si contigerit iuniores fœminas, vel ignorantia, vel infirmitate, vel ætatis vicio delinquere, ne sis in eas austerus: sed ita moderare correptionem, vt videatur ex fraterno corde proficisci. Nam vt medicina temperata aliquo dulcore facilius ab ægroto percipitur: ita correptio, quæ candidi amoris significationem habet, libentiùs admittitur & efficacior est. Discernendum tamen est inter adulationis pestem, & erroris dulce remedium. Illa enim mortis, hoc vitæ & sanitatis causa est.

Addit in fine. Cum omni castitate: quod ad omnia membra illa quatuor, quæ præcedunt, referendum est. Nam hæc particula significat, castam grauitatem adhibendam esse, quæ non sit contaminata vllò priuato effectū.

Sunt qui gaudent de lapsu eorum, quos aliquando oderunt, aut qui se aliquando læserunt: vt postea lapsos pro libidine animi, sæuis possint obruere & confundere verbis: sed ista correptio non est casta & grauis, sed adulterata

Cum omni castitate, Præcedunt et ostendunt obsequium.

Gaudere de alio lapsu est priuatum.

etrata prauis affectibus, & ex leuitate animi proficiscens.

Paulus itaq; pastori in corrigendis vicijs, lenitatem & moderationem commendat. Nam vt medicina, quæ sua natura aliquid amari habet, mitigatur aliquo additamento, vt eam ægrotus non auerfetur: ita feueritas, quæ necessaria est in corrigendis vicijs, temperanda lenitate, ne qui peccauit, correptionis asperitate territus, nullam correctionem admittat.

Cum de redituum dispensatione, deliberationes à senatu Ecclesiastico fiunt, duo caueat pastor. Vnum, ne auarè videatur agere. Alterum, ne ex affectu aliquo priuato redditus Ecclesiæ velit distribui. Vtrumq; vitium est in pastore minimè ferendum. Quare iustè agat pastor.

Si stipendiorum causa agitur, sit norma distributiua iusticia, secundum proportionem Geometricam.

Si pauperibus ex superfluis aliquid est tribuendum, pietatis ac necessitatis, & non amicitiae habeatur ratio. Solent enim homines, amore & odio moueri multum: sed pastor hanc sequatur regulam: Cum ab amicis, quæ non licent postulantur, iusticia & pietas anteponatur amicitiae.

Hæc sint dicta de tertia parte disciplinæ pasto-

Regula

pastoralis, qua regatur in externa & politica
hominum conuersatione.

DE QVARTA PARTE,

QVÆ CONTINET OFFICIUM,

SEV LEGITIMAM PASCENDA-

rum ouium Christi rationem.

VERE dixit quidam ex Patribus, regimen *Regimen ani-*
animarum esse artem artium: sentiens & *mae erroris*
est.
difficilimum esse opus, & requirere singularem
peritiam.

Multi, pròh dolor, pastores agere volunt,
cum ipsi potius, vt ab alijs pascantur, indi- *multi ambigunt*
pastorem esse
geant. *finem.*

Tales non mouentur ouium salute, sed
proprijs commodis stimulantur, quibus melius
esset, si nunquam nati fuissent. Nam horren-
dam iram Dei sibi thesaurizant, in diem iræ &
reuelationis IESV CHRISTI.

Hi sanè non tam sollicitè quærerent onus,
cui pares non sunt, si cogitarent, qualis sit res
ouile CHRISTI: si perpenderent, quàm pul-
chra, & DEO grata sit ouium CHRISTI, so-
cietas: in cuius medio DOMINVS ille est,
cui Sol & Luna famulantur, cui assunt mi-
nistri eius, millia millium, & decies centena
millia: si intelligerent, quantæ molis sit,
Christianam condere gentem: hoc est,
regnum

regnum Christi erigere, & Sathanæ palatia demoliri.

Ratiocinationes, inquit Paulus, euertimus omnemq; sublimitatem, quæ extollitur aduersus cognitionem Dei: & captiuam ducimus omnem cognitionem, ad obediendum Christo.

Cùm igitur tam augustum sit pastoris officium, tam arduum, tam periculosum, tam diuinum, operæ precium est, rectè institui pastorem, vt sciat partes sui officij: ne cùm pastor ouium Christi haberi velit, lupus sit pessimus, qui oues miserè dilaniet & à vero ouili abducatur.

Ego itaq; constitui summa qua possum diligentia, pastorem dominici gregis instruere, atq; eius officij partes explicare, quò certa illi norma agendi, ex verbo Dei desumpta, constet. Princeps pastor Christus mentem & calamum gubernet, Amen.

Vt autem certa cum ratione susceptum opus expediam, quatuor ordine sum expositurus.

- I. Quodnam sit pastoris officium.
- II. Quænam sit potestas ministrorum.
- III. Præmium rectè præstiti officij.
- IIII. Pœna neglecti muneris.

Interrogatus quis, quodnam sit pastoris officium: breuiter quidem, & rectè respondere

Quodnam sit pastoris officium.

dere potest, Pascere: sed pascendi ars, & huius partes non tam facile explicantur.

Vt autem pastor meus perpendat, quàm sit augustum, diuinum, & magnificum pastoris officium, PRIMVM titulos pastoris, quos tribuit ei Spiritus sanctus, recitabo.

DEINDE, quid illum mouere debeat ad diligentiam in officio, ostendam.

TVM artem pascendi, & eius partes accedam, vt non tantum genere intelligatur, quale sit pastoris officium: sed vt, anatomia videlicet facta, omnes eius partes conspiciantur.

Inter multos titulos, quos Spiritus sanctus tribuit verbi Dei præconibus, hi sunt ex præcipuis: Prophetæ, speculatores, tuba Dei, præcones Dei, legati & serui Dei, testes Dei Episcopi, oekonomi mysteriorum Dei, architecti, lux mundi, sal terræ, piscatores hominum, seminatores seu agricolæ, præbyteri, pastores &c.

Hi tituli, & huiusmodi alij multi, non solum dignitatem ministrorum verbi commendant, verum etiam illorum officium pulcherrimis similitudinibus pingunt Hos ergo titulos breuiter explicabimus.

PROPHETÆ dicuntur, cum quia prædicunt futura, iuxta decretum Dei de salute credentium, & damnatione reproborum: tum quia oracula Dei, & Prophetias veteres exponunt populo. Hac appellatione monentur ministri

Tituli Pastoris

Prophetae

nistri Dei, vt nihil de suo proponant Ecclesiæ, sed tantum id, quod locutus est Deus, iuxta pactum Dei cum Leuitis.

Speculatores

SPECVLATORVM appellatio, vtrumque regimen comprehendit, & præfectorum & ministrorum verbi, quos Dominus, veluti binos in corpore oculos, ad regendam Ecclesiam instituit. His, si prauis sunt, nulla pestis potest Ecclesiæ esse deterior. Contrà, si boni, nihil melius, nihil iucundius, nihil denique optatius contingere potest. Verum ministri verbi peculiariter speculatores dicuntur, propterea quod veluti in specula constituti sunt, vt pro salute populi vigilent. Quemadmodum enim tempore belli in excubijs collocantur vigiles, ne Ciues inopinantes opprimantur ab hostibus: ita in Ecclesia sunt ordinati ministri, vt hostium insidias anteuertant, & auertant. Monet ergo hæc appellatio ministros verbi de duabus rebus: nempe de hostibus Ecclesiæ, qui insidiantur doctrinæ & moribus singulorum in Ecclesia: & de excubijs, quas agent ministri, ne isti hostes per insidias inuadant Ecclesiam & vastent. Quales isti, quæso, sunt speculatores, qui vicijs suis indormiunt, & perpetua ebrietate madent.

Tuba Dei

TUBA DEI etiam dicuntur ministri verbi, vt Esaia 58. Quasi tuba exalta vocem tuam, & annuncia populo meo peccatum suum, & Israël

Israel iniquitatem suam. Hac appellatione significatur, quod diuini verbi præcones bellum perpetuum indicere debeant impijs.

Admonentur itaq; hîc ministri DEI vehementiæ & seueritatis, qua maximè hypocritæ opus habent, qui sibi placent in vicijs suis, donec seuerius arguantur, atq; in lucem protrahantur. Si enim ministri verbi de lege & Euangelio solùm verba facerent, atq; ostenderent, quæ sit regula benè & sanctè viuendi, commendarent cultum Dei, vicia quoq; reprehenderent, nulla adhibita vehementia, quid efficerent apud hypocritas. Meminerint ergò ministri verbi, quod sint veluti tuba quædam, qua vocantur homines ad bellum, aduersus Diabolum & peccatum.

PRÆCONES Dei dicuntur, iuxta illud: *Κηρύττετε*, hoc est, veluti præcones proclamate. Hac voce admonentur, quod prædicatio Euangelij sit vniuersalis, & quod ministrorum sit, hanc prædicationem non celare quosdam, & alijs reuelare: sed debent toti mundo Euangelium prædicationis pœnitentiæ proponere, & omnibus pœnitentibus remissionem peccatorum in salutem annuciare.

Legati præterea & Serui DEI dicuntur.

Legati Dei.

LEGATI quidem, quia nihil de suo afferrent, sed tantum quod habeant in mandatis, annunciare debent: idq; ijs, ad quos missi sunt. Qui enim sua annunciant, aut quæ Deus non mandavit, Sathanæ sunt legati, non Dei.

Servi Dei.

SERVI verò, ut quæ Domini sunt, curent & non propria agant.

*Testes.**Testes.*

TESTES ad hæc appellantur: Eritis, inquit, mihi testes in omni Iudæa. Nam cum verbum Domini in scripturis testimonium Domini dicitur, rectè qui istud annunciant testes Dei appellantur. Dicitur autem verbum testimonium, quia nobis de Dei voluntate testatur. Hinc tres admonitiones sumat pastor. Primam, quòd voluntas Dei non aliundè sit quaerenda, quam ex eius testimonio, hoc est, verbo tradito in Prophetis & Apostolicis scriptis. Secundam, quòd securè damnetur, quicquid de religione censent homines, vel præter vel contra verbum Dei. Tertiam, ut caueat pastor, ne hoc testimonium occultet, aut non rectè applicet: sed det operam, ut sit testis Dei fidelis, sicuti testimonium ipsum fidele est, sapientiam præstans paruulis.

Episcopi.

EPISCOPI, generale quoq; hoc nomen est omnium ministrorum verbi, tametsi usus iam obtinuit, ut ijs, qui ad alios respectum habent, ut rectè faciant officium, hoc nomen tribuatur. Quare nonnihil videtur contemni lingua

lingua Spiritus sancti. Quod enim is commune facit omnibus, usus tribuit quibusdam. Nomen autem Episcopi, intentum notat, apud Platonem præsidem & inspectorem operarum in singulis hominum ordinibus & statibus significat. Vnde nomen translatus est ad ministros verbi, quia eorum munus est inspicere, & curare, ut & doctrina sana conseruetur, & mores secundum doctrinæ normam forment auditores. Apud Homerum 10. Iliados: Is, qui aliò, ad explorandum quid agatur, mittitur, voce Episcopi significatur. Apud Indos Episcopi fuerunt, quorum erat videre, quid in quaq; regione fieret, ut cognita ad magistratum referrent. Fuit & Atticus magistratus Episcopus, hoc est, prætor, qui mittebatur ad ius dicendum, in ea oppida, quæ sub ditione Atheniensium erant. Ciceroni ad Atticum Episcopus est, ad quem delectus & negotij summa refertur. Andromacha apud Homerum, Hectorem vocat Troiæ Episcopum, hoc est, defensorem & præsidem. Atq; hæc significata aptè transferuntur ad eos, quos hodiè vocamus Episcopos. Hi enim mittuntur aliò, ad explorandum quid & quomodo agatur, in ijs parochijs, quæ suæ fidei sunt commissæ.

Penes hos ius dicendi autoritas est, iuxta verbum expressum, & piæ disciplinæ regulam: idq; in ijs diocesisibus, quæ ipsis commissæ sunt.

I 3

Ad

Ad hos delectus & negotij summa pertinet. Hi sunt defensores & præsides Ecclesiarum, sed nequaquam ἀνυπεύθυνοι. Debent enim summo Monarchæ Christo rationem suæ administrationis reddere.

Decon...

OECONOMI, idq; mysteriorum DEI dicuntur, 1. Corinth. 4. Sic vos existimet homo ut ministros Christi, & œconomos mysteriorum DEI. PRIMVM Paulus hic Evangelij præcones, ministros appellat. DEINDE ministerij genus exprimit, cum eos œconomos vocat, idq; mysteriorum DEI: quo significatur, non latius patere eorum officium, quàm ut mysteria Dei dispensent: hoc est, quæ Dominus illis mandauerit, de manu, quod aiunt, in manum tradant, non autem quod ipsis libitum fuerit. Et quia œconomis suorum Dominorum claves habent, ut pro arbitrio Dominorum claudant & aperiant, dicuntur ministri verbi claves à Domino accepisse, quibus clauditur & recluditur regnum cœlorum, quod hac fit ratione. Quando prædicatur Evangelium penitentiae & remissionis peccatorum per Christum, applicant œconomis DEI vnā clauem, qua aperitur regnum cœlorum. Quod si illi qui audiunt verbum, adhibent verbo fidem, accedit etiam clavis altera. At si auditores fidem non adhibent, dicuntur œconomis claudere regnum cœlorum, iuxta dictum: Qui non

non crediderit condemnabitur. Hæc clau-
um Ecclesiæ spiritualis potestas est, de quibus
postea rursus dicentur plura.

ARCHITECTI, 1. Corinth. 3. Tan- *Architecti.*
quam sapiens architectus fundamentum posui,
secundum gratiam DEI mihi datam, alius
autem super ædificat. Porro vnusquisq; vide-
at quomodo ædificat. Fundamentum enim
aliud nemo potest ponere, præter hoc, quod
positum est, quod est IESVS CHRISTVS.

Hæc collatio tria docet. Christum esse
fundamentum: Ecclesiam esse ædificium: mi-
nistros verbi esse architectos.

Hî ergo monentur, ne extra fundamen-
tum ædificent, sed omnia ad normam funda-
menti exigant. Proinde hîc non solum digni-
tas ministrorum verbi officium indicatur, ve-
rùm etiam ædificandi modus.

LUX MVNDI, Matthæi 5. Vos estis lux *Lux mundi?*
mundi. Etsi autem omnes conuersi, & luce
cœlestis doctrinæ illuminati, filij lucis dicun-
tur, & iubentur lucernas ardentes manibus ge-
stare, ne errent in tenebris: tamē quia præ alijs
lucere debent ministri Euangelij, tribuit eis
Christus hoc elogium, quibus & præcipit, vt
suam lucem sinant lucere. Sic luceat, inquit,
lux vestra, coram hominibus. Est autem lux *Lux doctrinae*
doctrinæ, & lux morum: vtraq; lucere debet
in ijs, qui legitimi ministri haberi volunt.

Sal terra.

SAL TERRÆ: Hic titulus significat munus ministrorum verbi esse salire terram: quia scilicet, nihil nisi insipidum habent homines, donec sale doctrinæ cœlestis conditi fuerint. Caueant ergo ministri verbi, ne ipsi insipidi sint, qui alios salire sale doctrinæ & vitæ debent. De salis metaphora supra dictum est.

Quia ipse homo.

PISCATORES HOMINUM, Matth. 4. Sequimini me, faciam vos piscatores hominum. Rete & verbum, piscatio & prædicatio, piscatores & prædicatores, mare & mundus, inter se analogiam habent.

Vt rete multas maculas habet: ita verbum multa testimonia & exempla.

Vt in piscatione capiuntur magni & parui pisces: ita prædicatione sapientes & insipientes, nobiles & ignobiles, diuites & pauperes, convertuntur ad Deum.

Vt piscatores tota laborant nocte, vt capiant pisces: ita ministri Euāgelij toto vitæ tempore conabuntur homines adducere Christo.

Vt mare est procellosum, & sæpè piscatoribus minus propitium: ita mundus non cessat ministris Euangelij negocium facessere.

Admoneantur itaq; ministri Euangelij, & summæ industriæ in officio adhibendæ, & periculi à fluctibus mundi: sed nihilominus retia sua iaciant in nomine Christi. Is enim faciet vt piscatio non sit futura inanis.

S E M I

SEMINATORES ET AGRICOLÆ, Hic titulus de quatuor admonet. PRIMVM, quod homines comparentur agro. SECUNDVM, quod verbum Dei seminis rationem habeat. TERTIVM, quod seminatores & agricolæ symbolice prædicatores notent. QVARTVM, quod seminis vis & incrementum, hoc est, verbi Dei & efficacia, à Deo sit. Vt enim agricola perfunctus est suo munere, postquam in terram iecit semē, & non potest facere, vt semen fructum ferat: ita verbum prædicatum non fert fructum, nisi diuinitus rigatum fuerit aquis cœlestibus. Et vt agricola debet terram subigere, sterco-
rando, arando, occando, plantando: sic & res se habet ministrorum. Debent enim corda hominum legis prædicatione arare, & aptare ad recipiendum semen cœleste.

PRESBYTERI, hoc est, seniores. Hic non tam ætatis quam honoris & ordinis titulus est. Monentur igitur hac appellatione præcones verbi, vt iuuenilem inconstantiam & leuitatem fugiant, & eam sententur grauitatem, quæ poterit ipsis auctoritatem apud populum conciliare.

PASTORES deniq; visitatissimè in scripturis dicuntur ministri verbi: quemadmodum etiam rectores rerum publicarum apud Prophetas & Homerum. Hæc appellatio & officium, & curam, quæ varia & multiplex est, & condi-

conditionem eorum, qui Euangelium audiunt, exprimit.

O F F I C I V M, est pascere gregem Christi pabulo cœlesti, quod est verbum **D E I**.

C V R A, est ne vel à lupis rapiantur oves, vel morbis infestentur, sed ut & tutæ sint in ouili, & sanæ: hoc est, minimè infectæ veneno peruersæ doctrinæ, aut labe morum praetiorum.

Conditio auditorum
variis, similis
modis, quibus
afficitur. **C**onditio auditorum verbi, similitudine ouium indicatur, quarum aliæ alijs implicantur incommodis. Quælibet enim suos patitur hostes, suas insidias, sua certamina. Hanc vepres, spinæ, fentesq; dilacerant. Hanc æstus urens, hanc bruma rigens discruciant. Hæc infixæ est in limo profundi. Hæc ex altis rupibus præceps ruit. Adhæret huic veterna scabies. Alteri contagiosa societas morbum affricat. Sicq; fascinatio morbidarum transit in teneriores agniculos.

An non hic actum est de ouibus, nisi peritia pastoris & cura succurrat?

Non aliter se habet res in cœtu hominum, audientium vocem Euangelij. Hic opinionum varietate veluti laceratur. Hunc tentationes transuersum agunt: alius impatientia frangitur: nonnulli immerfi voluptatibus hærent: non pauci quotidie in noua ruunt flagitia: sunt qui assuetis peccatis ita induruerunt, ut ab eis

eis liberari non possint. Nam ut Augustinus ait, Natura & consuetudo, hæc duo coniuncta robustissimam faciunt & inuictissimam cupiditatem. Multi pròh dolor, aliorum inficiuntur contagine, atq; ita morbus peruadit etiam in pueros, qui statim cum lacte parentum vitia imbibunt.

Cùm ergò tanta sit ouium Christi infirmitas, oportet sanè haud segnem esse pastorem, qui his omnibus malis peritè medebitur. Neq; quisquam fideliter præfici ouili Christi poterit, nisi qui his malis profligandis totis viribus, nocte dieq; voce, exemplo, & precibus laborat.

Incumbit profectò bono pastori, non solum ut oves aggreget, sed etiam ut lupos abigat. Quid enim profuerit Euangelij vocem interdum proferre, si ad manifestas Sathanæ imposturas conuiueat pastor.

Sed vnde pastori tanta alacritas, ut huic tam difficili & periculosa se committat functioni? Vnde tam serium pascendi oves Christi studium? Profectò qui curam ouium Christi in se recipit, nō impulsus vera causa, quæ sola constantem, laboriosum, & alacrem insubeundis tot pro ouibus Christi molestijs reddere potest, non solum deficiet pertæsus molestiæ, verum etiam cura ouium abiecta se ipse potius curabit quàm oves: quemadmodum multi qui de pasto-

pastorum titulo gloriantur, hodiè faciunt.

Quænam ergo est sola illa causa, quæ hanc diligentiam pastori parit? Amor principis pastoris nostri Domini Iesu Christi, qui dedit semetipsum pro ouibus suis. Hic enim, ut est Ioannis 21. Petro dicit: Amas me. Et respondet: Amo te. Eiq; refertur: Pasce agnos meos. Et hoc iterum, & hoc tertio: significans neminem aptum esse ad pascendas oues Christi, nisi qui Christi amore ducatur. Hinc Augustinus: Sit amoris officium, pascere Dominicum gregem, si fuit timoris indicium negare pastorem. Qui hoc animo pascunt oues Christi, ut suas velint esse, non Christi, se conuincuntur amare, non Christum; vel gloriandi, vel nominandi, vel acquirendi cupiditate, non obœdiendi & subueniendi, & Deo placendi charitate. Contra hos ergo vigilat toties inculcata ista vox Christi, quos Apostolus gemit sua quærere, non quæ Iesu Christi. Nam quid est aliud, diligis me, pasce oues meas, quàm si diceretur: si me diligis, non te pascere cogita, sed oues meas, & sicut meas pasce, non sicut tuas: gloriam meam in eis quære, non tuam, dominium meum, non tuum: lucra mea, non tua, ne sis in eorum societate, qui pertinent ad tempora periculosa, seipsos amantes. Et paulò post: Non ergo nos, sed ipsum amemus, & in

in pasc
ea quæ
F
verbis c
pastore
sa amor
nus ait,
scere ard
lem timo
Christo v
Ex
quo conu
mercenari
Conu
ut pastor
mercenari
Vterq; er
nus ait:
per eos v
non merc
mercenari
mercenari
Scribæ (inc
Mosi seden
ciunt facer
mercenari
enim cath
gò per ille
docere, no

in pascendis ouibus eius, ea quæ sunt eius, non ea quæ sunt nostra quæramus.

Habes ex Christi dictis, & ex Augustini verbis quæ causa impellere sola potest & debet pastorem, ut rectè faciat officium. Hæc causa amor Christi est: hic amor, ut idem Augustinus ait, in tam magnum debet spirituales crescere ardorem, ut vincat etiam mortis naturalem timorem, quo mori volumus, & quo cum Christo viuere volumus.

Ex his etiam pulchrè licet colligere, in quo conueniant, & in quo discrepent pastor & mercenarius.

Conueniunt primùm in vocatione. Nam ut pastor legitimam vocationem habet: ita & mercenarius. Deinde conueniunt in doctrina. Vterq; enim verbum Dei docet. Et Augustinus ait: Mercenarij Christum prædicant, & per eos vox Christi auditur, & sequuntur oues non mercenarium, sed vocem pastoris per mercenarium. Audite (inquit Augustinus) mercenarios ab ipso Domino demonstratos. Scribæ (inquit) & Pharisei, super cathedram Moysi sedent, quæ dicunt facite, quæ autem faciunt facere nolite. Quid aliud dixit nisi per mercenarios vocem pastoris audite? Sedendo enim cathedram Moysi, legem Dei docent, ergo per illos Deus docet: sua verò illi si velint docere, nolite audire, nolite facere. Certè enim tales

Pastor et Mercenarius

tales sua quærunt, non quæ Iesu Christi.

Proinde communia hæc duo habent pastor & mercenarius, vocationem & doctrinam.

Differ. 2. in causa.

In quo ergò differunt pastor & mercenarius? In quatuor sunt dissimiles. In causa, in studio, in vita, in periculo.

IN CAUSA. Pastor enim amore ardenti Christi & gloriæ regni ipsius, impellitur ad pastoratus officium, & perpetuò eo amore ardet, nihil magis habens in votis, quam vt principi pastori gratificetur. Mercenarius verò interdum fortè amore Christi tangitur, sed tepido admodum, magis autem alijs mouetur emolumentis.

2. in studio.

IN STUDIO. Pastoris cura tota hûc incumbit, vt Christo quærat oues, vt Christo quærat gloriam, vt Christo quærat lucra. Mercenarius verò sibi quærît oues, etsi voce Christi, sed oues tamen ipsum non sequuntur, sed pastorem Christum sibi quærît gloriam, sibi quærît lucrum.

3. in vita.

IN VITA, Pastoris vita est doctrinæ exemplar. Pastor dicit: Imitatores mei estote, sicut ego Iesu Christi. Etsi autem nemo est tam iustus, quin septies in die cadat: tamen ἀνέγκλιτος esse oportet pastorem, vt illi nullum crimen obijcere possis. Format igitur semper mores suos ad regulam verbi, vt non tantum voce doceat, sed etiam vita & moribus. Sic

Sic sancti Patres fecerunt: sic hodiè faciunt, qui verè DEVM timent. Sunt humiles, sunt iusti, sunt modesti, sunt temperantes, sunt hospitales, sunt mansueti, sunt graues, benè præsunt familiæ, sunt liberales, & alijs ornatè sunt virtutibus, quas Paulus scribens Timotheo, requirit in Episcopo seu pastore.

Contra verò mercenarius dicit: facite sicut doceo, nolite facere sicut ego facio. Noui quendam insulsum hominem, qui istam vocem sæpè suis inculcauit auditoribus.

Mercenarij vt plurimum sunt elati, semper auari, turpi lucro dediti, intemperantes, superbiam animi luxu vestium produnt, & multis alijs laborant vicijs. Quare doctrinam eorum audiamus, ac vitam fugiamus. Cælum ædificant voce, vita infernum.

IN PERICULO. Pastor opponit se lupis, vigilat & obseruat, ne fures veniant, & furentur. At mercenarius viso lupo fugit, quia mercenarius, & oues ad ipsum non pertinent.

Verum hîc non immeritò aliquis obijciat, An non Christus interdum fugit? An non mandauit discipulis suis: Cùm persecuti vos fuerint in vna ciuitate, in aliam fugite? An non Paulus ipse fugit, demissus in corbe per murrum?

Iam cùm certum sit nec Christum mercenarium fuisse, nec Apostolos reliquos, necesse est

periculo

est vt non de quauis fuga intelligendum sit, quod Dominus de fuga dicit.

Fuga & duplex. Sciendum itaq; est, quòd sit fuga corporis, & fuga animi. Illa interdum licita est, hæc nunquam.

Fuga officii. Sed quænam animi est fuga? Cùm aliquis ab officio præstando fugit. Et hæc fuga quadruplex est, iuxta quadruplicem inuasionem lupi, in ouile Christi. Nam quicunq; verbi minister, vlla de causa se non opponit sophisticæ, tyrannidi, flagitijs, hypocriti: is mercenarius est, & non pastor.

Pastor enim verus primùm opponit se sophisticæ, defendendo veram doctrinam, & reprehendendo, confutandoq; falsam. Sed mercenarius ad hanc lupi inuasionem timet, non audet defendere veram doctrinam, ne aliquid de terrenis commodis amittat. Quare vel conuiuet ad falsam doctrinam, vel saltem vt deberet non reprehendit. Quod cum facit, fugere dicitur, non quidem corpore, sed animo, quia officium deserit.

SECUNDO, Bonus pastor opponit se tyrannidi, cùm voce, tùm precibus. Mercenarius verò tyrannis adulatur, & vitia virtutis larua induit, quo nihil vilitius est.

TER TIO, Bonus pastor opponit se flagitijs grassantibus, accusando & excommunicando eos, qui suis moribus peruersis Ecclesiam

am offenderunt. Contra mercenarius de sua sollicitus quiete, ne hiscere quidem audet. Quam quidem ratione fugere dicitur.

Sed fortè aliquis talis mercenarius obijci-
et: Ecce hîc sum, non fugi, respondet Augusti-
nus: Quia tacuisti, fugisti: tacuisti, quia timuisti.

Q V A R T O, Bonus pastor opponit se hy-
pocrisi, quando larvam externam hypocrita-
rum detrahit, & ostendit quàm turpis sit facies
peccati. Sed mercenarius lupum hunc fugit,
non audet offendere quenquam, ne in homi-
num odia incurrat.

De fuga corporis dico, quòd interdum sit *Fuga corporis
est licita &
gloriosa.*
licita, vt antea præcepto Christi & exemplis
ostensum est: Idq; tùm demùm, si tyranni per-
sequuntur aliquem, & insidiantur vitæ eius.
Hic licet pio pastori fugere manus tyranni, vt
postea, si id fieri potest, reuersus, magis prosit
vuius, quàm mortuus prodesse potuisset.

Illicita autem fuga, est quæ vel priuatæ *Aliquando
illicita.*
securitatis causa suscipitur, vel difficultatis tæ-
dio attentatur, vel maioris lquæstus gratia arri-
pitur. Breuiter: Omnis fuga, quæ non habet
causas, quas licitæ fugæ esse diximus, censenda
est.

Hinc etiam colligi potest, quantum ab his
differant fures & latrones. Hi nec vocati sunt, *Fures et lat-
rones quoniam
differant a
his.*
nec doctrinam afferunt. Fures partem doctri-
næ occultant, latrones additionibus suis truci-
dant.

K

dant.

dant. Verum si breuius discrimen memoriae causa placet, hoc accipe. Pastor quaerit quae Christi sunt: mercenarius quaerit quae sua sunt. Fur occultat. Latro spoliat. Lupus rapit ac dilaniat.

Postquam autem ostendimus (propositis quibusdam titulis, quibus insigniuntur pastores in Scripturis sanctis) quam augustum sit pastoris officium, & in qua re sit in genere positum, ac inde descendimus ad monstranda discrimina inter pastorem, & mercenarium, ut hoc pacto per collationem inquireremus, quantum pastoris curam esse pro ouibus Christi oporteat, qui summi pastoris ardenti more inflammatus, salutem ouium sibi commissarium, ac gloriam Dei & non suam quaerit: accedamus ad id quod proposuimus, ac pascendi oues Christi artem & eius partes expendamus.

Quod autem id fieri possit commodius, **PRIMUM** in genere ostendam quid sit pascere.

DEINDE, partes quibus continetur pascendi ratio enumerabo, atque easdem explicabo.

2. id est pascere? Quid ergo est pascere? Hoc nihil aliud est, quam homines verbo vitae alere & reficere. Sicut enim terrenus pastor suas oues pabulo pascit terreno, ac fomentis reficit: ita spiritualis pastor suas oues pabulo pascit spirituali, ac fomentis spiritualibus fouet.

Verum

Verum quia hoc in genere dictum obscurius est, explicatius per partes idem declarabo, ut res euoluta & explicata melius iudicari possit.

Partes itaq, quibus continetur pascendi ratio, sunt hæ.

*Pastoris officij
pascendi 7.*

- | | | |
|-------|-----------------------------------|----|
| I. | Docere gregem Christi verbum Dei. | 1. |
| II. | Ministrare illi Sacramenta. | 2. |
| III. | Regere ipsum disciplina. | 3. |
| IIII. | Precari pro grege. | 4. |
| V. | Curam pauperum habere. | 5. |
| VI. | Formam gregis esse | 6. |

Hæ partes, ut officium pastoris indicant: ita illustre discrimen constituunt inter ministros Euangelij, & gubernatores rerum publicarum, ut non sit opus multis, ad explicandum discrimen, inter politicum magistratum, & pastorem Ecclesiæ. Quod tamen discrimen cum de potestate pastoris dicendum erit, clarius cernetur.

DE DOCTRINA:

IN hac prima pascendi parte, quæ continet pabulum præcipuum ouium Christi, quod est ipsissimum verbum Dei, quædam veluti elementa (ex quibus docendi ratio componitur) proponam, & declarabo.

K 2

Sunt

Sunt autem hæc :

PRIMUM. Quænam sit doctrina, qua pastor veluti spiritali pabulo oves CHRISTI pascet.

SECUNDUM. Qua perspicuitate & simplicitate eadem doctrina sit proponenda, ne frustra in aërem abeat.

TERTIUM. Quæ sit recta doctrinæ sectio, siue orthotomia verbi.

QUARTUM. Quid sit fugiendum pastori inter docendum.

QUINTUM. Qualisnam improbatio falsæ doctrinæ in pastore requiratur.

Quænam est ergò doctrina, qua veluti pabulo quodam spiritali pastor suas oves pascet? Hæc doctrina est in libris Moïsis, & in Prophetarum, Apostolorum & Euangelistarum scriptis comprehensa. Hæc enim sola habet testimonium infallibile, quod sit à Deo profecta. Quicquid est præter hanc doctrinam, non est ut necessarium proponendum Ecclesiæ DEI. Quicquid pugnat cum hac doctrina, ipsissimum virus Diaboli est, qui primos nostros parentes in paradyso decepit.

Huius doctrinæ Prophetis & Apostolicis scriptis comprehensæ, & certam demonstrationem de eius veritate, & solidum *συστήμα*, seu corpus, tenere pastorem oportet. Illa faciet, ut pastor non fluctuet, opinionibus Mahome-

hometicis, Iudaicis & Epicureis. Hoc efficiet, ut doctrinam certis capitibus comprehensam teneat, ac quoties opus est, ad ista capita confugiat.

Demonstratio doctrinae Ecclesiae, nititur ^{deus affert doctrinam Ecclesiae.} duobus certissimis principiis, quorum prius externum, posterius internum appellare soleo.

Externi testimonij partes sex sunt :

PRIMA. Patefactio diuina multiplex in qua voce Dei haec doctrina saepe est proposita ac repetita.

SECUNDA. Operatio miraculorum, hoc est, operum, quorum autor creatura esse non potuit, sed solus DEVS. Haec miracula addita sunt doctrinae velut authentica quaedam sigilla, quorum $\kappa\omicron\upsilon\epsilon\iota\varsigma\ \phi\acute{\alpha}\nu\epsilon\iota\varsigma$ fuit missio Spiritus sancti in die Pentecostes, qua veritas Euangelij Christi confirmata est.

Hic utile fuerit pastori omnia miracula, quae in veteri & in nouo Testamento edita sunt, memoria tenere, ut ea rectius applicare ad usum, quoties res postulare videtur, possit.

TERTIA. Euentus Prophetiarum. Deus quos vocauit immediatè ad ministerium in veteri Testamento, ornauit dono edendi miracula, ut ea essent testimonium diuinæ vocationis. Quando enim euentus respondebat Prophetijs, conuincebantur homines de veritate DEI.

K 3

Daniel

Daniel doctrinam pœnitentiæ & remissionis peccatorum proposuit Chaldæis, quam **DEVS** præsentibus auditoribus confirmavit liberatione Prophetæ miraculosâ à specu Leonum: & eandem posteritati commendavit euentu Prophetiarum de quatuor Monarchijs.

Sic prophetia Iacob de sceptro Iudæ certificat nos de tempore, quo nasci debuit Messias.

Euentus p[ro]pheti
ps. Diligenter itaq; pastor cum Prophetijs conferat euentus, Quos cum videt respondere Prophetijs, certum testimonium habet-quod verbum, quod huiusmodi Prophetæ docuerunt, habeat ipsum **DEVM** autorem.

QVARTA. Consensus omnium doctorum Ecclesiæ, qui habent diuinitus testimonium suæ vocationis. Quales sunt, Moses, Prophetæ, Helias, Helizeus, Esaias, Ieremias, &c. Christus qui à prima promissione, elapsis ferè 4000. annis venit, & Prophetias compleuit: & quæ Moses veluti breuibus aphorismis complexus est, quæq; Prophetæ longioribus concionibus explicârunt, ipse clariùs docuit, & Apostolis suis, quorum vocatio multis miraculis est confirmata, tradidit. Hic consensus manifestè conuincit animos nostros de veritate doctrinæ, quæ sonat in nostris Ecclesijs.

QVINTA. Duratio Ecclesiæ, in tot & tantis furoribus Diabolorum & hominum.

Hûc

Hûc Christi dictum accommoda: Portæ inferorum non præualebunt aduersus eam. Hanc promissionem cum euentus comprobet, satis conuincimur de doctrinæ certitudine.

S E X T A. Cruenta victoria plurimorum martyrum, qui hanc doctrinam suo confirmauerunt sanguine, atq; ideò dicti sunt martyres, hoc est, testes.

Internum principium, per quod demonstratur veritas doctrinæ religionis nostræ, est arrhabo spiritus in cordibus piorum, qui obsignat doctrinam.

Hæc demonstratio est doctrinæ Ecclesiæ, quæ sæpè & ferio cogitanda pastori est, atq; alijs commendanda sæpius.

Porro huius doctrinæ *σύνμα* quoddam, & veluti corpus, tenere pastorem oportet, quod huic capiti subijci debet.

Quemadmodum propter peccatum homines (qui ad imaginem Dei creati fuerunt, à Deo damnati, à reatu per fidem Christi liberantur: ita liberati Deum vero cultu in hac vita, in societate Ecclesiæ, colere debent, quò tandem resuscitatis corporibus immortalitate donentur.

Ad hoc caput totum doctrinæ corpus referendum est, & aptè distribuenda sunt membra huius corporis, & singula suis locis collocanda.

Deinde singulorum membrorum veluti anatomia quædam instituenda est, quæ constabit methodo didascalica, nunc simplici, nunc composita. Singulorum definitiones, diuisiones, descriptiones, exemplaq; teneantur, vnâ cum aliquot illustribus de singulis membris scripturæ pronunciatis.

Hoc corpus cum pastor sibi parauit, facile erit, cum vsus postulat, inde docendi materiam petere.

Huius corporis membra, quotidiana lectione fouenda, & veluti alenda sunt: quò crescant in vtilem magnitudinem. Et quæcunq; faciunt ad complementum huius corporis, suis locis sunt signanda, vt inde peti possint, quoties res postulauerit.

Postquam pastor hoc doctrinæ corpus instructum habet, proximo loco, qua perspicuitate & simplicitate sit instituendus populus, obseruandum est. Hic si pastor sibi gloriam Dei, & ædificationem Ecclesiæ proposuerit, vtili perspicuitati & simplicitati operam dabit. At qui contra faciunt, & suam quærunt gloriam, pompam orationis & *εὐμορφίας λόγων* sectantes, conantur *κοινὰ καὶ πάντας* dicere, quò apud imperitos in maiori sint precio. Vt igitur pastor solius DEI gloriam quærat, & ædificationem Ecclesiæ spectet, omninò necessarium est.

Perspicuitatis hæc præcepta sint:

Primum,

2^a p. spic.
facto pastor
Ecclesiæ in
tit. p. 2.

κοινὰ καὶ πάντας

Primum, summam rerum, de quibus dicitur est, pastor eruditè comprehensam, auditoribus proponat.

Deindè, hanc summam partiatur in partes.

Tùm, partium particulas apud se disponat, ne memoria excidant.

Singula confirmet dictis & exemplis, similibus & contrarijs.

Posthæc colligat rursus summam, ostendat doctrinæ vsum ac commendet.

Simplicitas requirit, vt rem sæpiùs eandem inculcet, eadem ijsdem verbis semper tradat, quantum quidem id fieri potest: ac hoc potissimum requiro in doctrina Catechismi, quæ debet esse simplicissima.

In fine concionis repetat præcipua concionis membra, ac ea accommodet auditoribus, exhortando, consolando, accusando, monendo, prout intellexerit opus esse. Etsi autem hæc doctrinæ accommodatio utilis est in tota concione: tamen eius proprius locus in peroratione est.

Verùm quoniam frustrà docetur voce hominis, nisi Spiritus Dei corda audientium mouet, Pastoris est ante concionem, non solum populum hortari ad preces, verùm etiam se prosternere coram Deo, & petere vt sibi adesse velit, & suam vocem, ac verba moderari, in

K 5

audi-

auditorum salutem. Poterit autem hac formula uti.

FORMVLA PRECAN-
DI QVAPASTORVTIPO-
TEST CONCIONATVRVS.

*Ostendit compo-
nitionem.* **O** DOMINE IESV CHRISTE, qui per-
ditas tuas oves precioso sanguine rede-
misti, pascere quæso, oves tuas pabulo verbi tui,
ac refice fontibus salutaris doctrinæ tuæ, da
mihi intellectum verbi tui, pone verba tua in
ore meo, & adde illis virtutem, ut eis pascan-
tur oves tuæ. Da soli nomini tuo gloriam,
A M E N.

Iam quæ sit doctrinæ recta sectio, seu or-
thotomia verbi, breuiter explicandum est.

*De solo qua-
dram verbi dei.* Paulus scribens Timotheo, vult Episco-
pum *ὁρθοτομεῖν*, hoc est, rectè secare verbum ve-
ritatis. Nam quemadmodum medicus, non
cuius morbo adhibet quodlibet remedium, sed
pro ratione morbi remedium temperat & ac-
commodat: sic singularis prudentia acquiri-
tur, in verbi Dei accommodatione. Nam alij
alijs vicijs laborant, & non eisdem malis om-
nes premuntur. Si hîc promiscuè omnia fiant,
quid boni sperandum?

Christus legisperito non sentienti pecca-
tum suum, legem proponit, dicens: Si vis ad
vitam

vitam ingredi, serua mandata. Alij dicit: Si vis perfectus esse, vade & vende quæ possides, & da pauperibus, &c. Phariseis & Scribis dicit: Væ vobis Scribæ, Pharisei, Hypocritæ, &c. Sentientibus peccati sui molem dicit: Hûc omnes qui laboratis & onerati estis.

Hanc prudentiam in secando verbo veritatis, qui non adhibet, operam ludit. Aliter enim agendum est cum securo hypocrita, aliter cum afflicto peccatore, aliter cum flagitiosis, aliter cum honestè viuentibus, aliter cum ignaris Euangelij, aliter cum doctis Euangelium, aliter cum desperantibus, aliter cum firmis, &c. De hac ergò orthotomia, iam præcepta quædam subiiciemus.

Omnis cum quo pastor aget, aut est docendus aut mouendus.

Si est docendus, aut est sapiens, & doctus, iuxta mundum: aut simplex, & rudis. Vterq; aut tangitur sensu peccati, aut tumet sua iustitia.

Si mouendus est, aut est doctrinæ hostis, aut doctrinam publicè proficitur. Si doctrinam proficitur, aut alacrior est in cursu, aut segnior, aut est hypocrita, aut malè viuit, aut premitur aliqua cura, idq; vel animi, vel corporis.

Pro hac auditorum diuersitate, doctrina accommodata est: & facile est videre, quòd

*Omnis cum
quo agat Pas-
tor docendus
aut mouendus*

quòd si quis apud hos eadem docendi forma
vteretur, perinde faceret, ac tutor, qui ad vnam
formam pueris & senibus, magnis & paruis,
calceos pararet.

Quomodo ergò singulis, horum generum
doctrina adhibenda sit, conabor ostendere.

*Quomodo Pastor
docet* Si itaq; docendus à pastore est aliquis, spe-
ctandum est, vt dixi, an sit sapiens & doctus
iuxta mundum: qui si fuerit docilis, & sua spon-
te docenti credit, expositione est informandus
in ijs, in quibus doceri cupit. Sic Nicodemus
qui ad Christum noctu venit, cupiens de salute
sua doceri, expositione potissimum instruitur
à Domino, vt habetur Iohannis 3.

Non dociles At si docilis non fuerit, hoc est, si se do-
ctrinae opponit, occupante animum contraria
sententia, argumentatione est conuincendus.

Hac forma docendi vsus est Paulus, do-
cens Romanos & Galatas, Homines sola iusti-
ficari fide.

*Quomodo
simplices et
cautos docen-
di?* At si docendus est simplex & rudis, me-
lius exemplis trahitur, & parabolis allicitur,
quam Syllogismis impellitur.

Christus docturus rudem populum, quæ
sit iusticia hominis coram Deo, & qualenam
sit iustificati officium ergà proximum, propo-
nit parabolam de quodam qui debuit Domino
suo decem millia talentorum, cui cum non ha-
beret quod solueret, petenti tota summa est
condo-

condonata. Sed postea cum idem durus & crudelis sit repertus aduersus conseruum, reuocatur ad pœnam.

Hæc parabola simplicissime docet, quod iusticia Christiana sit remissio peccatorum, & acceptatio diuina gratuita. Quæ remissio tum demum impetratur, quando peccator proster nit se coram Deo, & petit ex fide condonationem. Deinde crudelitas in conseruum docet, quod iustificatus debeat diligere proximum, studere innocentia, ne ingratus reuocetur ad pœnam.

Si docendus tangitur sensu peccati, & luctatur cum desperatione, exemplo Christi mox informandus est de gratia, & Scripturis & exemplis ostendendum, quod omnes fugentes ad Christum in eo vno habeant remissionem peccatorum. Et potest pastor huiusmodi vti formula.

Mi frater, sentis onus peccati, quod sane graue est. At Christus venit, & tuum peccatum suis humeris imposuit, &c. Sed de hac re alio loco.

Si tumet quis iusticia legis, non est Euangelium ei proponendum: priusquam fulmine legis fuerit prostratus. Qui enim aut pœnitenti proponit minas, aut tumentis fiducia sui, proponit iusticiam Euangelij, perinde facit, ac si quis medicinam paratam oculis, apponeret pedibus

dibus: & contra eam, quæ esset parata pedibus, affricaret oculis. Qui sanè meritò ab omnibus deridendus esset.

Haftenus docendi via. Sequitur de mouendi modis.

*Quo modo mo-
uendi, Hostes
doctrinae?*

Hostes doctrinae terrendi sunt comminationibus, exemplis & collationibus.

1. COMINATIONIBVS agit Christus, dum Pharisaïs vāh, vāh, Matthæi 23. toties inculcauit.

2. EXEMPLIS Lucae 13. vbi impœnitentibus proponit exemplum eorum, super quos cecidit turris. Nisi, inquit, pœnitentiam egeritis, omnes similiter peribitis.

3. COLLATIONIBVS contrariorum exemplorum, vt Christus cum proponit exempla Epulonis & Lazari, &c.

*Quo modo mouendi
doctrina p-
fitebitur et
in corpore?*

Qui doctrinam profitetur, & est in cursu alacrior, hortatione est incitandus, vt magis magisq; abundet, & in cursu non deficiat. Ostendat pastor coronam propositam esse legitimè currenti. Multa huius sancti cursus exempla recitet. Præterea moneat, vt diligenter sibi in cursu caueant à tribus hostibus, Diabolo, mundo, propria carne.

*Pig hostij in corpore
in corpore hostes
in corpore hostes.*

1. DIABOLVS insidiatur currentibus varijs modis, sed repellendus est gladio spiritus, quod est verbum Dei.

2. MVNDOVS insidiatur sua vanitate, sed hæc

hæc ad
evanesce
CA
nititur, si
Bre
rentes in
nomen D
saluabitur
Si in
citandus e
corporis,
ne currenti
sibili & per
immarcescit
nus exempli
qui in studi
fatio, aut
differat.
Quar
dus est an
que in prin
tudine hant
Hypoc
da est ei exte
denda inter
niam consec
excitanda e
tribunal D
Christi.

hæc ad meditationem coelestium bonorum
evanescet.

CARO varijs illecebris cursum impedire
nititur, sed spiritus imperio est subigendus. 3.

Breuitè, aduersus omnes hostes, qui cur-
rentes impedire volunt, fortissima turris est
nomen Domini, ad quam confugiet iustus &
saluabitur.

Si in cursu quis segnior fuerit, stimulis ex-
citandus est, exemplis vrgendus, turpitudine
corporis, & segnitiei commouendus, collatio-
ne currentium pro assequendo brabio marces-
sibili & perituro, & currentium pro corona
immarcescibili. In hunc vsum proposuit Domi-
nus exemplum dispensatoris, & Paulus eorum
qui in stadio currunt. Ostendendum quod ces-
satio, aut segnities non multum à defectione
differat.

Quare quotidie magis magisque excitan-
dus est animus ad cursum. Sic futurum est, ut
quæ in principio fuerunt difficiliora, consue-
tudine fiant facilia.

Hypocrita cum mouendus est, detrahen-
da est ei externa larua, qua se ostentat, & osten-
dendæ internæ sordes quibus foetet. Et quo-
niam conscientia hypocritæ est veluti sopita,
excitanda est flabello legis, & prouocanda ad
tribunal DEI exemplo Ioannis Baptistæ &
Christi.

Sunt

Sunt autem hypocritæ durius tractandi, propterea quod hoc hominum genus securius sibi blanditur, ac se quodammodo titillat propriæ iusticiæ opinione.

ostendit de his qui sunt hypocritæ quod non habent legem
Et quia maximè hærent hypocritæ in operibus externis, ostendendum est ijs quam procul absint, cum à legis iusticia, tum à Christi. Illam habere non possunt, quia spiritualis est lex, illi autem carnales. Hac exciderunt, quia nemo iusticiæ CHRISTI particeps esse potest, qui suam tanquam reiectamentum non habuerit, quemadmodum diuus Paulus suo exemplo docet, Philip. 3.

2. 2. modo tractantur: Qui malè & flagitiosè viuunt, ut qui perpetuis heluarionibus se dederunt, aut auarè rem agunt, aut libidinose viuunt, aliter tractandi sunt.

Nam qui in horum numero est, vocandus est ad examen legis Dei, & ostendendum quam apertè se opponat Deo.

Deinde comminationes legis sunt proponendæ.

Tertiò, ostendenda sunt exempla iræ Dei aduersus peccatores, quorum multi abrepti sunt in perpetuas pœnas, ut Cain, Saul, Achitophel, & infiniti alij.

Quartò, docendus est talis quod frustra gloriatur de Christo, qui vitam in melius non commutat.

Quintò,

Quintò quod seipsum priuet benedictione Ecclesiæ & precibus. 5.

Sextò, quòd vt proditor castrorum Christi, militet Sathanæ. 6.

Septimò, quòd quò diutiùs differat penitentiam, eò sit difficilior. 7.

Octauò, quòd subitò exardescat ira Dei, & quòd nesciat homo, quo momento & quo medio sit hinc tollendus, quòd peccatum vnum mox aliud suo pondere secum trahat. 8.

Hæc sunt diligenter inculcanda flagitiosè viuentibus, idq; animosè & prudenter, exemplo Nathan Prophetæ, Helix, Baptistæ, Christi.

Qui putant satis esse vitia in genere arguere, vehementer errant, & officium non rectiùs faciunt, quàm medicus qui de morbis quidem multa facit verba, sed læsis membris medicinam non adhibet.

Et quia in hac re non parùm pleriq; ministri verbi peccant, excitandi sunt comminationibus Dei, qui minatur se sanguinem eorum, qui pereunt requisiturum à pastoribus, qui peccantes non arguerint. 9.

Qui premuntur aliqua cruce, aliter tractandi sunt: idq; pro crucis diuersitate & eiusdem causis. 10.

Vt autem hîc medicina rectè applicari possit, obseruanda sunt tria:

PRIMUM, quis sit ille, qui cruce premitur. 11.

L

SECUN-

SECUNDVM, quid sit quod premit, seu quale crucis genus.

TERTIVM, præsenti dolori ritè medicinam accommodare.

Qui premitur cruce aliqua, aut pius est, aut impius.

*Pii qui in cruce
tignendi sunt
cruce.* Si pius est, statim indicata communi filiorum Dei sorte consolationibus erigendus, confortandus ac fouendus est.

Ac primùm ostēdere oportet, malum istud non casu, sed voluntate Dei contigisse, iuxta illud: Non est malum in ciuitate, quod non operatur Dominus. Loquitur autem Propheeta non de malo culpæ, sed de malo pœnæ.

Deinde, ostendat pastor, quòd Deus promiserit se affuturum ijs, qui sub cruce ad se clamant, iuxta illud: Inuoca me in die afflictionis, & ego exaudiam te.

Quare pastor hortabitur pium, & ad seriam inuocationem, vt Deus crucem vel tollat, vel leuet aliquo modo & mitiget, & ad constantiam & patientiam, ne crucis acerbitate fractus abijciat confessionem.

Hūc addat sanctorum exempla, quorum nullus ad huc fuit in mundo, qui morsum serpentis non sensit.

Postremò adiungat commonefactionem de causis crucis, & conferat exemplo Pauli, præ-

præsentes ærumnas aut futuram gloriam, quæ reuelabitur ergà filios Dei.

Huiusmodi consolationibus erigatur pius, qui cum aliqua cruce luctatur. Et hoc sit generale & catholicum remedium.

Si impius fuerit qui affligitur, maiorem curam, ut in grauiori morbo, adhibere necesse est. Nam qui statim impium hominem conatur erigere consolatione, perinde facit ac is qui foris obducit vulnus, & intus relinquit saniem, unde maius periculum imminet.

Quare pastor bonus, ubi in impium & impenitentem, qui affligitur aliquo malo incidit: omnium primum fulmine legis huiusmodi hominem dejiciat, nec prius cesset, quam is, cum quo agit, fassus fuerit sine hypocrisi suam impietatem, & iram Dei in se concitatum agnouerit, clamaueritq; cum Manasse, se multis modis reum esse. Atq; ita producenda est foras peccatis sanies, priusquam foris medicina adhibetur.

Secundum, quod in consolationibus spectandum dixi, est crucis genus. Nisi enim hoc diligenter expendatur, non poterit medicina peritè satis adhiberi.

Malum ergò quod premit, aut sua culpa quis sibi accersuit, aut aliena culpa illatum est,

Si quis autem sua culpa sibi malum accersuit uti infamiam, paupertatem, morbum, exili-

exilium, mortem, &c. non statim medicina est adhibenda, nisi fortè reus seriò peccatorum sensu tangatur. Tùm enim iste peccati sensus magis, si videbitur opus esse, est excitandus, ac confirmandus verbo DEI. Deinde ad consolationes descendendum est, hoc modo. Ostendat pastor in huiusmodi cruce iudicium & misericordiam Dei declarari.

Iudicium est, quòd Deus punit peccatum, quòd omninò rectum & iustum esse fatebitur reus. Ideò dicit Christus: Noli peccare, ne quid deterius tibi accidat.

Misericordiæ testimonium est, quòd Deus castigat errantem. Nam ideò hoc fit, vt conuertatur, iuxta illud 1. Corinth. 11. Cùm iudicamur, à Domino corripimur, ne cum hoc mundo damnemur.

Hoc iacto fundamento in animo eius, qui sua culpa crucem sibi accersuit, adhibendi sunt loci consolationum, de quibus modò memini.

At si vel hypocrita fuerit qui cruce premittitur, aut alioqui impius, tantisper maledictione legis & declaratione iræ Dei est dejiciendus, donec & peccati sui atrocitatem agnouerit, & illud sibi ex animo dolere confessus fuerit. Quod si eò lege Dei & minis iræ diuinæ adigi nequit, non est margarita projicienda ante porcos neq; sanctum dandum canibus.

Verùm si perductus fuerit reus in sui cognitionem

gnitionem, & vero doloris sensu ob peccatum
admissum tangatur: tùm demùm arte medici-
na adhibenda est, & exponenda sunt ordine
hæc tria: Lapsus, pœna, & finis vtriusq;.

Lapsus ex eo primùm prouenisse docen-
dus est, quòd timorem Dei abiecerit. Hoc
ostendi potest ex primo ad Romanos capi-
te. Deinde docendus est, quòd abiecto timore
Dei, facilius in ipsum tanquam in inermem,
insidiæ Diaboli, caro, & improbitas mundi
præualere potuerint.

His causis lapsus indicatis & confirmatis
pœnam ostendere oportet, nequaquam pa-
rem esse peccato commisso, sed esse tantum te-
stimonium duarum diuersissimarum rerum, ni-
mirùm iræ Dei, & eiusdem paterni fauoris &
clementiæ. Iræ quidem, si non egerit reus pœ-
nitentiam, & non sciuerit se corrigi ferula Dei.
Paternali verò fauoris, si correptus emendetur
plaga, & ad pœnitentiæ portum confugerit.

Finis postremo loco excutiendus est, cùm
lapsus, tùm pœnæ: lapsus quidem, vt posthac
homo sit cautior: pœnæ verò, quòd singulari
consilio Dei (cum interim multis impijs & sce-
leratis parcitur) sit castigatus, non vt pereat,
sed habeat pacatum testimonium paterni fa-
uoris ergà se.

Verùm quia hoc difficiliùs persuadetur
laboranti sub cruce, testimonia & exempla ex

verbo Dei clara & perspicua, producenda sunt.

I. Corinth. 11. dicit Paulus: Nos rebus aduersis à Domino corripì, ne cum hoc mundo damnemur. Ecce finis crucis hìc statuitur, ne damnemur: si scilicet admoniti cruce, egerimus poenitentiam.

Proverb. 3. Fili mi (inquit Salomon) ne respuas correptionem Domini, neq; afficiaris tædio cùm ab eo argueris. Quem enim diligit Deus corripit, & quem castigat, velut Pater filium amplectitur.

Hebræ. 12. dicuntur spurij esse non filij, qui sunt extra disciplinam.

Huiusmodi plura testimonia coaceruabit pastor, quibus persuadebit reo, quæ sit Dei paterna voluntas in cruce.

Exempla sunt complura: vt Manassis, sororis Moïsis, Dauidis, regis Vsiæ, populi in captiuitatem abducti, & plurimorum aliorum, qui ob certa peccata puniti sunt, & postea per poenitentiam sunt reuersi. Insigne præ alijs latronis exemplum est, qui præclarum poenitentiae & fidei exemplum edidit. Hic non ideo putauit se abiectum, quia morte ista infami, erat ob scelera sua afficiendus: sed spe in Christum concepta, patienter commeritam poenam subiit.

Porro si aliena culpa illatum est malum, duo facienda sunt. Consolatio adhibenda est, sicuti

sicuti suprà præscriptum est. Et ostenden-
dum, hanc esse sortem filiorum Dei, vt iniurijs
Diaboli & mundi sint expositi.

Iam postremò sequitur distinctio eius quod
premit. Aut enim animam attingit solum,
saluo corpore: aut corpus.

Corpus affligunt morbi, carcer, exilium,
&c. Quibus accommodantur ea, quæ de con-
solationibus dicta sunt.

Animorum autem cruciatus, habent vari-
as causas: vt sunt, error, dubitatio, tentatio, de-
speratio, metus imminentis mortis, dolor ob
amissas res. His malis non succurritur eodem
pharmaci genere.

Errori medebitur pastor, si monstrata ve-
ritate erroris causas euerterit.

Errârunt Romani de iusticia. Hunc erro-
rem tollit Paulus, sublati erroris causis, &
monstrata veritate ex verbo Dei.

Errauit Nicodemus, sed Christus eum ab
errore liberauit, ostensa veritate & confutata
erronea Pharisei persuasione.

Dubitationi facilius occurritur. Nam du-
bitatio est cum in vtrumq; promiscuè se habet
animus. Hic vbi pastor ostenderit alterius par-
tis falsitatem, acquiescit qui dubitauit in altera.

Tentatio præcipuè oritur ex cogitatione
præteritorum peccatorum, & ex imaginatione
stoica de particularitate.

*Si tentatio oritur
ex cogitatione
peccatorum
facienda.*

Si tentatio oritur ex cogitatione præteritorum peccatorum, duo faciat parochus.

1. Primum instituat collationem peccati & misericordiæ Dei. Quantumvis magnum fuerit peccatum, tamen verum est, quod dicit Paulus: Peccatum exuperat gratia. Et illud Davidis: Misericordia Domini super omnia opera eius.

2. Deinde cumulet exempla misericordiæ Dei erga maximos peccatores: quales fuerunt Adam, Manasses, Latro, David: & dicat ista edita esse, vt sint testimonia misericordiæ Dei, quæ testantur quomodo Deus velit cum poenitentibus agere.

*Tentatio de
destitutione
peccatorum
generata.*

Si tentatio oritur ex imaginatione stoica de prædestinatione, ea superabitur, si pastor has sequentes regulas commendauerit ei, qui se tentari conqueritur.

*Verbum Dei
testimonium
fidele.*

PRIMA. Non ex ratione, sed ex solo verbo Dei iudicandum est de voluntate Dei. Dicitur enim ideò verbum, testimonium Domini fidele, quia certò testatur de voluntate Dei. Nunc autem hoc verbum dicit: Deum velle omnes homines saluos fieri, & nullos perire. Hoc igitur verbum omnibus imaginationibus stoicis opponatur. Habetur autem hoc verbum expresse, 1. Tim. 2. & 2. Pet. 3. & sæpè alibi.

SECUNDA. Promissio gratiæ est vniuersalis, vt habetur Matth. 11. Venite ad me omnes, qui laboratis & onerati estis. Ioan. 3.

Sic

Sic Deus
genitum
pereat,
Iusticia
omnes
mandatu
Ite in mu
gelium on
tizatus fue
derit, con

TEAT
apud Deum
Galat. 2. sed
se malacone
tam regulam
omnes impe
habita ratio

QVA
contradictio
duplex cor
rax est, om
ptum est: D
ti, & Deus
cipiendæ p
voluntatem
Deus vult a
consilium c
ter de euen
Dei consec

Sic Deus dilexit mundum, vt filium suum vni-
genitum daret, vt omnis qui credit in eum, non
pereat, sed habeat vitam æternam. Rom. 3.
Iusticia Dei per fidem IESV CHRISTI, in
omnes & super omnes qui credunt. Adhæc,
mandatum Christi Matthæi 28. vniuersale est:
Ite in mundum vniuersum, & prædicate Euan-
gelium omni Creaturæ. Qui crediderit & bap-
tizatus fuerit, saluus erit. Qui verò non credi-
derit, condemnabitur.

TERTIA. Non est personarum acceptio
apud Deum. Roman. 2. Actorum 10. Ephes. 6.
Galat. 2. sed causæ bonæ comprobatio, & cau-
sæ malæ condemnatio: idq; iuxta hanc immo-
tam regulam. Deus pœnitentes omnes recipit:
omnes impœnitentes rejicit, nulla personarum
habita ratione.

QVARTA. In Deo non sunt ponendæ
contradictoriæ voluntates. Nam ipse Deus
duplex cor damnat. Et Paulus inquit: Deus ve-
rax est, omnis homo mendax. Cùm ergò scri-
ptum est: Deus vult omnes homines saluos fie-
ri, & Deus non vult vllos perire, non sunt re-
cipiendæ propositiones quæ contradictoriam
voluntatem Deo tribuunt. Falsæ sunt ergò:
Deus vult aliquos saluos fieri, & non omnes, si
consilium creationis & donati filij respicis. Ali-
ter de euentu iudicandum est, & de voluntate
Dei consequente hominum facta.

L 5

QVIN-

QVINTA. Gratia superat peccatum, Roman. 5. Hac regula significatur & magnitudo misericordiæ, & præstantia sacrificij pro peccatis peracti. Vt enim concludit Deus omnes sub peccato, vt omnium misereatur: ita Christi victima sufficiens est ad omnia quantumuis enormia peccata expianda.

SEXTA. Vt in primo parente nostro Adam, totum humanum genus est lapsus, ita promissio facta Adamo ad totam eius posteritatem pertinet. 1. Cor. 15. Sicut in Adam omnes moriuntur: ita in Christo omnes viuificabuntur. Hoc dictum non tantum de resurrectione intelligendum est, verum etiam de salutari viuificatione in ijs, qui Christum amplectuntur. Vt igitur Adam promissione feminis se erexit: ita & nos porrectam nobis dexteram Dei, Dominum nostrum Iesum Christum, firma fide apprehendamus, quò eius vita & iusticia donati, promissam immortalitatis spem consequamur.

Hæc regulas pastor diligenter vrgebit, ac eas pluribus Scripturæ testimonijs, si opus videbitur, confirmabit.

Audiui de quadam muliere, quæ cum durius ageret cum suis, admonita est de iudicio Dei futuro, vt isto pacto ea reuocaretur à sæuitia. At illa, inquit, si sum prædestinata, saluabor quicquid fecero, & quicquid credidero. Si

*Historia de
muliere.*

Si non sum prædestinata, nec fides, nec opera mihi succurrent.

Hæc imaginatio pugnat cum verbo Dei, & est à Satana profecta. Quare monendi sunt homines, ut testimonio Dei credant, & non humani cerebri imaginationibus à veritate abducantur.

Grauiſſimus animi cruciatus est desperatio, cum qua qui luctatur, dolores inferni sentit. Hæc aut oritur ex imaginatione particularitatis, aut ex cogitatione indignitatis, propter crebros in peccatum lapsus. Hæc tolli nequit, nisi prius sublata causa.

Imaginatio particularitatis superabitur sex istis regulis, quas modò recitavi.

Cogitatio indignitatis, vincitur cogitatione promissorum diuinorum, meditatione præstantiæ victimæ peractæ pro peccato, recordatione Sanctorum, quorum quidam horrendis sceleribus contaminati, recepti sunt in gratiam. Et semper in conspectu sit dictum Pauli. Gratia exuperat peccatum. Item: Sanguis Iesu Christi purgat nos ab omni peccato.

Metus impendentis mortis, superatur duabus rebus: fiducia remissionis peccatorum, & fide resurrectionis mortuorum.

Pius igitur pastor cum agit cum morituris, sciat omnem consolationem ex istis duobus capitibus petendam esse. Quæ capita

Scriptu-

Scripturis confirmanda sunt, & exemplis copiose illustranda.

Et sunt hæc præcipua capita, quæ Paulus commendat Timotheo. Milita bonam militiam, retinens fidem & bonam conscientiam. Memento Iesum Christum resurrexisse à mortuis. Et solet Paulus consolationes petere ex fide resurrectionis, quæ tunc demum erunt solidæ, ubi præluet fides.

*Dolor ob res amissas
sæpius cogitandum.*

Dolor ob res amissas, mitigabitur promissionibus Dei, qui promittit se non derelicturum sperantes in se.

2. Deinde cogitatione incertitudinis vitæ.

3. Tum cogitatione consilij Dei, qui sæpè subtractione rerum, suorum animos explorat.

Huc exemplum Iob commodè refertur, & dictum eiusdem: Dominus dedit, Dominus abstulit, sit nomen Domini benedictum.

Breuitè, Fides faciliè superabit omnem dolorem animi, quamcunq; causam habuerit. Igitur singularis cura pastoris esto, solidum fidei fundamentum iacere in pectoribus suorum auditorum.

Et si autem loci consolationum quos signavi, omni dolori & cruci adhiberi possunt: tamen peculiarem rationem consolandi eos, qui ob mortem amicorum tristantur adijiciam, locosq; recitabo quos semper in promptu habeat pastor. Iubeat itaq; pastor moerentem ob mortem amici respicere.

Ad

DE PASTORE.

161

*Consolatio in
morte amici
2. sex. p. 161*

- I. Ad Deum ipsum.
- II. Ad mortuum amicum.
- III. Ad vniuersalem conditionem hominum.
- IIII. Ad mundum.
- V. Ad cælum.
- VI. Ad resurrectionem mortuorum.

Cum ad Deum respicitur, cogitandum est de Dei voluntate, sapientia, iusticia. 1.

VOLUNTAS Dei est, quòd amicus noster sit hinc abreptus. Huic Dei voluntati non licet repugnare.

IUSTICIA Dei est, quòd repetat quod dedit. Quid enim iustius est, quam vt is qui dedit vitam, rursus eandem ad se recipiat, conseruetq; quodcumq; illi bonum videbitur.

SAPIENTIA Dei monebit, quòd nihil sit temerè à Deo factum. Ipse enim solus nouit, expediat ne nobis mori potius, quam viuere. Multos medio è medio tollit, ne vel ipsi peiores fiant, vel plures in hac vita perpetiantur æumnas. Moerens igitur pro amico se consoletur sapienti & iusta voluntate Dei cui repugnare impium est.

SECUNDO, vertat cogitationem ad mortuum amicum, cuius conditio multò melior nunc est, quàm fuit. Est enim expers omnis periculi. Nam nec Satan, nec mundus, nec aliud quicquam, poterit iam ipsius salutem impedire. 2.

pedire. Donec in hac vita versamur, mille quotidie ferè obijcitur periculis. Neq; vlla læticia esse potest, quin aliquem dolorem seu metum habeat admixtum. At qui iam hinc discessit, huius periculi expers est. Nam quemadmodum qui è difficili navigatione in portum venit, iam securus est, vt qui in portu nauigat, ita qui morte hinc abripitur, veluti in portum delatus est, vt ipsum procellæ mundi amplius obruere non possint. Peruenit enim ad salutis portum. Qui ergò dolet de amico, qui hinc in fide Christi discessit, non videtur amico fauere portum illum quietum, ad quem ipse non peruenit.

3. TERTIO, cogitet mœrens de vniuersali hominum conditione, cui & ipse obnoxius est. Decretum Dei est ineuitabile, vt omnes hanc vitam morte sint commutaturi, nec scitur qua hora & quo momento. Quare dolere in vno, quod omnibus commune est, nihil est aliud quàm seipsum inutiliter macerare. Quare cum hæc conditio sit vniuersalis, cogitandum potius, quòd vnusquisq; Deo obtemperare debeat, quando Deus per suum præconem ad exitum vocat. Neq; dolendum est citò fieri, quòd quò citius, eò melius illi est, qui hinc euocatur. Nam beati, qui in Domino moriuntur.

4. QVARTO, respiciat ad mundum, qui totus

tus in maligno positus est. In hoc virtus & pietas patiuntur: in hoc mille technæ ad fallendum: quocunq; respicis, impurus est totus, & sordescit indies magis magisq;: nunc tyranni pacem publicam turbant: nunc hæretici Ecclesiam oppugnant: nunc priuatorum ædes maximis sunt periculis expositæ.

Q V I N T O, intueatur cœlum, veluti domum propriam, ad quam tendere oporteat, in quo nihil immundi, nihil periculi, sed omnia pura & tuta. Ibi sancti fruuntur conspectu Christi, cuius corpus gloriosum cum intuentur, expetunt ardentibus votis, vt acceleret dies iudicii extremi, quo animæ rursus, ad sua corpora redeant, & fiant ita conformes Christo.

S E X T O, cogitet mœrens de resurrectione mortuorum, quæ est veluti commune antidotum aduersus omnia mala. Hinc Christus consolatus est Martham, cùm ait: Ego sum resurrectio. Huius memoriam commendat discipulo suo Paulus, cùm inquit: Memento Iesum Christum resurrexisse à mortuis. Hæc de consolatione contra dolorem pro amicis defunctis.

Hactenus diximus de orthotomia verbi veritatis, & ostendimus quomodo pastor, vt peritus medicus, debeat pro ratione morborum animi adhibere oleum verbi Dei. Iam quid sit fugiendum pastori inter docendum, melius intelligetur.

Pau-

bitq; falsitatis causas, & quid mali ex ea in Ecclesiam manat: præsertim cum ea sit natura rerum, quòd dato & admissio vel leuissimo in speciem errore, sequantur infinitæ hypotheses falsæ, quemadmodum in Papatu vidimus.

Paulus requirit in pastore, vt possit os *Pastor obsequi*
obstruere aduersariorum. Etiam si autem non
possit omnes labyrinthos & strophas expli-
care: tamen veræ doctrinæ demonstratione
refellitur error. Est quidem pastoris & er-
rorem refutare, & conari errantem siue hæ-
reticum in rectam viam reuocare. At si hoc
posterius fieri non possit, monet Paulus, vt
eum fugiat, tanquam proprio iudicio condem-
natum. Orandum tamen pro eo est, vt Deus
aliquando ipsum ad suam lucem adducat.

Hactenus dictum est de prima parte, quæ
in pastoris officio requiritur: nunc ad secun-
dam accedamus.

DE ADMINISTRATIONE SACRAMENTORVM.

SECUNDA officij pastoralis pars est ad-
ministratio Sacramentorum, in qua quantum *Baptismus qui*
attinet ad Baptismum, qui est initiale Ecclesiæ *modo per*
Sacramentum, agat omnia iuxta ordinatio-
nem Ecclesiarum, & afferat pastor pium ani-
mum: sciat se in loco Christi stare, & eius vice
M fungi.

fungi. Nam ipse Christus est qui abluit, vñus pa-
storis manibus: recitet distinctè lectiones sa-
cras, iuxta ordinationem: oret Christum inti-
mo cordis affectu, vt huic suæ ordinationi afsit:
commendet baptizatum infantem precibus
Ecclesiæ, ac seriò admoneat parentes, vt hanc
nouam Creaturam piè instituant, caueantq; ne
sua culpa aliquid mali baptizato accidat. Hæc
sint de baptismo dicta.

*De sacram. sacra-
mento admi-
nist. p. 1.*
De administratione Cœnæ maior requi-
ritur peritia. Quemadmodum enim verbum,
ita Sacramentum cœnæ, visibile Euangelij
verbum, debet sanctissimè administrari, & ca-
uendum est hîc pastori, ne communicet alienis
peccatis. Qui enim potatori, adultero, ty-
ranno, maledico, blasphemò, obsceno, aut
alioqui inhonestè, & non vt dignum est Euan-
gelio, viuenti porrigit sacram Cœnam, corpus
& sanguinem Domini nostri IESV CHRISTI
is nobilissimam margaritam Ecclesiæ obijcit
suis & canibus, in contumeliam filii Dei.
Quo scelere nullum est grauius. Chrysosto-
mus dicit, se potius corpus suum daturum la-
cerandum turpissimis modis, quàm vt sciens
& volens velit corpus & sanguinem D O M I N I
porrigere flagitioso homini, qui viuit absq;
pœnitentia: neq; id immeritò. Nam vbi hoc
fit, quadruplex scelus concurret.

*volens et sciens
dare corpus et
sanguinem filii
dei, do. in. in. in.
f. in. in. in. in.
p. in. in. in. in.*

PRI-

PRIMUM enim manifesta contumelia fit filio Dei, & multò maior quàm cù caderetur alapis, & expueretur in faciem eius. Grauis Christi admonitio est, & seria: Nolite dare Sanctum canibus.

DEINDE, qui Cœnam porrigit hominì, quem scit pœnitentiam seriam non meditari, auget ipsius iudicium & damnationem, atq; ita communicat alienis peccatis.

TVM, vulnerat suam conscientiam. Nam manifestè facit contra conscientiam, & verè excutit Spiritum sanctum: amittit paulatim & alia dona quibus ornatus erat.

PRÆTEREA, exemplo multi deteriores fiunt, & confirmantur in sua cœcitate, atq; ita paulatim regnum Christi euertitur.

Vt interim taceam, spectaculum exhiberi, tristissimum quidem castis Spiritibus, qui in sacra Cœna assunt, ministrantes suo regi, gratissimum verò Diabolo, & eius angelis, hostibus Christi, qui istam contumeliam fieri Christo aduertunt.

Nihil amplifico: expono verè rem ipsam, imò nemo satis grauitatem huius rei explicare oratione potest.

Propter huiusmodi abusum, Paulus testatur Corinthios magna plaga percussos ac multos concidisse. Nec dubitandum est pluri-

ma publica mala, & priuata, hodie esse pœnas
abusus sacratissimæ Cœnæ.

obijciunt At dicat fortè aliquis. Quid mea refert?
ipſius res agitur, qui indignè Cœnam ſumit.
Ex Cur ego luerem aliena delicta? Tua perma-
gni refert. Deus collocauit te in ſua Eccleſia,
vt eam paſcas, non vt eam deſtruas, maſtes &
dilanies. Quod ſanè facis, quando ſine delectu
pijs & impijs, offers ſacrum cœnæ myſterium.

Laudatur meritò Ambroſius, qui ne
Theodoſio quidem Imperatori pepercit: quem
ad ſacram cœnam non admifit, priuſquam pœ-
nitentiam magnæ illius cladis egit, cuius autor
fuit.

Conſulo itaq; paſtori, vt diligenter di-
ſcernat inter oues Chriſti veras, & laruatas, ne
ſibi iudiciũ grauius accerſat.

Haſtenus breuiter admonui, quinam ſint
â ſacra Cœna arcendi.

Iam quia in noſtris Eccleſijs nemo ad ſa-
cram huius cœnæ communionem admittitur,
niſi qui antea ſe ſuo paſtori examinandum ex-
hibuerit, paucis paſtori meum de examine
conſilium communicare volo: quod vt diſtin-
ctius habeatur, in has quinque partes distribuam,
quæ ſunt:

*quæ modo ex-
aminandi ſunt
cœnæ ſ. p.
et inſcripti*

PRIMA. Vitæ eius, qui examinabitur,
præteritæ conſideratio.

SECUN-

SECUNDA. Colloquium pastoris cum eo, qui ad Cœnam se admitti expetit.

TERTIA. Consolatio pœnitentis.

QUARTA. Absolutio.

QUINTA. Admonitio, qua soluitur examen.

CONSIDERATIO, præteritæ vitæ eius, qui est examinandus, diligenter est obseruanda pastori. Inde enim intelligi potest, quibus potissimum morbis aliquis obnoxius est. Considerabit ætatem, & quibus vitijs maximè quælibet ætas est exposita; considerabit sexum, artificium & vitæ genus: obseruabit, an coniunx quis sit, an iniunx, an in Magistratu, aut sub Magistratu an diues, aut pauper. Nam pro hac diuersitate homines alij alijs laborant vitijs. Hæ igitur circumstantiæ pastori nequaquam negligendæ sunt.

COLLOQVIVM sequitur, in quo si pastor dubitat de confessione, aut profectu alicuius in doctrina Catechismi, omnium primum requiritur enumeratio Decalogi, symboli Apostolici, orationis Dominicæ, & doctrinæ vtriusq; Sacramenti. Hic qui deficit, à cœna arcedendus est, donec rectius institutus fuerit. Est enim indignum, eum ad participationem cœnæ Dominicæ admittere, qui elementa pietatis non nouit recitare.

Verùm cum quis nouit hæc dextrè recitare,

tate, post recitationem, de pœnitentia agatur. Et quærendum est, an vero sensu peccatorum suorum tangatur, & an doleat ipse, quòd Deum suis horrendis peccatis offenderit. Hic si pastor ullos errores nouerit in vita eius cum quo agit, debet eos candidè aperire, perinde ac medicus, qui ægroto morbos exponit, quò libentiùs medicinam recipiat ægrotus, ac sanitati restituatur, quam vnice expetit. Deinde quæret an se reus emendate velit.

Hoc autem intelligi volo de erroribus communibus, qui non videntur excommunicatione corrigendi. Nam flagitia publicam pœnitentiam requirunt, vel saltem petitionem condonationis ab Ecclesia. Sed de hac re suo loco.

Si offertur mercator, potest pastor de vitiiis vſitatis in mercatoribus interrogare. Si iuuenis, quærat de iis, quæ iuuentuti solent accidere, & sic de aliis.

Porro hic etiam consulerem, vt propositis præceptis Decalogi, ordine quæreretur de obœdientia ergà singula, qua ratione homo confitens deduceretur commodissimè in cognitionem sui.

Postquam autem peccati confessio est facta, grauib. verbis pastor exponet reatus turpitudinem & magnitudinem. Deinde indicabit, quanta sit ira Dei & maledictio super peccatores non agentes pœnitentiam.

Hic

Hic si animaduertit pastor, hominem cum quo agit, seria duci pœnitentia, & vero dolore propter peccatum tangi, quærat an aliquod remedium aduersus hanc iram Dei & maledictionem nouerit: qui si responderit in solo Christo remedium esse aduersus mortem & damnationem, pastor debet hoc responsum Scripturæ dictis confirmare, & graui oratione ostendere, quòd Christus venerit in mundum peccatores saluos facere.

Iam tertio loco addat pastor CONSOLATIONEM per dicta Scripturæ & exempla: ostendet volûntatem Dei esse, vt homo peccator non pereat, sed conuertatur & viuât. Ita enim scriptum est: Nolo mortem (ait Dominus) peccatoris, sed vt conuertatur & viuât. Ostendet voluntatem CHRISTI esse, vt omnes laborantes sub mole peccati, ad se veniant. Ait enim: Venite me ad omnes, qui laboratis & onerati estis, & ego vos reficiam. Ostendet Angelis in cœlo gaudium esse ex pœnitentia peccatorum. Ostendet serium & vniuersale mandatum Christi esse, vocari omnes ad pœnitentiam. Ostendet *λύτρον* Christi sufficere pro peccatis totius mundi, ideoq; non esse cuiquam desperandum, ob peccatorum suorum magnitudinem. Nam hoc principium immotum est: Gratia exuperat peccatum. Hoc dictum inculcabit; Sic Deus dilexit mundum,

dum, vt filium suum vnigenitum daret, vt omnis qui credit in eum, non pereat, sed habeat vitam æternam.

Hæc illustrabit exemplis: atq; in primis vtile esset accommodare exempla personis cōgruentia, cum quibus colloquium institutum est: vt auaro pœnitenti, exemplum Zachæi: aulico, Centurionis: homicidæ, Dauidis: meretrici, Magdalenæ: balsphemo, Manassis: pauperi à morbis exhausto, mulieris laborantis sanguinis profluuiio, & sic de alijs.

4. *ABSOLVTIO* quarto loco sequitur. Hic quæret pastor, an confitens Christum sibi propitium esse statuatur, & an verè credat in Christum mediatorem. Quod vbi sincerè affirmauerit, pastor inferet eum iam in cœlis coram tribunali Dei absolutum esse, & in gratiam receptum. Hæc enim est immota veritas: Omnis qui credit in filium, habet vitam æternam.

Huc addat hanc vel similem formam, manu capiti eius qui absoluitur imposita, sine tamen superstitione.

*Absolutionis
forma.*

Cum mi fili non solum te peccatorem & reum agnoscis, seriò dolens quòd Deum horrendis tuis peccatis offenderis: verum etiam credis promissioni Euangelij de remissione peccatorum, & voci Christi, pronunciantis eum, qui credit, habere vitam æternam, & promittentis ratum fore in cœlo, quicquid solutum

rum fuerit in terra : Ego testor te remissionem
tuorum peccatorum habere, quam tibi vice
Christi annuncio, atq; adeò, vt minister Dei in
Euangelio filij ipsius, te absolutum pronuncio,
in nomine Patris, & Filij, & Spiritus sancti,
A M E N.

Iam quinto loco addatur ADMONITIO,
vt caueat absolutus ab insidijs Diaboli, à ne-
quitia & malis exemplis mundi, ab insidijs pro-
priae carnis : admoneatur, vt exerceat se in pie-
tate, continuè oret, fugiat mala sodalitia, absti-
neat à crapula & ebrietate : ostendatur præte-
rea, quàm periculosum sit sæpius in eadem pec-
cata relabi, recitentur exempla eorum, qui
lapsi, non sunt reuersi per pœnitentiam. Ad-
hæc admoneatur de suo officio, & illud graui-
ter agat, neminem defraudet, aut in negotio
circumueniat, vt pro ratione suarum faculta-
tum, sit liberalis in pauperes.

Hæc aptari debent pro ratione & condi-
tione eorum cum quibus agitur.

Atq; hætenus de secunda parte officij pa-
storalis. Sequitur tertia.

DE DISCIPLINA. QVA PASTOR SVVM GREGEM REGERE POSSIT.

M 5

MAGNA

MAGNA laus est disciplinæ Christianæ, cuius moderatio pastori potissimum incumbit. Quare Pastor hūc sedulus sit, ne sua culpa dissolutiores & languidiores reddantur auditores.

Via vitæ (inquit Salomon) custodientis disciplinam: & qui diligit disciplinam, diligit scientiam. Idem: Tene disciplinam, ne dimittas eam, custodi illam, quia illa est vita tua. Et rursus: Qui sapientiam & disciplinam abjicit, infelix est.

*disciplina christi
una qd?* Est autem Christiana disciplina assuefactio cum interior, tum exterior qua homines assuefunt ad pietatem, iusticiam, modestiam, & ad alias virtutes, quæ in officio continentur, ne quid vel errore, vel ignorantia, vel imitatione faciant, quod se haud decet.

*Finit disciplina
ita* Huius finis est, ut maneamus in Christo, & non ab eius corpore mystico abscindamur. Si vos manseritis (inquit Dominus) in sermone meo, verè discipuli mei eritis, & cognoscetis veritatem, & veritas liberabit vos.

Est itaq; amanda disciplina, quæ nos continet in officio, ne à sermone Christi deficiamus.

Porro disciplina hæc absolvitur instructione & correctione.

INSTRUCTIO præceptis & regulis continetur, quarum mensura est verbum Dei.

COR-

CORRECTIO est emendatio erratorum
incidentium in moribus.

Disciplina, ut ex definitione quam posuimus apparet, est duplex: Interna & externa, &c. *Disciplina est duplex*

INTERNA est mentis, cogitationum, affectuum, voluntatis. Hæc diligenter commendanda est auditoribus. *inter-na.*

EXTERNA est linguæ, gestuum, vestitus. De utraq; suprà dictum est. Vnde pastor desumat & accommodet auditoribus, quæ congruere animaduertit. *Externa.*

Verum quia hoc loco potissimum agitur de disciplina Ecclesiastica, quæ ad iuris dictionem pertinet: volo consilium meum pastori breuiter communicare, quod si secutus fuerit, non operam ut spero ludet.

Monui suprà, disciplinam absolui duabus rebus, instructione, & correctione. De instructione quæ continetur præceptis vitæ, quæ traduntur in Decalogo, nihil hoc loco dicemus: sed tantum de correctione præcepta dabimus.

Nunc autem cum omnis correctio erratorum est, modus correctionis ex erratorum differentiis dependet.

Sunt autem differentię duplices. Quædam enim errata sunt delicta, quædam crimina. *Errata sunt delicta & crimina*

DELI-

Delicta.

DELICTA, à quibus in hac infirmitate humanæ naturæ nemo tutus esse potest, admonitionibus & castigationibus corrigere studebit pastor: Debet enim diligentem rationem habere vitæ cuiusq; & statim ubi animaduertit aliquem non recta, vt decet, via incedere, eum mox admonebit, & conabitur reuocare, priusquam in præcipitium ventum fuerit.

Crimina.

CRIMINA, vt sunt libidines, adulteria, tyrannis, vis, sectæ à veritate abducentes, &c. è quibus scandalum publicè oritur, opus habent asperiore curatione.

Si quis ergò facinus & crimen perpetraverit, pastor facinorosum ad conuersionem, serio & grauiter hortabitur: idq; non semel aut iterum, sed sæpius; nec asperè nimis, sed paternè, indicato periculo & scandalo.

Deinde, si frustra laborem admonitionis paternè suscepisse videtur, alia tentanda est via: vocabitur facinorosus ad consistorium, in quo ad minimum sint duo aut tres vicini parochi, & aliqui ex honestioribus parochianis.

In hoc consistorio admonendus est facinorosus grauiter, ostendendum est ei, quanto scandalo Deum & Ecclesiam offenderit.

Hic aut resipiscit facinorosus, aut manet contumax in suo peccato. Pro hac diuersitate pœnitentis, aut non pœnitentis, agendum est cum illo.

Quo-

Quomodo agendum est cum facinoroso pœnitente? Facinorosum, qui post admonitionem promittit emendationem, pastor non facile recipere debet, sine singulari exploratione. Exploratio autem hæc fieri potest hoc modo.

Aliquot diebus post promissam emendationem, pastor vocabit pœnitentem ad se, & seuerè eum monebit de ira Dei aduersus peccatum, & ad veram pœnitentiam eum adhortabitur, donec viderit certissima pœnitentiæ veræ signa. Nam qui simulantes pœnitentiam admittunt, ad publicam absolutionem, magno periculo reum exponunt, & non satis grauitè officio funguntur.

Deinde reo significabit, cum Ecclesiam scandalo conturbarit, publicè veniam ab Ecclesia petendam esse.

Quod si se libenter id facturum promiserit, constituet ei diem certum, qua assumptis aliquot honestis viris coram se appareat.

Ad hæc præsentibus testibus interrogandus est reus, an Magistratum politicum, & aduersam partem (si scelus est commissum publicum, offendens Magistratum & proximum lædens iniuria,) placauerit. Quod si ait, producet testimonia. Si neget, mittendus est ad Magistratum, & ad partem læsam, priusquam ad publicam absolutionem admittatur.

His

His iam ritè & ordine peractis, constituet pastor facinoroso diem, qua compareat in cætu Ecclesiastico, si publicè factum ipsius innouit: (alioqui in consistorio aut priuata domo præsentibus testibus potest fieri absolutio) ibi pastor facinosum collocatum ante altare, finita concione & admonita plebè, interrogare poterit hoc ordine.

PRIMUM, an fateatur à se commissum, quod illi obiectum est, cuiusq; nomine publicè accusatur.

SECUNDO, an peccati commissi eum poeniteat, quod & voce & signis testabitur.

TERTIO, an cupiat redire in amicitiam cum Ecclesia, quam scandalo læserat, & cupiat absolutionem.

QUARTO, an seriò constituerit adiuuante Deo, vitam suam emendare, & an hoc se facturum promittat.

QUINTO, an seriò ab Ecclesia petat veniam.

Hic potest reo mandari, vt catechesin recitet: quo facto vertat se reus ad populum, & hac ratione petat veniam.

EGO miser peccator, fateor me Deum & Ecclesiam meo peccato offendisse. Quare vos rogo omnes, vt mihi hunc meum lapsum propter Christum condonetis. Promitto adiuuante Deo emendationem.

Hûc

Hinc addat pastor admonitionem, de voluntate Dei recipientis peccatores, & de gaudio, quod est Angelis in cælo super vno peccatore pœnitentiam agente, & hortabitur populum, vt ex animo ignoscat quod commissum est, iubebitq; vt cum Angelis Dei gaudeant, quod qui perditus erat redierit.

His peractis interrogabit pastor confitentem, an verè statuatur Deum sibi remittere peccatum suum, & cum responder verè se id credere, iubebit pastor, vt genua flectat pœnitens, ac ita eum absoluat.

ABSOLVTIONIS FOR- M V L A.

EGO minister Dei in Euangelio Iesu Christi, auctoritate Euangelij & mandato Christi, te pœnitentem & confugientem ad misericordiam Dei propter Christum, pronuncio receptum esse in gratiam à Deo, & te absolutum ab omnibus peccatis tuis testor in nomine Patris, & Filij, & Spiritus sancti, Amen. Vade, & noli amplius peccare, ne tibi aliquid deterius fiat.

Hæc disciplina vtilis videtur, & digna quæ in Ecclesia prudenter seruetur vbi facinorosus admonitus agat seriam pœnitentiam.

Hinc tamen addo, quod interdum circumstantiæ personæ & facti requirant aliquam mitigationem; videlicet vt pastor tantum depre-

deprecetur ab Ecclesia commissum scelus, idq;
nomine ipsius qui peccauit. Sed hoc relinquo
prudentiæ pastoris, qui ædificationem quæret,
& non destructionem, quem in grauib; causis
consilio superat, tendentis regi cupio.

Q V O M O D O A G E N
D U M C U M F A C I N O R O S O
N O N A G E N T E P O E N I T E N T I A M
post admonitionem.

Q U A N D O facinorosus conuictus non agit
pœnitentiam, sed pergit in sua contu-
macia, debet pastor subinde eum admonere, vt
tandem pœnitentia ducatur. Quod si frustra fe-
cerit, ad extremum remedium, nempe ad ex-
communicationem confugiendum est.

Est autem vt communio, ita excommu-
nicatio multiplex, nec melius quæ sit ratio ex-
communicationis intelligitur, quàm ex com-
munionis collatione. Est itaq; communio tri-
plex: Spiritualis, sacramentalis, moralis.

S P I R I T V A L I S communio est, qua cum
omnibus renatis communicamus, & participes
sumus Spiritus Christi, vt eiusdem mystici cor-
poris membra, cuius caput est Christus. In
hac communionem est, quicumq; credit in Iesum
Christum, & retinet fidem & bonam conscien-
tiam.

*Communio
triplex.*

tiam. In hac fuit Naaman Syrus, etsi corpore erat in impia aula.

SACRAMENTALIS tantum, est hypocritarum, qui in Sacramentis nobiscum communicant, sicut Iudas Coenae Dominicae cum reliquis discipulis particeps fuit.

MORALIS, est qua homines in civilibus moribus inter se sociantur, siue eiusdem sunt religionis, siue diuersae.

Huic triplici communioni opponitur triplex excommunicatio: Spiritualis, Sacramentalis, Moralis.

SPIRITVALIS EXCOMMUNICATIO est, qua excluditur homo à communione Corporis Christi mystici, hoc fit naufragio fidei & mala conscientia.

SACRAMENTALIS EXCOMMUNICATIO est, qua alicui interdicitur sacrae Coenae usus: quod fit propter impoenitentiam.

MORALIS EXCOMMUNICATIO est, qua is, qui scandalo Ecclesiam offendit, à societate & familiari cum pijs conuietu arcetur.

Primum genus penes solum Deum est, qui membra mortua abscindit à corpore filij sui.

Secundum penes pastorem est, qui non porriget sacram coenam, quos nouit viuere sine poenitentia.

Tertium est censurae Ecclesiasticae, qua senatus

N

tus

tus Ecclesiasticus ordine & modo seruato, excludit aliquem ex suo cœtu per sententiam.

Quantum ad primum excommunicationis genus attinet, parochi siue pastoris officium est, perpetuò hortari suos auditores, vt studeant retinere fidem & bonam conscientiam, ne se ipsi à corpore Christi abscindant. Qua-

*Fides quæ mouet
receptum.*

*inter bonum
officium.*

rum illa retinetur meditatione beneficiorum Christi, & precatione: hæc fulcitur quatuor quasi fulcris, fiducia Christi, qua statuitur peccatum remissum esse, bono proposito, quo abjicitur peccandi voluntas, ardenti desiderio, 2. vitam in posterum approbandi Deo: & sancta 3. vocationis cura. 4.

Vt in hac communione corporis Christi spiritali maneant sui auditores, pastor excubias agat, nihil non faciens quò eos exhortationibus & monitionibus, contineat in officio.

Verùm cum aliquod facinus commissum deprehenditur in certo autore, vt furtum, homicidium, aut quoduis damnum clam perpetratum, pastor debet post concionem primum narrare factum, quod designatum est. Deinde, summa cum grauitate deplorare, quòd autores talium facinorum delitescant in Ecclesia, & venditent se pro ouibus Christi, & viuus Christi membris, qui tamen reuera mortui sunt, & exuerunt se Christo suo scelere. Tertiò publice testabitur eum, qui facinus perpetravit se

se mancipasse Satanæ, cum quo æternum peribit, nisi per poenitentiam fuerit Deo reconciliatus. Quartò, subijciat exhortationem, ut quisquis sit, damnum resarciat, ac redeat ad Deum per veram poenitentiam, quò rursus viuum Christi membrum fieri possit. Quòd si is qui facinus perpetravit aliquando resipiscat, ac ad pastorem veniat, cupiens consilium: Pastor híc singulari prudentia aget, ac imprimis cauebit, ne prodât alijs, quod sibi soli innotuit.

Si furtum designatum fuit, interrogandus est reus, an res adhuc salua sit, an perierit. Si salua est, hortabitur ut restituat clam, quod clam abstulit, sin perijt, interrogandus est, an sit soluendo, an non. Si sit soluendo, pastor circumspectè aget cum eo, qui rem amisit, petetq; ut accepta satisfactione sit contentus. Hic si voluerit esse contentus, pastor à reo acceptam solutionem tradat ei, qui damnum passus erat.

At dicas: Quod suades habet periculum non leue coniunctum. Sit sane ita. Quis, quæso, potest curam Ecclesiæ habere, & rationem salutis singulorum membrorum in Ecclesia sine periculo? si quis velit te cogere, ut reueles quod tibi innotuit, potiùs mortem oppetito, quàm ut reum prodas.

N 2

Verùm

Verum si reus soluendo non fuerit, ad pœnitentiam tamen est excitandus, & monstrandum, si viderit reum duci seria pœnitentia, quod gratia superet peccatum, & multis Scripturæ testimonijs & exemplis est erigendus, ne desperet: qui cum fateatur se credere remissionem peccatorum, absoluendus est priuatim, & monendus vt in posterum sibi caueat à Satanæ laqueis.

Porro, si damno satisfactum fuerit, potest pastor publicè significare, quod qui furtum aut damnum commisit, ducatur pœnitentia, hortabiturq; populum ad gratiarum actionem, quod is qui è corpore Christi mystico se excluderat, iam resipiscat, & corpori Christi rursus insertus sit.

Homicidium
Cæterum si homicidium est commissum, pastor rem occultabit quidem, sed hortabitur reum, vt amicorum opera studeat amicos occisi placare. Quod si voluerit, debet pastor dare operam apud Magistratum, & eos qui læsi sunt, vt admittant transactionem. Qui si hoc facere noluerint, pastor illis omisissis, debet cum reo agere, & longo tempore explorare, an verè eum pœniteat, qui homicidium perpetravit. Quod cum deprehenderit pastor, absoluat reum ad misericordiam confugientem.

Ab. Neq; enim debet curator animarum, regimen Ecclesiæ & politicam administrationem

nem cor
in sugge
officium
& imitar
Etat agrot
se est: qui
pus potius
Quant
nicationis g
to sacra Ce
pœnitentib
menta perc
sacrum corpe
nem: quema
Exempl
mire agit
refatur, au
cet Christia
nerit ad pa
cenæ recip
it emenda
personæ, se
citiam, non
tum, non e
mebit, cui
quo legatic
Achab imp
tyranni.
horruit.

nem confundere. Non debet alterum pedem in suggesto, alium in curia habere: sed suum officium esse cogitabit, omnes Deo lucrificare, & imitari bonum pastorem, qui non mox mactat ægrotam ouiculam, sed sanat quantum in se est: qui contrà facit, non pastor est, sed lupo potius.

Quantum autem ad secundum excommunicationis genus, quo quis arcetur à Sacramento sacræ Cœnæ, attinet, sciat pastor, quòd impenitentibus, qui consuetudinis causa Sacramenta percipere volunt, non debeat porrigere sacrum corpus Christi, & sacrum eius sanguinem: quemadmodum suprà admonui.

Exempli causa: Si quis vel potator est, vel auarè agit, vel durius cum vxore aut familia versatur, aut etiam aliquod aliud, quod non deceat Christianum, sectatur studium: talis si venerit ad pastorem, non debet ad comunionem cœnæ recipi à pastore, priusquam pastor viderit emendationem. Non hîc habebit rationem personæ, sed ministerij sui, non timebit inimicitiam, non odium, non amissionem facultatum, non exilium, non mortem, sed Deum timebit, cuius vicem gerit, & Christum, pro quo legatione fungitur. Helias non pepercit Achab impio. Ieremias non fractus est minis tyranni. Ambrosius diadema Theodosij non horruit. Baptista maiestate Herodis non est

absterritus. Breuiter, qui hîc timore succumbit, non est pastor, sed mercenarius, vt nihil dicam durius.

Restat tertium excommunicationis genus, quod potissimum ad disciplinam & censuram Ecclesiasticam pertinet. Huius fines cognitos habeat pastor. Deinde excommunicationis legitimam rationem teneat.

Excommunicatio tria spectanda. In omni excommunicatione spectanda sunt tria: Deus, ciues Ecclesiæ, impenitens homo.

Cum Deum respicis, conandum est, ne
1. cum Dei contumelia inter Christianos nominetur, qui turpem & flagitiosam vitam degit.

2. Cum ciues Ecclesiæ attendis, hæc cura subibit animum pij pastoris, ne assidua malorum consuetudine boni corrumpantur.

3. At cum intueris lapsum & deficientem ab Ecclesiâ, eò spectabit omnis pastoris conatus, vt reus suffusus pudore respiscat tandem, ac Ecclesiæ reconcilietur.

Hos tres excommunicationis fines habebit in conspectu pastor, qui omnes ad ædificationem Ecclesiæ faciunt, ad quam referri debet excommunicatio.

Vt autem legitima ratio excommunicationis teneatur, tenendæ sunt sequentes regulæ.

Regula 2^a de excommunicatione.
PRIMA. Pastor solus, sententia in reum à senatu Ecclesiastico non lata, neminem excommunicare debet. Muneris tamen huius est,

est, vt facinorosum ad conuersionem adhortetur. Huius regulæ & ratio & finis spectanda sunt. Ratio est, quia æquitas postulat, vt examinetur res in iudicio, & cognoscatur, priusquam feratur sententia. Finis est, ne vnus affectu res geri tanta videatur: qua ratione facile in contemptum abiret excommunicatio.

Sed fortè hic obijciat pastor non talem *Senatus* senatum constitutum esse in his locis, vt ab eo feratur contra facinorosum sententia. Equidem fateor me optare ordinarium Senatum, penes quem censura morum esset, sed vix id sperare possum in hac turba & senecta Ecclesiæ. Quare pastori hoc do consilium, vt loco Senatus deligat sibi tres ad minimum viros cordatos & pios, cum quibus conferat, & quorum sententiam audiat. Verùm si pastor in sua parochia neminem habet, cuius consilio in tanta re tutò vti poterit, rem deferat ad præpositum, & duos alios pastores eius prouinciæ, in qua habitat pastor: coram his compareat facinorosus, ac examinetur. Hi conuictum hortentur ad pœnitentiam. Qui si supplex pœnitentiam promittit, agendum est cum illo, vt supra ostensum est. Si autem non resipiscat conuictus, semel atq; iterùm è suggesto significetur, esse hominem talem, qui contumaciter se gerit, postpiam & paternam admonitionem, & conuictionem criminis: & simul hortetur pastor

populum ad preces pro facinoroso, vt Deus illum conuertere dignetur.

At si iste adhuc permanferit contumax, iterum sistendus est coram deputatis censoribus, à quibus grauiſſimè admonebitur, additis minis. Quòd si adhuc manserit rebellis, non amplius conuiuendum est. Hic putridum membrum ense Ecclesiæ reſecandum est, ne pars sincera trahatur. Hic locum habebunt noti versiculi :

Morbida facta pecus totum corrumpit ouile :

Ne maculet alias est separanda grege.

Proximo itaq; die Dominico excommunicationis sententia publicabitur, Hoc modo.

SENTENTIA EXCOMMUNICATIONIS.

CHARISSIMI fratres, notum est vobis (pròh dolor) quomodo quidam de nostro cœtu. N. nomine, Ecclesiam nostram scandalo offèderit, perpetrando N. Qui etsi à me pastore suo priuatim est admonitus, non semel, sed aliquoties, & apud Senatum Ecclesiasticum conuictus est de suo flagitiò, quod vobis etiam publica fama innotuit, manet tamen contumax & rebellis, nec vlla pœnitutine sui flagitij tangitur. Quapropter cum se à spirituali corporis Christi communione absciderit, nec admonitus & obiurgatus respiscat; Ego minister Euangelij, auto-

autoritate & mandato Christi, vobis mecum in nomine Domini nostri Iesu Christi congregatis, declaro istum N. qui ita se subiecit Sathanae, exclusum esse ab Ecclesia filij Dei, ac eum fugiendum tanquam Ethnicum pronuncio, in nomine Patris, & Filij, & Spiritus sancti, Amen.

Iam vos fratres dilecti, caute ne commercium habeatis cum isto. Sit vobis donec resipiscat, veluti Ethnicus & Publicanus, qui sua culpa ius ciuitatis Christianae ac familiae Dei amisit: vt vel isto pacto, eum tandem sui flagitij pudeat ac resipiscat. Vos insuper oro, vt vigiletis & oretis, ne Diabolus aliquem vestrum simili laqueo capiat, atq; caueatis ab istius consortio, ne eius veneno inficiamini. Neq; tamen vt inimicum eum ducatis, sed admonete subindè vt resipiscat.

Cùm autem huiusmodi excommunicatus, sit iam tanquam Ethnicus & Publicanus, imò Sathanæ mancipium, debet pastor adhuc operam dare, vt eum à sua via pessima reuocare possit. Nam vt Christus Ethnicos & peccatores inuitat ad poenitentiam: ita nostrum officium est, qui in ministerio Euangelij sumus, vt perpetuò operam demus, quò aberrantes ab ouili Christi reuocare possimus. Non ergò debemus odisse huiusmodi, sed eius vicem dolere, Deumq; precari, vt mortuum viuificet, ac perditum restituat.

N 5

Huc

Hûc adijciam regulas duas, quas vtiliter sequi poterunt censores morum, ac Iudices Ecclesiastici.

*Regula duæ
depravante
censore morum*

PRIOR est de peccatis in multitudinem grassantibus, qualia sunt (pròh dolor) in hoc regno, ebrietas, luxus vestium, comestationes, &c. de his sequenda est regula. Non asperè (inquit Augustinus) quantum existimo, non duriter, non modò imperioso ista tolluntur, magis docendo quàm iubendo, magis monendo quàm minando. Sic enim agendum est cum multitudine peccantium. Hæc regula concluditur ex finibus excommunicationis suprà positis. Nam si hîc pastor excommunicationis fulmen mitteret, magis turbaret paucos bonos infirmos, quam corrigeret multos animosos malos. Interim tamen pastor non desinet ea damnare, quæ Deus sua voce damnat.

POSTERIOR regula est de paucorum flagitijs. Seueritas exercenda est in peccata paucorum. Iusta huius regulæ ratio est. Nam & hac ratione castigantur pauci, qui peccârunt, & multi infontes sibi in posterum meliùs cavent.

Pastor autem regulam Augustini sequatur: in corripiendis fratribus misericorditer corripiat homo quod potest: quod autem non potest, patienter ferat, at cum dilectione gemat ac lugeat. Item: Quisquis (vt ait idem sanctus

Augustinus pater
quod cor
lo excludi
cludere non
tate support
tus est. Ita
frumenta leu

Hoc con
pastores in ha
disciplina
Hæc fin
in externa dil
m, ieiunij pul
ribam, nisi qu
in Ecclesia, o

DE P
ST

QUARTA
plo Chr
um, oratione
gratias agat
et, & orer
et in salutem
regem princ
nendet, Apo
ens ait: Grat
per pro vobis
est. Primo

Etus pater) quod potest arguendo corrigit: vel quod corrigere non potest, saluo pacis vinculo excludit: vel quod saluo pacis vinculo excludere non potest, æquitate improbat, firmitate supportat, hic à maledictione liber & solutus est. Ita enim eradicanda sunt zizania, ne frumenta lædantur.

Hoc consilium Augustini sequantur pii pastores in hac peruersitate morum, omni ferè disciplina eneruata.

Hæc sint dicta de modo regendi Ecclesiam externa disciplina. Nam de indiétione precum, ieiunij publici, non est quod aliquid præscribam, nisi quod edicto regio, & gubernatorum Ecclesiæ, obtemperandum censeam.

DE PRECATIONE PASTORIS PRO GREGE.

QUARTA pars officij pastoralis, est exemplo Christi, Prophetarum & Apostolorum, oratione suum gregem pascere: hoc est, vt gratias agat DEO cum fructum verbi videat, & oret DEVM, vt suis conatibus aspi- ret in salutem gregis, ac perpetuis gemitibus gregem principi pastori CHRISTO commendet, Apostolus Thessalonicensibus scribens ait: Gratias agere debemus DEO semper pro vobis fratres, quemadmodum dignum est. Primo loco dicit, debemus: qua voce debi-

debitum officium pastoris notat. Deinde ait : quemadmodum dignum est, significans indigne pastoris officio fungi eum, qui hoc debitum non soluit. Exemplo ergo Pauli pastor orabit, ut Dominus dirigat corda suorum auditorum ad charitatem DEI, expectationem Christi, ut consoletur corda eorum, & stabilizat eos in omni sermone & opere bono, ut dignetur eos sancta illa vocatione, ad quam per Euangelium vocati sunt, & compleat omnem suae bonitatis gratuitam benevolentiam, & opus fidei potenter : ut glorificetur nomen Domini nostri Iesu Christi in ijs ex gratia Dei nostri.

Aget & gratias Deo pastor, quando animaduertit augescere fidem auditorum suorum, & abundare mutuam inter ipsos charitatem.

Etsi autem multae incidunt necessitates, quae ardentem inuocationem requirunt : possunt tamen preces pastoris in quatuor ordines distribui, ut primus sit, pro sanctificando nomine Dei, per totum orbem terrarum. Secundus, pro gubernatoribus rerum publicarum in vniuersum. Tertius, pro Ecclesia sibi commissa. Quartus, prout casus se offerunt varij, & tempus postulat. Huc aliquot exempli causa formulas subiiciemus.

FOR-

FORMULA PRECANDI PRO
SANCTIFICANDO NOMINE DEI,
per totum orbem.

DEVS misericors Pater, Pater Domini nostri Iesu Christi, ago tibi gratias toto pectore, quod tibi eligas Ecclesiam in vniuerso orbe, vt sit templum, tuum nomen celebrans, precor suppliciter, vt auertas & in nihilum redigas omnium hominum & Diabolorum technas, qui vel opera tua vel virtutes obscurare volunt, vel tribuunt hominibus aut Diabolo quod tuum est. Auerte, quaeso, corruptelas doctrinae coelestis & Sacramentorum, tyrannidem impudentium cursum Euangelij, haereses, & alia, quibus vera tui noticia, vel corrumpitur, vel omnino aboletur: auerte epicureum contemptum tui nominis, barbaram negligentiam, academicam dubitationem, stoicam ἀσογίαν: auerte ingritudinem omnium hominum, qui te Deum vel non agnoscunt, vel agniti non praedicant. Auerte profanam usurpationem nominis tui hoc est, impuritatem morum, & nominis tui sacrilegam usurpationem: ac praesta, quaeso, vt in toto terrarum orbe, sanctificetur nomen tuum: vt secundum opus tuum, sit nomen tuum: vt secundum nomen tuum, sit apud omnes nationes terrae noticiatus: vt secundum noticiam ex verbo & operibus tuis,

tuis, sit fiducia omnium hominum in te: vt secundum fiduciam, sit laus tua, & celebratio in omnes fines terræ: vt secundum laudem nominis tui, sit eiusdem vsurpatio inter homines, per veram inuocationem, prædicationem, confessionem. Quæ quia sine verbo haberi non possunt, mitte tua dona de cælo, conserua ministerium, verum vsum Sacramentorum, & sanctam disciplinam, precor vt indies magis ac magis accrescat numerus ciuium regni tui, quo tuum nomen latè propagetur ac celebretur. Tibi soli Deo, qui es Pater, Filius, & spiritus sanctus, sit honor, virtus & gloria, in secula seculorum, Amen.

*FORMALA PRECANDI PRO
MAGISTRATV ET ALIIS VITÆ
NECESSITATIBVS.*

OMNIPOTENS æterne pater, in nomine filij tui te inuoco, ac precor vt auertas bella, conserues leges & iudicia, impediās *αλξί-
αυ* in omnibus ordinibus & statibus hominum. Auerte quæso, morbos, sterilitatem terræ, Ethnicam sollicitudinem, & asininam ignauiam: fac ne irretiamur tentatiouibus, & laqueis Diaboli, ob cupiditatem rerum huius vitæ. Auerte cyclopicam ingratitude, & abusum rerum, ne tuis donis in luxum, voluptatem, ebrietatem, superbiam, & contemptum pauperum

perum abutamur. Breuiter, auerte omnem iniuriam creaturarum tuarum, quas nobis dedisti, vt illis vtamur in tuam gloriam & nostram vtilitatem, in vero timore nominis tui cum gratiarum actione. Da bonos & fideles rerumpublicarum gubernatores, tuere omnes status, assis imperijs, æconomijs, & politijs. Da Regi nostro Spiritum sanctum tuum, & sapientiam: da senatoribus regni salutaria consilia: concede prosperam valetudinem: fecunda terram, da commodas tempestates, pluuiam, & serenitatem, pro rerum nascentium commoditate: largire fructibus terræ virtutem, per tuam benedictionem: fac vt patresfamilias gubernatores rerumpublicarum, & alij, singuli suum officium faciant, in timore tuo, & sancta quadam cura. Da vt nostra forte contenti, nostris facultatibus, cum in nostrum bonum, tum in aliorum commodum, & potissimum in tuam gloriam rectè vtamur, cum summa gratitudine, inuocatione tui nominis, gratiarum actione, ac beneficiorum tuorum prædicatione. Tibi sit honor, laus, gratiarum actio, in secula, Amen.

FORMULA PRECANDI PRO
ECCLESIA PASTORI
COMMISSA.

CLE

CLEMENTISSIME Pater cœlestis, cum Ecclesia filij tui sit tuus ager, & tuum sanctum verbum sit semen viuum: auerte, quæso, Diabolum, seminantem zizania falsæ doctrinæ & prauorum morum, ne nomen tuum apud profanos profanetur & blasphemetur: ædifica spiritualem montem Zion, & Ierusalem cœlestem: inspira singulorum mentibus veram noticiam tui: rege cogitationes nostras tuo verbo: accende affectus & puros castos: reforma magis magisq; volūtatē omnium: da vt omnes caueant scandala, vt omnes pietati erga te, & mutux dilectioni studeant. Auge spem in omnibus promissorum bonorum, daq; vt tandem per Iesum Christum beata immortalitate donemur, Amen.

Reliquus est ordo precationum, quas tempus & casus varij offerunt: quarum formulæ commodè præscribi non possunt. Vt ergo tempore & casu res offeruntur, ita pietas pastoris prorumpet, nunc in gratiarum actionem, si quid læti affertur: nunc in preces: si quid necessitas exigit præsens.

DE CVRA PASTORIS PRO
PAUPERIBVS.

QVIBVS rationibus pastor impelli debeat ad præstandam eleemosynam de suis facultatibus, supra, cum de pastoris domestica disci-

disciplina ageremus, dictum est easdem rationes accommodet ipse auditoribus suis, & sit sedulus, curet ut sint fideles procuratores pauperum: ut sint liberales ad conferendum pro ratione facultatum, ut sit recta distributio, ne quod collatum est, personis indignis conferatur.

In hac ergo re sit diligens pastor, cogitetque officium suum esse, ut exemplo Apostolorum, curam pauperum, praesertim domesticorum fidei, habeat.

Porro quatuor sunt genera pauperum, quorum curam oportet pastorem habere.

Horum PRIMUM est fratrum, qui exulant propter confessionem, aut alioqui fortunis spoliati sunt. Horum magnam curam habuisse Apostolos testantur Epistolae ad Galatas, Romanos & Corinthios. SECUNDUM genus est scholasticorum, qui opus habent praefidijs, ad continuanda studia Ecclesiae utilia. TERTIUM genus est medicorum, qui ostiaria victum quaerunt, quorum (proh dolor) nimis magnus numerus est. QUARTUM est pauperum, qui tamen publice non mendicant: tamen res illorum domestica est magis tenuis, quam ut inde ali commodè possint. Hic opus est magna prudentia, ne circumforaneis, pigris se venditantibus sub scholasticorum titulo, robustis mendicis, & potatoribus, qui potando

tando consumunt quibus vxor & liberi alii deberent, conferatur eleēmosyna. Hūc valeat regula Pauli: Qui non laborat, non manducet. Hortetur ergo pastor suos auditores, vt amanter complectantur pios exules, cogitentq; de communi sorte filiorum Dei: vt pauperes scholasticos iuuent liberaliter, sed eos qui sibi fuerint commendati honestis testimonijs: vt mendicos pios subleuent: vt curam habeant eorum, quorum labores non sufficiant alendæ familiæ. Breuiter, fides & charitas sint eleēmosynarum regulæ.

Q V O D P A S T O R D E B E A T
ESSE FORMA GREGIS.

*Pastor est forma
ma gregis.*
P A V L U S requirit à pastore, vt sit forma fidelium in doctrina & dilectione, &c. Et Petrus iubet, vt presbyteri sint exemplaria gregis. Hūc illud Pauli: Estote imitatores mei sicuti ego Christi. Tunc enim (vt quidam ex Patribus dicit) Verbi semen facile germinat, quando hoc in audientis pectore pietas prædicantis rigat. Hūc pertinet & illud Senecæ: Animum non faciunt, qui animum non habent. Et Gregorius ait: Tanrum debet actionem populi præcedere actio præsulis, quantum distare solet à grege vita pastoris. Vnde Augustinus: Talis eligatur pastor, vt eius respectu, cæteri grex dicantur. Et illud Gregorij:

rij: Pasce verbo, pasce exemplo, pasce subsidio. Pasce verbo prædicationis, docte: pasce exemplo conuersationis, sanctè: pasce subsidio charitatis, piè.

Porro hûc pertinent omnia, quæ suprà dicta sunt de moribus pij pastoris. Debet enim pij pastoris vita, norma esse gregis: Vt quemadmodum vox pastoris est regula vitæ gregis: ita exemplum regulæ, pastoris mores esse debent.

In hoc ergò pastor incumbat, vt retineat fidem & bonam conscientiam, vt possit suos auditores cum Paulo exhortari ad officium præstandum, hoc modo: quæcunq; sunt vera, quæcunq; honesta, quæcunq; iusta, quæcunq; pura, quæcunq; amabilia, quæcunq; boni nominis: si qua virtus, & si qua laus, hæc cogitate, quæ & didicistis, & accepistis, & audistis, & vidistis in me.

Vides mi pastor quòd non tantum ore doceat Apostolus, quid fieri oporteat, verum etiam iubeat suos auditores se intueri, tanquam formam & exemplar doctrinæ. Quem si tu imitatus fueris, cum Paulo olim perpetuum & lætissimum percipies fructum.

QUAENAM SIT POTESTAS PASTORIS.

ET si ex ijs quæ de officio pastoris dicta sūt, intelligi potest, quousq; se extendat eiusdem potestas. Nam hæc partibus officij absoluitur: tamen operæ precium iudico, paucis ostendere, quibus terminis claudatur potestas pastoralis. Nam duo genera hominum video hîc non parum peccare.

Sunt enim qui supra modum extollunt potestatem Ecclesiasticam. Sunt rursus qui hanc nimium contemnunt, ac prorsus vt nullius numeri, vilipendunt. Nos ergo nec illorum superbiam, nec horum ὀλιγορίας approbantes, in medium nonnullâ adducemus, de potestate pastoralis, quæ speramus bonos & cordatos viros nequaquam improbaturus.

Paulus Corinthijs scribens ait: Etsi amplius quidpiam glorier de potestate nostra, quam dedit Dominus nobis in ædificationem, & non in destructionem. His verbis Paulus primùm testatur, ministros verbi habere potestatem quandam, dum asseuerat eam potestatem ipsis traditam esse a Domino. Tùm addit finem huius potestatis, quæ est ædificatio. Postremò eandem restringit, ne quis ea ad destructionem abutatur. Nullam enim Dominus suis contulit potestatem, ad destructionem Ecclesiæ seu domus Dei, sed ad euertendum regnum tenebrarum.

Hoc ergo pastor primùm sciat, se sublimi
pote-

*Ministri verbi
i. d. t. e. potestatis.*

Finis illig.

h. i. m. f. a. b. i. o.

potestate
potestas,
non destr
potestatem
vt econon
Christi Don
Quoni
nera, hic dili
sibi conveni
per quod no
negligat &
Est itaq;
cip, aut iusti &
POTES
nam habet i
subiectas.
potestate, q
rectæ. Hat
potestatem
bet, Roma.
agri quos vi
lam qu
tem, hoc est
ait: Scriptu
Christ
inquit, om
Papa dicit
Papa hanc
trus, cuius

potestate donatum esse. Deinde quod hæc potestas, spectet ad ædificationem Ecclesiæ & non destructionem. Habet autem pastor hanc potestatem non ut Dominus *ἀνυπεύθυνος*, sed ut *oeconomus Christi*, qui omnia ad nutum Christi Domini administret.

Quoniam autem plura sunt potestatis genera, hîc diligenter pastori spectandum est, quæ sibi conueniat, & quæ non: ne vel sibi ius usurpet quod non habet, vel etiam ius quod habet negligat & prætereat.

Est itaq; omnis potestas aut iuris, aut officij, aut iusti & æqui, aut facti. *Potestatis hæc sic.*

POTESTAS IURIS est, qua quis dominium habet in res proprias, suo non alieno iuri subiectas. Ut facultates meæ, sunt sub mea potestate, quia meo iuri & non alieno sunt subiectæ. Habeo ergo in meas res dominium & potestatem. Sic figulus potestatem luti habet, Roma. 9. Et in potestate Ananiæ erant agri quos vendidit, Acto. 5. *Potestas iuris.*

Iam quæritur num pastor talem potestatem, hoc est, iuris, habeat in Ecclesiam. Papa ait: Scriptura negat.

Christus Matthæi ultimo: Data est mihi, inquit, omnis potestas in cælo & in terra. Sed Papa dicit hanc ipsam sibi à Christo datam. Si Papa hanc habet, habuit eam ante ipsum Petrus, cuius successorem se esse gloriatur Papa.

O 3

Sed

Sed quid dicit Petrus? 1. Petri 5 Non dominantes in clero, Et Paulus 2. Corinth. 1. inquit: Non dominamur fidei vestræ.

Proinde qui hanc potestatem, hoc est, dominium in Ecclesiam sibi vsurpant, Antichristi sunt & non Christi ministri.

Potestas officij
72 POTESTAS OFFICII est, quæ datur pastori ab eo cuius est minister. Hæc potestas non potest dari, nisi ab eo qui habet potestatem iuris, hoc est, nisi à Christo, qui solus habet in Ecclesiam plenum dominium.

Potestas officij ad
modos Pastoris
le d. 2. l. 1. p. 1. Hæc potestas de duabus rebus admonet pastorem. PRIMUM, vt ex officio agat, quæ Dominus ipsi imperauit. DEINDE, quod ratum sit coram Christo Domino, quicquid facit pastor iuxta officij regulam.

Potestas officij
alio est Verum vt plenius intelligatur, qualis sit officij pastoralis potestas, notanda est hæc differentia: Quod quædam potestas officij sit determinata, quædam indeterminata, quantum quidem ad modos attinet.

Determinata
est DETERMINATA potestas officij pastoralis est, quæ intra certos terminos clauditur, ita vt non liceat istos terminos transilire. Hæc potestas eorum est, quæ certo verbo Dei expressa sunt. Huic enim verbo nec addere, nec adimere quicquam vlli mortalium licet, Hæc potestas sublimis est. De ea enim ita ait Christus, Qui vos audit, me audit, Qui

Qui vos sp
enim lega
quid agen
hnes trans
tionis, si q
diderit, vel
si Euangelia
officio mala

INDET
storalis est, qu
expreslo ver

Verum in hoc
tum est, quod h

non debeat alie
regulis verbi D

implicite. P
mortuis: sed h

capio: frustra
tum. Idem i

parus admira

Deinde,
proficiscitur, i

sed ad ædifica
Prætere

remonijs: &
iuxta modum

terno Eccles
POTE

Qui vos spernit, me spernit. Quemadmodum enim legatus, cui committitur a principe suo, quid agendum sit ipsi & dicendum, legationis fines transgreditur, & fit reus malè actæ legationis, si quicquam mandato principis vel addiderit, vel ademerit: ita minister Evangelij, si Evangelium Christi non purè prædicauerit, officio mala fide fungi conuincitur.

INDETERMINATA potestas officij pastoralis est, quæ in ijs rebus sita est, quæ non sunt expresse verbo Dei determinata à Domino. Verùm in hoc genere potestatis primùm sciendum est, quòd hac potestate fretus, nō possit, aut non debeat aliquid constituere, quod expressis regulis verbi Dei repugnat, siue expresse, siue implicite. Papa ordinat missas pro viuis & mortuis: sed hæc constitutio pugnat cum principio: frustra colitur Deus mandatis hominum. Idem iudicium esto de plerisq; quæ papatus admiratur, vt mysteria magna.

Deindè, debet quicquid ex hac potestate proficiscitur, pertinere non ad destructionem, sed ad ædificationem Ecclesiæ.

Præterea habet hæc potestas locum in ceremonijs: & alijs quæ faciunt ad ordinem & εὐσχημονίαν in tractatione religionis, & in externo Ecclesiæ regimine.

POTESTAS IUSTI ET ÆQUI, est qua licet

O 4

licet

Potestas iust
et æq.

licet vti pastori in ijs, quæ ipsi ex iusto & æquo debentur. Potest ergò pastor victum sibi debitum & ordinaria stipendia exigere. Hæc potestas confirmatur multis Scripturæ testimonijs. Dignus est mercenarius mercede sua. Item: Dominus ordinavit, vt qui Euangelium prædicant, ex Euangelio viuant.

Hæc potestas iusti & æqui cum officij potestate cohæret. Qui enim officium non facit, nec iure mercedem quærit, nec iustè eam accipit. Viderint ergò Papistæ ociosi, qua fronte tantos thesauros Ecclesiæ deuorent.

Verùm hîc sciendum est, quod tametsi iustum & æquum est, si pastor debitam mercedem à suis auditoribus expetit: tamen habet etiam potestatem remittendi quod sibi iure debetur. Quemadmodum exemplum Pauli apertè docet.

Potestas facti.

POTESTAS FACTI est facultas ea, quæ ad officium pertinet faciendi. Hæc potestas requirit, vt aliquis sit idoneus ad officium pastorale: hoc est, vt pastor & sciat & possit facere officium, atq; etiam faciat. Hîc pertinet cura Episcoporum, seu superattendentum. Nam & eorum qui recipiendi sunt ad ministerium, & eorum qui iam recepti sunt, curam habebit vigilans Superattendens seu Episcopus: explorabit an eligendus sciat & possit facere officium, inspiciat an factus pastor officium ritè faciat.

Verùm

Verum quoniam ad officium particulare Episcoporum deueniemus, adiiciam duo, examen eorum qui sunt recipiendi ad ministerium, & visitationis capita.

Examen eorum qui sunt recipiendi ad ministerium verbi, triplex esse debet: an sint docti, an mores tantæ functioni congruant, an sint ad faciendum officium idonei. *Exemplum est recipiendi tripliciter.*

Doctrinæ corpus & partium analysin tenere oportet eum, qui ad officium pastorale admittendus est. Præcipua religionis capita teneat, cum definitionibus, diuisionibus, scripturæ sententijs, & exemplis de singulis. Teneat quoq; seriem historiarum sacrarum: argumenta singulorum librorum, in veteri & nouo Testamento.

Si quis obijciat, nimis rigidum examen futurum, si ista omnia à futuro paracho postulantur. Respondeo tam angusto officio non debere præfici rudes & imperitos asinos, quales, pròh dolor, multos in ministerio Euangelij esse nouimus, & præcipuas obtinere parochias.

In moribus spectantur, educatio, vita acta, præsentis mores, testimonia aliorum, Breuiter, sint mores quales Paulus requirit, scribens Timotheo & Tito.

Ut quis sit idoneus requiritur ætas iusta, & docendi donum.

Capita visitationis sunt.

O 5

An

*capite visitati
supis.*

1. An ministri suum officium faciant.
2. Exhortatio populi ad obœdientiam erga Euangelium.
3. Cura administrationis bonorum Ecclesiasticorum.
4. Commendatio pauperum apud populum: videlicet, vt singuli aliquid conferant in vñs pauperum.
5. Exhortatio, vt singuli suum officium faciant in timore Dei, fide & patientia, &c.

QVOD NAM PRÆMIUM SIT PASTORIS RECTE PRÆSTANTIS OFFICIUM.

*capitulum
pastoris
liber.*

PRÆMIUM pastoris recte præstantis officium, duplex in scripturis inuenio. Vnum, quod in hac vita datur: alterum, quod promittitur in futura. Illud appellare licet temporale: hoc, æternum. Nam vt illud tempore clauditur: ita hoc in æternum durat.

*Præmiis
generalis
partes*

Temporalis præmij partes sunt quatuor: ¹Victus, ²honor, ³bona conscientia, & ⁴donorum augmentum.

De his partibus ordine ex scripturis dicam, vt ijs pastor, tametsi principaliter ad officium præstandum cogitatione gloriæ Dei, & amore pastoris Christi, vt supra explicatum est, excitetur: tamen moueatur minus principaliter hisce præmij, quæ filius Dei ordinauit pasto-

pastoribus
est.

Vt
statutur in
esse a Do
Euangelio
10. Dignu
Paulus rur
nicet autem
se instituit, e
dictum, Deu
nam in om
Huiusm
stantur victi
Euangelij.

Ha
PRIMV
ordinare n
SECVN
naturali &
mia.

TERT
& accipere
mercedem
quemadmod
remus de po
Verum
obijciunt n
li, & expre

pastoribus. De victu ergò primùm dicendum est.

VICTVM deberi pastoribus, Paulus testatur in multis locis. Dicit enim constitutum esse à Domino, vt Euangelio seruietes, de Euangelio viuant. Et Christus dicit Matthæi 10. Dignus est operarius mercede sua. Et Paulus rursus Galatis scribens, ait: Communice autem qui instituitur in sermone ei, qui se instituit, omnia bona. Neq; hinc alienum est dictum, Deutero. 12. Caue ne derelinquas Leuitam in omni tempore, quo versaris in terra.

Huiusmodi sunt plurima testimonia, quæ testantur victum & stipendia deberi ministris Euangelij.

Hæc testimonia tria docent.

PRIMUM, quòd officium pij magistratus, sit ordinare ministris Ecclesiarum stipendia.

SECUNDVM, quòd auditores debeant iure naturali & diuino, prædicatoribus iusta præmia.

TERTIVM, quòd ministri verbi possint & accipere stipendia, & exigere ordinariam mercedem ab ijs, qui sponte non soluunt: quemadmodum suprà indicauimus, cùm ageremus de potestate pastoralis.

Verùm qui iniquiores sunt ministris verbi, obijciunt mandatum Christi, exemplum Pauli, & exprobrationem Michææ Prophetæ.

Manda-

object.

Mandatum Christi est: Gratis accepisti,
gratis date. Hinc inferunt non licere ministris
 stipendia ordinaria petere: sed perperam, ut
 ex alijs locis apparet. Non enim gratuitæ di-
 X. spensationi repugnat, quòd Ecclesiæ doctores
 publicis stipendijs aluntur, modò vltro & li-
 beraliter Christo & Ecclesiæ seruiant: victus
 autem sit quasi laboris accessio. Significat qui-
 dem Christus, neminem sincerū fore verbi Dei
 10. ministrum, nisi qui operam suis gratis impen-
 dere paratus sit: non tamen tollit, quod antea
 dixit: Dignus est operarius mercede sua. Et
 Paulus Corinth. scribens, ait: Quis militat pro-
 prijs stipendijs vnquam? quis plantat vineam,
 & de fructu eius non edit: aut quis pascit gre-
 gem, & de lacte gregis non edit? & paulò post:
 Si nos vobis spiritualia seminauimus, magnum
 est si nos vestra carnalia messuerimus?

Hæc dictorum collatio satis ostendit,
 Christum non prohibere ministris stipendia,
 sed præferendam esse gloriam Dei.

object.

Exemplum Pauli, cuius ipse meminit, 1.
 Corinth. 9. & Acto. 20. obijciunt, qui noluit
 stipendium accipere à Corinthijs & Ephesijs,
 sed suo artificio & sibi ac socijs victum quæ-
 siuit. Paulus in Corinthijs apertè docet: iu-
 re debere ministris stipendia, sed cur ipse
 non acceperit, hanc causam assignat: Omnia
 R. (inquit) sustinemus, ne quid remoremur
 Euangelinm Christi.

Quan-

Quando enim aduersarij viderunt, Paulum prædicare Euangelium, nulla habita stipendij ratione, præcidebatur calumniandi occasio, qua putari poterat Apostolus, quæstus gratia reliquisse Iudaismum, & prædicare Euangelium. Deinde eo tempore non fuerunt ordinaria constituta stipendia, vt nunc sunt. Quare & temporis ratio spectanda est.

Exprobratio Prophetæ Micæhæ 3. hæc est: *Obiect.*
Sacerdotes eius pro mercede docebant, & Prophetæ eius pro pecunia diuinabant. Pœnam subiicit: Zion quasi ager arabitur. Qui hoc obijciunt, deberent quæ in eodem contextu præcedunt aspicere. Principes eius pro mun- *R*
neribus iudicabant. Non solum ergo sacerdotes, verum etiam iudices auaritia corruptos ostendit. Sicuti ergo licet iudicibus & principibus, sua stipendia accipere: ita & sacerdotibus & ministris Euangelij. Sed vtrique caueant, ne pecuniam potius quærant, quàm iusticiam. Damnantur ergo Prophetæ voce, cum principes, tum sacerdotes, qui ad quæstum abutuntur officio.

SECUNDA M partem præmij pastoris diximus honorem esse. Paulus enim aperte dicit: Qui benè præsunt presbyteri, duplici honore digni sunt. Deinde, vt patres spirituales coluntur à pijs auditoribus. Præterea, non potest maior honor esse, quàm quòd sint co- *Honor*
operarij

operarij Dei, & œconomi myſteriorum Dei. Hic caueat paſtor, ne honorem ſpectet ſuum, quærendo eum per aliorum contemptum. Nam honor, qui debetur miniſterio, ſpontè ſequitur fugientem. Papa ſe præponit Cæſaribus & Regibus, qua in re non ſe Chriſti Apoſtolum, ſed apoſtatam declarat, & antichriſtum oſtendit. Chriſtus vult ſuos non dominium honoris quærere, ſed miniſterium, quo omnibus ſe piè ſubijciant. Caueat ergò paſtor, ne hanc premiij ſui partem, imputo affectu contamineſcit.

3. *Bona gſcientia* TERTIA pars premiij eſt bona conſcientia, quæ comitatur eum, qui fidem retinens in timore Dei facit, officium, ſolam gloriam Dei, & ædificationem Eccleſiæ ſpectans.

Hæc eſt gloriatio noſtra (inquit Paulus) teſtimonium conſcientiæ noſtræ. Loquitur enim de miniſterio ſuo. Et alibi dicit: ſe ſeruire Deo pura conſcientia. Qui & diaconos hortatur, vt teneant myſterium fidei cum puta conſcientia. Præcipit quoq; Timotheo ſuo, vt militet honeſtam militiam, retinens fidem & bonam conſcientiam.

Hanc conſcientiam conſequitur pius paſtor, ſi, vt dixi, & ipſe retineat fidem, & officium faciat ſincere, ſpectans Dei gloriam, & Eccleſiæ ædificationem. Huius bonæ conſcientiæ iacturam faciunt, non ſolùm qui ſine legit-

4.
S. 2. member
donor.

Beatus Lutherus non in principio causæ Euangelij ita excelluit vt postea, habuit sua quædam tenuia principia. Animaduertit indulgentiarum Papisticarum vanitatem, huic se fortiter opposuit, non cogitans de abrogando Papatu. Verum in hac lucta augentur dona Dei Luthero, & quotidie nouis incrementis sunt auctiora: adeo quod tandem electum organon Dei factus sit, quo Deus suam Ecclesiam purgare ab abominandis Papistarum erroribus voluit. Hunc sanctum virum pij pastores sibi proponant, ac in timore Dei faciant officium: quod si fecerint, sentient promissionem Christi, qua promittit incrementa recte vtenti

uentibus collatis donis, non fore inanem.

Dixi de præmio temporali pastoris piè & sanctè præstantis officium. Sequitur præmium, quod in futura vita propositum est, iuxta promissiones Dei.

*De premio pa-
storis in
futura*

De hoc præmio loquitur Petrus 1. Pet. 5. ubi hortatur Episcopos, hoc est, pastores, ut non coactè, sed voluntariè: neq; turpis lucricausa, sed liberaliter Episcopatu fungantur. Et (inquit) cum apparuerit princeps pastorum, reportabitis immarcescibilem gloriæ coronam.

De hac corona & Paulus loquitur, cum ait: Certamen præclarum decertavi, cursum consummaui, fidem seruaui. Quod super est, reposita est mihi iusticiæ corona, quam reddet mihi Dominus in die illo, &c. Et Daniel 12. Qui autem docti fuerint, fulgebunt quasi splendor firmamenti, & qui ad iusticiam erudiunt multos, tanquam stellæ in seculum, & in æternum.

In hoc præmium, quia bonitate Dei promissum est, & propositum pastoribus piè suo fungentibus officio, debet pastor fide intueri, & excitari ad strenuè faciendum officium. Nisi enim in hunc finem intenti fuerint pastores, fieri nullo modo potest, ut gnauius in cursu vocationis suæ pergant: quin potius subinde deficient. Nam innumera sunt offendicula, quæ exanimare possent etiam maximè cordatos.

Sæpè

Sæpè cum ingratis hominibus negocium est, à quibus rependitur indigna merces: longi & immensi labores, sæpe irriti: Sathan peruersis suis machinationibus interdum præualet. Ergò ne frangatur aduersis pius Christi seruus, vnicum hoc remedium habet vt in Christi aduentum oculos conuertat. Ita fiet, vt suum laborem, qui carere profectu videtur apud homines, gnauius obeat: cui tanta merces apud Dominum est reposita.

Hæc sint breuiter de præmio pastoris dicta, quibus suo loco mouebitur ad sedulò præstandum officium.

QVÆ POENA SIT PASTORVM
MALE FVNGENTIVM
OFFICIO.

VT AVTEM magis excitetur pastor ad faciendum officium, ponat sibi ob oculos pœnas neglecti officij, quæ sunt cum temporales, tum æternæ.

Temporales pœna sunt variæ:

Quædam propriam pastoris personam attingunt, vt mala fama apud pios.

Quædam conscientiam tangunt. Qui enim perfidè officium facit, vastat conscientiam, quam postea circumfert perpetuam testem sui sceleris.

Quædam in donis fiunt iuxta illud: Ei

P

qui

qui non habet, auferetur ab eo quod habet: hoc est, qui donis Dei ad Ecclesiæ ædificationem non utitur, spoliatur paulatim donis, ut cæcus factus nec suam salutem cogitet nec aliorum curam habeat: donec tandem tradatur iusto Dei iudicio in reprobam mentem, ut probe*t* improbanda, & improbet probanda.

Quædam in familiam redundant. Solet enim Deus impietatem ministrorum verbi punire in vxoribus, & liberis, ut apertè in exemplo Heli Sacerdotis conspicitur.

Haftenus de temporalibus pœnis, quæ leues sunt respectu spiritualium & æternarum pœnarum.

*legunt spirituales
les et æternæ.*

Maledictus (inquit Propheta) qui facit opus Domini fraudulenter. Quænam, quæso, pœna maledictione diuina magis pertimescenda? Notus est locus Ezechielis 3. Quum dixero ego impio, moriendo morieris, & non admouneris eum, nec locutus fueris, ut caueat impius, ut recedat à via sua impia, ut viuat: ipse impius in iniquitate sua morietur, sanguinem autem eius de manu tua requiram. Vide quanta pœna manet pastorem non facientem officium. Sanguinem, inquit, eius de manu tua requiram: hoc est, tibi imputabitur mors eius, & pœnas de te sumam, quod fueris causa interitus & perditionis eius.

Huc

H
quæ pr
addim
tem ire
Idem pa
speculato
culpa esse

Huc
Israël, qui
In de
dam Patris
voluntatem
tis euident
imperat, tan
qui habent
im contra
lege quod

Has
cogitation
ficio, ne
gligentiu
Figu
ouile CH
gentia qu
cæ Noh
arca peri
fuis. C
clesiam

Hûc illud Gregorij: Nos super ea mala,
quæ propria habemus, alienas quoq; mortes
addimus: quia tot occidimus, quot ad mor-
tem ire quotidie tepidi & tacentes videmus.
 Idem paulò infra: Sanguis morientis de manu
 speculatoris requiritur, quia peccatum subditi,
 culpa esse propositi, si tacuerit, reputatur.

Hûc & illud Ezech. 34. Væ pastoribus
 Israël, qui pascunt se solos.

In decretis pontificijs habetur hoc cuius-
 dam Patris dictum: Is qui præest, si præter
voluntatem, vel præter quod in scripturis san-
ctis euidenter præcipitur, vel dicit aliquid, vel
imperat, tanquam falsus testis Dei aut sacrile-
gus, habeatur. Iam qua pœna sit dignus qui fal-
 sum contra Deum testimonium dicit, & sacrile-
 gè quod Dei est, furatur, facile est cogitare.

Has pœnas cogitabit pastor, ut earum
cogitatione accendatur, ad diligentiam in of-
ficio, ne vel pigritia, vel metu officium ne-
gligentiùs faciat.

Figura quædam insignis pastorum, qui
 ouile CHRISTI extruunt, & non tamen ea dili-
 gentia qua deceret sibi cauent, in fabris ar-
 cæ Nohe proposita est. Hi enim extructa
 arca perierunt in diluio, seruato Nohæ cum
 suis. Caueant ergò pastores, ne dum Ec-
 clesiam suo ministerio extruunt, se ipsos flucti-

*Figura
 extruunt
 se ipsos*

bus maledictionis, vel officij præstandi negligentia, vel morum prauitate obijciant.

Hæc sunt quæ fratribus communicare hoc tempore visum est de pastore bono, vt ostenderem, qualis ipse pastor apud se, hoc est, cum secum agat solus: qualis in domo, cum vxore, liberis, & familia: qualis in conuersatione, quoties opus fuerit foris cum alijs agere: & qualis in officio Ecclesiastico esse debeat.

ORO æternum patrem Domini nostri Iesu Christi principis pastoris, vt nos faciat organa vtilia suæ Ecclesiæ, regatq; nos suo Spiritu, vt ea quæ illi grata sunt faciamus: quò & pastores & oues vnum simus in Domino coniuncti vinculo dilectionis, vt ita retinentes fidem & bonam conscientiam in hoc vitæ cursu, lætiq; hinc migrantes, beata immortalitate donemur, per Dominum nostrum IESUM CHRISTVM, qui cum DEO Patre, & Spiritu sancto in vnitæte diuinitatis viuunt ac regnat in omnia secula seculorum,

AMEN.



PRO-

PROPOSITIONES XXXVII.

de legitima veri cultus Dei
ratione.

I.

OMINES AD PRÆDICATIONEM Euangelij (qua est pœnitentiæ, & remissionis peccatorum in nomine Christi) conuersi, & spiritualiter renati, Deo spirituales quendam cultum debent, quem soli credentes & intelligunt & præstare possunt.

II.

Philosophi quidem omnibus ætatibus se torserunt, in tradenda huius cultus ratione: & quidam ex illis, ut Socrates, Plato, Xenophon, &c. multas præclaras gnomas reliquerunt: sed nullus eorum scientiam colendi Deum veram monstrauit.

III.

Nam etsi principia quadam huius cultus, naturæ lumine viderunt philosophi: tamen priusquam ad rem deuentum est, in horribiles demersi tenebras, & se & suæ doctrinæ sectatores miserè deceperunt: ac à vero Deo aberrantes, creaturam & demonia coluerunt, sicuti cum historia mundi Paulus Apostolus testatur.

IIII.

Verum de tenebris istis suam Ecclesiam educit Dominus, prætensa verbi sui lucerna, sicuti sanctus ille Rex David testatur, cum inquit: Lucerna pedibus meis verbum tuum, & lumen semitis meis.

V.

Huius lucerna splendore, quæ ad substantiam huius divini cultus pertinent, inquirere operæ precium est, ne vel cum Philosophis umbras inanes sectemur, vel de uno errore in alium cum Monachis, spreta lucerna cœlesti, feramur.

VI.

Sunt autem quatuor quibus probè ex verbo Dei perceptis, solida cultus Dei sciëntia haberi potest.

1. *Regula, ad quam tanquam ad Lydium lapidem exigendus est cultus Dei.*
2. *Fundamentum.*
3. *Definitio seu Ratio.*
4. *Cultus Dei in suas quasdam formas sectio.*

VII.

Regula cultus Dei generalis est hæc: Nullus cultus Deo acceptus est, nisi quem ipse Deus proprio suo verbo ordinat ac homini commendat.

Hanc

VIII.

Hanc regulam vox Dei apud Isaiam, & Dominus in Evangelio confirmat, cum inquit: Frustrà colunt me docentes doctrinas, mandata hominum. Et Paulus clarè damnat omnes ἐβελοθησκειᾶς hoc est, cultus, quos homines bona, ut dicunt, intentione excogitant. Hinc accedit quod Paulus disertè pronunciat, impossibile esse placere Deo sine fide. Et rursum: Quicquid non est ex fide peccatum est.

IX.

Hanc ergò regulam teneant pi, & quidvis potius patiantur, quam ut sinant eam sibi vlla Diabolorum, aut hominum tyrannide, hypocrisi & sophistica eripi. Nam ea amissa, omnis superstitionis & idolatriæ ianua est aperta, & regnum Christi inuaditur.

X.

Usus huius regulæ est multiplex. Primum enim ea stabilitur autoritas legislatoris Dei. Nam ut in Republica, ubi liberum est cuilibet condere leges pro suo arbitrio, autoritatem supremi domini vilescere necesse est: ita etiam in Ecclesia Dei autoritas contemnitur, quando alij alios cultus Ecclesiæ obtrudunt. Quare cum hanc autoritatem sibi soli vendicat Dominus in primo præcepto, caueat pulvis & cinis, ne sibi honorem diuinæ maiestatis usurpet.

XI.

P 4

Deinde.

Deinde, hac regula liberat nos ab errore Eihnico, Pharisaico & Papistico, ne cum illis sine modo superstitiones & ἐθειλογραφείας cumulemus.

XII.

Præterea nos animat hac regula ad audacter contemnendas, & detestandas omnes paparum ac monachorum regulas ac leges, quas volunt Ecclesia obtrudere, cum infinitis penè cultus generibus, de quibus vox Dei nullum planè verbum habet. Quare utut speciose sunt humane leges de cultibus, quos ignorat verbum Dei, securè à pijs omnibus contemnantur ac vitentur, non secus atq; serpens, qui in paradysò decipit Heuam.

XIII.

Donec enim steterit vox Dei, & regula quam sequimur, fieri aliud non potest, quàm ut omnes cultus quos non tradit verbum Dei, sint cultus demoniorum, quemadmodum & Paulus testatur.

XIIII.

Sequitur secundo loco fundamentum cultus Dei, quod in quouis homine volente Deum ritè colere, iustum esse oportet. Huius fundamenti duæ sunt partes: Cognitio Dei, & cognitio nostri.

Cogni-

XV.

Cognitionem Dei consequimur duabus rebus, nimirum verbo & testimonio. Hæ enim due res coniunctæ docent nos, quod Deus sit fons omnis virtutis, iusticiæ, sapientiæ, veritatis, salutis: quod Deus sit ad iuvandum promptus sua natura, quodq; illi soli omnis gloria sit tribuenda.

XVI.

Quod autem hæc Dei cognitio sit pars fundamenti cultus Dei, testatur ipse Deus, Isaia 19. Cognoscet Aegyptij Dominum in die illo, & facient sacrificia & oblationem, vovebuntq; vota Domino ac reddent.

XVII.

Cognitio nostræ, quam dixi alteram partem esse fundamenti cultus Dei, ex trium rerum contemplatione petenda est: nimirum ex fine creationis, ex virium presentium aestimatione, ex facilitate lapsus in peccatum.

XVIII.

Finis docet officium, quod est referri imaginem Dei in sincera pietate & iusticia vera: vires presentes docent, quod prestare Deo debitam obædientiam minimè valeamus: lapsus frequentes nos admonent fragilitatis nostræ & infirmitatis.

P 5

Harum

XIX.

Harum rerum consideratio non hypocritica, facit, ut omnem gloriandi materiam abiciamus, & nos soli diuine bonitati committamus, omni fiducia salutis coniecta in filium Dei Dominum nostrum Iesum Christum. Nam ipse fons ille est, de quo Pater celestis vult nos aquas salutis haurire.

XX.

Tertio loco proposui cultus Dei definitionem certam tenendam esse, qualis est hac. Cultus Dei est opus mandatum à Deo, factum ex fide, in celebrationem gloria Dei principaliter.

XXI.

In hac definitione sunt tria, quae necessariò coniuncta sunt in vero Dei cultu: opus preceptum, fides, celebratio Dei. Nam si vnum ex his dempseris, actio quantumvis speciosa, non habet rationem cultus Dei.

XXII.

Opus preceptum, est materia cultus Dei, sine qua cultus Dei esse non potest. Verùm si quis peregrinam materiam substituat, cultus Dei non erit. Vt inuocatio Sanctorum est opus, celebrare missam est opus, rosarium peragere est opus: sed quia à Deo non sunt precepta

precepta
pia potius

Secundus
cultus Dei
cultus, nisi
crater, capla
cepta. Sed q
fuit cultus
cultus Deo
Egypti ce
Dei fuit, Sc

Quod
formet opus
lam opus pla
rem fide. S
sum: num
opera, qua
fidem. T
nostrum ob
galibus, qu
fides facit
Oportet en
QVINT
ram Dei.

*praecepta, non possunt esse materia cultus Dei, sed im-
pia potius superstitionis.*

XXIII.

*Secundum, quod necessario requiritur in ratione
cultus Dei, est fides. Nam opus praeceptum non est
cultus, nisi fides sit eius effectrix. Castus fuit Xeno-
crates, castus fuit & Ioseph: utriusque castitas erat prae-
cepta. Sed quia ille fide vacuum erat, eius castitas non
fuit cultus Dei: huius verò, quia fides prae lucebat,
cultus Deo gratissimus, qui in gloriam Dei in tota
Aegypto cessit. Similiter Danidis militia cultus
Dei fuit, Scipionis minimè.*

XXIII.

*Quod autem fides necessario requiratur, ut quæ
formet opus, multa sunt rationes. PRIMA, nul-
lum opus placet, nisi prius persona placeat, placet au-
tem fide. SECUNDA, opus non placet nisi sit ius-
tum: nunc autem ut persona iustificatur fide, ita
opera, quæ facit iustificatus, iusta habentur propter
fidem. TERTIA, fides facit ut voluntarium sit
nostrum obsequium, & non veluti coactum minis le-
galibus, quod in cultu Dei requiritur. QUARTA,
fides facit ut opus externum sit spiritualis cultus.
Oportet enim omnem Dei cultum spirituale esse.
QUINTA, differentiam facit fides inter cultum ve-
rum Dei, & alias omnes superstitiones. SEXTA fides
regit*

regit defectus operum & infirmitates multas, quibus
 aliqui contaminaretur cultus Dei.

XXV.

Proinde omne opus, cui non pralucet fides, siue
 preceptum sit, siue liberum: impurum, superstitio-
 sum, carnale est. Impurum, quia ex impuro corde
 proficiscitur: superstitiosum, quia non regitur fide:
 carnale, quia Spiritu Christi destituitur.

XXVI.

Phariseus in Euangelio liberalis fuit in paupe-
 res, fuit castus, fuit sobrius, ex iustæ partis vixit.
 Hec, si preceptum tantum consideres, præclara
 fuerunt omnia: sed, quia vacuus erat fide, omnia
 ista sunt impuritate animi contaminata atq; idè
 abominabilia coram Deo. Contrà autem Cornelij
 aulici eleëmofina, castitas, sobrietas, iusticia, placue-
 runt Deo, ut spiritualis cultus. Nam pralucebat
 fides.

XXVII.

Hinc facile est iudicare, quid sit sentiendum de
 operibus, quæ Papa ut cultum Dei, tyrannide, So-
 phistica, & hypocrisi tuetur, qualia sunt monastica
 vita, vota impuri cœlibatus, aqua lustrali aspergi,
 inungi unguento pontificio, innocare Sanctos,
 pere-

peregrinari ad loca longinqua religionis ergò, adorare reliquias Sanctorum, missare pro vivis & mortuis, circumgestare panem, reponere panem intra cancellos ut adoretur, & eius generis penè infinita: quæ omnia sunt apertissimi characteres Antichristi.

XXVIII.

Huiusmodi itaq; Papalia opera qui ponit in cultu Dei, quid sit cultus Dei nunquam didicit. Nam nihil in ijs est, quod ad cultus Dei rationem pertinet. An non aperte contra regulam supra traditam pugnant? An non omnibus partibus destituuntur, quæ requiruntur in vera cultus Dei ratione? Quare ista relinquamus Sathane Toparchæ, hoc est, Antichristo: & nos sequamur facem verbi Dei, quæ sola nobis veram viam cultus salutaris monstrat.

XXIX.

Tertium definitionis cultus Dei membrum fecimus, ut opus preceptum ex fide factum, tendat in celebrationem gloriæ Dei. Ut enim à fide proficisci debet omnis cultus Dei: sic tendat in gloriam Dei principaliter necesse est, ita ut gloria Dei sit ultimus finis operis.

XXX.

Hoc confirmatur Isaia dicto: Omnem qui in-
nocat

uocat nomen meum, in gloriam meam creauit eum, formauit eum, feci eum. Et Dominus apud Mattheum: Sic luceat lux vestra coram hominibus, ut glorificent Patrem vestrum cœlestem. Hæc & illud Augustini aduersus Iulianum: Noueris itaq; non officijs, sed finibus à vicijs discernendas esse virtutes. Officium autem est quod faciendum est: finis verò propter quod faciendum est. Cum itaq; facit homo aliquid, ubi peccare non videtur, sed non propter hoc facit, propter quod facere debet, peccare conuincitur.

XXXI.

Esi autem ultimus & principalis finis cultus Dei, est gloria Dei, tamen nihil prohibet gradus esse mediorum finium, qui ultimo destinantur. David militat, ut defendat ciues: defendit ciues, ut incolumis sit Respublica: vult incolumem Rempublicam, ut doctrina religionis conseruetur, & propagetur: idq; ideò ut Deus glorificetur.

XXXII.

Postremum, quod spectandum in cultu Dei proposui, est eius in suas formas seu potius modos selectio. Hæc sectio ideò obseruanda est diligentius, quia non solum ostendit quàm latè pateat cultus Dei, verum etiam errorem eorum confutat, qui ociosos homines, propterea quod non attingant Rempublicam, solos

solos Deum in suo ocio colere existimant: quasi non multo melius militi, iudici, marito, &c. pateret via ad colendum Deum, quàm ociofo ventri, qui fumos auro commutat.

XXXIII.

In uniuersum itaq; cultus Dei duplex est: Internus & externus, quorum posterior sine priori, cultus rationem non habet. Prior est animi: posterior est corporis.

XXXIII.

Vterq; Deo iuste debetur. Nam quod ad animam, creauit hominem ad imaginem suam, & corpus finxit ex limo terre, ac omnes vires contulit ac conseruat. Hinc illud Pauli: Glorificate Deum in corpore vestro, & in spiritu vestro, quæ sunt Dei.

XXXV.

Ut internus cultus est motus cordis purificati fide, congruens cum lege Dei: ita externus est actio externa, quæ motu cordis regitur, congruens ad normam voluntatis Dei. Vterq; differentias recipit, iuxta gradus præceptorum decalogi, & discrimina vocationum in statibus à Deo approbatis, hoc est, in œconomico, politico, & Ecclesiastico. Hi enim tres status, soli approbantur à Deo cum omnibus artibus & officijs, quæ faciunt ad eorum incolumitatem conseruandam.

XXXVI.

Hæc varietas cultus diuini non euertit, quod supra tradidimus, videlicet quod omnis cultus Dei sit
Spiritu-

spiritualis. Hec enim differentia non sumitur à qualitate operis, sed à qualitate animi, qui agitur spiritu Dei. Propter hunc spiritus motum, omne opus factum ex fide in celebrationem Dei, dicitur & est spiritualis cultus.

XXXVII.

Solos enim hos cultores requirit Pater cœlestis, teste filio, qui cum colunt in Spiritu & veritate, hoc est, qui veris motibus Spiritus sancti aguntur, ad præstandam Deo obædientiam, cum communem cum omnibus pijs, tum propriam cuiusq; in sua vocatione.



INDEX

INDEX RE
RVM QVAE IN HOC
LIBELLO EXPLI-
CANTVR.

I NSTRVCTIO pastoris quatuor constat parti-
bus pagina. 1

PRIMA PARS.

Vita pastoris priuata & solitaria 2
Necessitas puritatis in vita pastoris, pag. 3
Puritas duplex: Animi & corporis, pag. 4

I.

Quae ad animi puritatem requiruntur ibid.
I. MENS non renatorum qualis, pag. 5
Mentis vox iria complectitur. ibid.
Dictum S. Maximi 6
Impuritas mentis quoduplex ibid.
Purgatio mentis ibid.
Ordinatio lectionum sacrarum in Ecclesia. 7
Fructus pie lectionis 8
Basilii magni Psalmos alternatim cani ordina-
uit. ibid.
Vtilitas Psalmorum 8

2

Consi-

INDEX.

<i>Consilium</i> , 1. De lectione Psalmorum	9
2. De versione Georgij Maioris	10
3. De libris novi Testamenti præcipuè legendis	ibid.
4. De libris veteris Testamenti præcipuè legendis	ibid.
5. De corpore doctrinæ scripto à Philippo Melanhtone	12
6. De alijs Philippi commentarijs	12
7. De aliorum commentarijs postea legendis	12

II. COGITATIONVM principia & causa 13

Necessitas vitandi malas cogitationes 14

Bernardus de cogitationibus 14

Causa perniciosarum cogitationum particulares
ibid.

Remedia contra tentationes à Diabolo ortas in doctrina 16

Cogitationes à sensibus ortæ ibid.

Sensus fenestræ mortis 17

Fenestra visus ibid.

Occlusio eiusdem 18

Fenestra auditus 19

Occlusio eiusdem ibid.

Cogitationes ortæ à memoria & earum remedium
ibid.

Cogitationes ortæ à complexione hominis cum remedijs 20

Remedia

INDEX.

Remedium generale aduersus malas cogitationes
ibid.

III. AFFECTVS & eorum differentia *ibid.*

Corporalium affectuum origo & effecta 21

Anaritia tres fines 22

1. *Voluptas & eius remedia* 23

2. *Reverentia & eius remedia* 24

3. *Metus futura inopia & eius remedia* 26

Animales affectus & eorum genera 28

1. *Ira triplex* 28

Ira vitiosa remedia 29

2. *Concupiscentia species* 31

Macarius de concupiscentia 33

IIII. VOLUNTAS, & eius modi 34

V. STUDIVM 35

II

CORPORIS disciplina 35

Exercitia corporis 26

1. *Epicureum* 36

2. *Pharisaicum* *ibid.*

3. *Politicum* *ibid.*

4. *Christianum* 38

Precandi formula conservanda hac vita innocentia

ibidem

Q³

SECUN

INDEX.

SECUNDA PARS OCTO DE

SCIPLINÆ domestica capita continet 41

I. Qualis vxor ducenda parocho 42

II. Affectus pastoris erga vxorem 48

III. Instructio vxoris 50

IIII. Educatio liberorum 52

V. Tractatio familia seruorum & ancillarum 58

VI. Cura & prouidentia de victu & necessarijs 59

VII. Liberalitas in pauperes 61

VIII. Totius domus precandi ratio & tempus 68

Precandi formula 70

TERTIA PARS.

De conuersatione pastoris politica & externa. 71

I. Quid in vita communi spectandum sit pastori 73

1. Conuersatio cum maioribus, paribus inferioribus ibid.

2. Moderatio, 1. In vestitu 75

2. In gestibus 81

3. In sermone 84

4. In conuiuijs 93

Can-

INDEX.

3. Candor in contractibus 102

II. Quid in cœtu Ecclesiastico spectandum 104

III. Quid spectandum in consilijs & deliberationibus 108

1. De doctrina controuersa ibid.

ibid. & pag ibid. & 109

2. De ministerio 111

3. De ijs quæ ad utrunq; referuntur ibid.

QUARTA PARS.

De officio pascendi oues Christi 115

I. Quodnam sit pastoris officium 116

1. Docere gregem Christi verbum Dei 116

2. Administrari illi Sacramenta 165

3. Regere ipsum disciplina 173

4. Precari pro grege 191

5. Curam pauperum habere 196

6. Formam gregis esse 198

II. Quenam sit postris potestas 199

1. Iuris 201

2. Officij 202

3. Iusti & equi 203

Q₃

5. Facti

INDEX.

5.	<i>Facti</i>	204.
III.	<i>Quodnam sit premium rectè præstiti officij</i>	206.
1.	<i>Temporale.</i>	<i>ibid.</i>
2.	<i>Aeternum</i>	
		312
IIII.	<i>Quæ sit pœna neglecti officij</i>	213.
1.	<i>Temporalis</i>	<i>ibid.</i>
2.	<i>Aeterna & spiritalis</i>	214.

FINIS.






R O S T O C H I I


*Excudebat Stephanus Myliander,
impensis Laurentij Alberti,
civis ac bibliopolæ
Lubecensis.*




A N N O

CID. ID. XC.







778.